

लूकाका ज्याक्तुम जोपा-सेला

छेम-ल्ला

१ खोत्लेडाम डोकपु डाचो थियोफिलस, येशूकु दुथाम गुकुगोडा हा-हाम ल्वा दुस्ताम बाईडा मेर्मिम खोत्ले ल्वाकु दुथाम हापा मुचुमिमका ज्यामु माल्मीडी।^२ माम्चुनीकु जोपा-सेला सोपा उनी डुल्चोमिमका ओर्मिम ल्वा गुकुनुड सोम्डिम बु। मे उनीमा डुल्चोमिम ने येशूकु दुथाम नुड येशूका खारी बोमु चोम्मिडीलो आथाममिम ल्वा ल्वापा थोपा बाम्डी, मा मे ल्वाम्डिम थोम्डिम ल्वा वाडमिमनुड सोम्डी।^३ मेम्मा गो वो डोकपु डाचो, येशूकु दुथाम नुड येशूका खारी बोमु चोम्मिडीलो आथाम डा खोत्ले ल्वा चडको चडको दुम्साका माल्तो र्ल्लोक्तोम बु। मेर्मिम खोत्ले पेन्तिका गो गानीलाई ज्यामु जोपा लुडडो।^४ आथा ओराम किताब डानीमा गानीलाई सीट्मा ल्वामिम हाडको आछाडाकाम रेछा ज्वाक्पा गानी चनी।

कु-रुदुम ग्वाक्पा यूहन्ना ग ज्वाक्साका सोम्डिम

^५ यहूदिया क्षेत्रडाम हप हेरोदका साखाम थोड्डुम थारीका अबिया दलडाम डोकपु डुम्लाचो^१ जकरिया ज्वाक्सा कोले बाईडा। उमा नाईमे एलीशिबा वो डोकपु हारूनकु दोचोलाममिम बाईडा।^६ मेचिप निफी डा माम्चुनीकु न-गो होप्पाम बाचची, मिप्रडमाका बेबेटिमडिम खोत्ले खारी नुड डुम्ला जोहोमका बेपा मुचु बाचची।^७ मेचिपकाम उची चो मेबामिवा हेडालोने

एलीशिबाकाम चो मेदुम्पा बाईडा, मा निफीकाम डा उची दु लस्ताम बाईडा।^८ कोलेम डुम्लाचोका बोमु बासिक्पा उमा दलका बोमु थारी रोक्तालो जकरियाका सोरनेमगोडा माम्चुनीकु लाले-पाडके बेत्तोडा लेड्डु,^९ सोरनेमगोनो हुसाका मिप्रडमालाई धूप चापा खारी बोमु लागि मे डुम्लाचोमिमका बेम्खेम्डिम होडडा चिट्ठा ओप्पिडीलो जकरियाकु नडडा दुस्ता।^{१०} मेगोनो धूप घुडाम थारीका पाखानो खोम्सिम्डिम सर्पा मुचु खोत्लेका सोम्दी बेत्तोडा लेटिमडी।^{११} मिप्रडमाकु कोले पाहीचो मे धूप चाखोपकु जोपलामका जकरियानुड रेम्बेसिड्डा।^{१२} मे पाहीचो ल्वास्तुलो जकरिया डिस्तामा ऊ लो दाम्स्ता।^{१३} लावो पाहीचोका गुनुड ज्वाक्ता, “मेडिसा जकरिया, हेडालोने माम्चुनीका ईमा सोम्दी थोम्डिम बु। ईमा नाईमे एलीशिबाका कोले तारापाचो कक्सु, मा गाना मेरामकु नड यूहन्ना बाबेन्मु सो।^{१४} मेराम गमिमका गाना छोम थ्रन्सिनामा गेर्सिद्वाना, मेम्मा हापा मुचुमिम गु गमिमडाम गेर्सिद्वामी।^{१५} हेडालोने गु मिप्रडमाकु मिक्सीलामडा डोकपु दुम। गुका अडगुरकु ग्वाल नुड डु हेल्लो वो मेडुडु। ऊ मामकु डेलगोनो बुलो आथाम डा गु माम्चुनी-पेलका लुन्सीक्पा दुम।^{१६} गुका हापा इस्राएलीमिमलाई मेर्मिमकु माम्चुनीथो र्ल्लोकुमी।^{१७} गुका त्वारोमडा नुड युमका *एलिया होप्पामडा दुम्साका डाचोडाम डादो यो, मा उनीमा लाम्दी बनेबु। गुका पाप नुड चोमिम दुबेडुमी, मा ज्वाकोमिम मथोपामिमलाई माम्चुनीका ज्वामीमिम थोपा मुचुकु नेप्चीथो र्ल्लोकुमी।

^११:५ इस्राएलडाम खोत्लेडाम डादोम डुम्लाचो

आरेसाका गुका डाचोकु मुचुमिमलाई
 उनीमा लागि डा भोम्सीबेट्जोलुमी।^{१८}
 जकरियाका मे पाहीचोनुड ज्वाक्ता,
 “ओराम ल्वा आच्छाडा ज्वाक्साका गो
 हेसाका थोर लुमु मा? हेडालोने गो नुड
 आमा नाईमे निफोकाम डा दु लमु दुस्तुम
 बु।”^{१९} पाहीचोका गुनुड ज्वाक्ता,
 “माम्चुनीनुड दुम्पा डाक्पु पाहीचो गो
 गब्रिएल सो। गानानुड ल्वा बेण्डा नुड
 ओराम जोपा-सेला थोबेड्डा गुमीकाडा
 गोलाई थुडिडिमिम सो।^{२०} लावो आमा
 ल्वाडा थोर मेलुनावामका चोच्चो
 गमिमसम्म सि मजेपा दुम्नामा जेमु
 मेचाम्ना। हेडालोने गो जेडडोम ल्वा
 जोपा थारीका रोथि सो।”^{२१} मेराम
 थारीका मुचुमिमका जकरियालाई
 पाखानो लम्थाटिमडिम बाईडा, मा गु
 सोरनेमगोनो छोम छुस्तामका मेमिम
 डाडायो दुम्मिडिम बाईडा।^{२२} जकरिया
 पाखानो लुक्तालो मेमिमनुड जेमु डा
 मेचाप्सुवा, मा गुका सोरनेमगोनो
 मिक्सीलाम ल्वास्तु ज्वाक्पा मुचुमिमका
 चम्डी। गु ऊ सि मजेपा दुस्तामका
 गुका मेमिमलाई ऊ ल्वा थोसाका
 सीड्डुमी।^{२३} जकरियाका सोरनेमगोनो
 बोमुबासिकपा उमा लाले-पाडके
 बोमु दुम्स्तु मा ऊ नेम रल्लोसिड्डा।
^{२४} मेकोतिमा उमा नाईमे एलीशिबा
 गोजुमे दुस्तामका डो मुनामसम्म बान्ते
 वो मेलक्साका नेण्डा डा बाईडा, मा
 गुका आरे ज्वाक्ता,^{२५} “मुचुमिमका
 गोलाई हाम ना हामकाम मेमिम्डीमिनु
 ज्वाक्साका मिप्रडमाका गोडला न-थोम
 रेम्बेडिम।”

येशू गमी ज्वाक्साका सोम्डिम

^{२६} एलीशिबा गोजुमे दुस्तामकु
 रु(६) मुनामका माम्चुनीका गब्रिएल
 पाहीचोलाई गालीलडाम कोले नासरत
 ज्वाक्मा देलडा थुर्मिडी।^{२७} मे पाहीचो
 मरियम ज्वाक्मा कोले कन्या मेसेमकाडा
 लस्ता। मे मरियम दाऊद हपकु चो-
 चुसुलाममिम योसेफ ज्वाक्मा कोले
 मुचुकाडा बिम्डिम बाईडा।^{२८} पाहीचो
 मेराम कन्याकाडा लक्साका सेव
 साड्डुमा ज्वाक्ता, “ए माम्चुनीलाम
 न-थोम ल्वापा मेसेम।”^{२९} ओराम
 थोस्तुमा मरियम डाडायो दुम्तो ज्वाक्ता,
 “ओ गो थोउतोम ल्वाका ज्वामु मालुमिम
 ल्वा हाम डे? ^{३०} मेकोतिमा पाहीचोका
 ज्वाक्ता, “मेडिसा मरियम, माम्चुनी
 गानानुड गेसिम्डिम बु,^{३१} रेण्डा, गाना
 गोजुमे दुम्ना, मा कोले तारापाचो कना,
 मा उनीमा नड येशू भाबेडा।^{३२} गुमी
 छोम छल्वापा दुम्मी, मा खोत्लेडाम
 छल्वापा माम्चुनीकु तारापाचो ज्वामी।
 मिप्रडमा माम्चुनीका गुमीलाई उनीमा
 डाउ-खुउ दाऊद होम्साकाडा कोले
 हप दुम्बेन्मी,^{३३} मा गुमी हेल्लो लोवो
 याकूबकु चो-चुसुमिमकु हप दुम्मी,
 मा उनीमा किब्दी हेल्लो लोवो दुमहोम
 बु।”^{३४} मरियमका मे पाहीचोनुड
 ज्वाक्ता, “गो ने कोले कन्या मेसेम बुडु,
 ओराम ल्वा हेसाका दुम्मु चाप्सु मा?”
^{३५} पाहीचोका गुनुड ज्वाक्ता, “माम्चुनी-
 पेल गानाडला योमी, मा खोत्लेडाम
 छल्वापा माम्चुनीकु युम गानागोडा
 दुम। मेमिमका मे गक्पा चोच्चो सेपा
 दुम्मी, मा गुमीलाई माम्चुनीकु तारापाचो
 ज्वामी।^{३६} रेण्डा, ईमा त्वाकु मुचु
 एलीशिबाका वो ऊ डामीदुडा गोजुमे

^११:१७ हापा युमनुडमा हेल्लो वो मेल्वाम्मा खारीमिम बेपा माम्चुनीलाम-जेपा। गु येशूडाम ६०० थ
 डादोम (ई.पू. ६००)मुचु बाईडा। *मलाकी ४:७।

^११:३१ हिबू ल्वाडा येशू ज्वाक्मा सेल्पा।

^११:३३ अब्राहामकु चुमु। माम्चुनीका याकूबकु नड चडडा इस्राएल बाबेटिमिडी।

द्रुस्तामा वोस्चो कक्पा दुस्ताम बु। गुलाई खोत्लेका चो मेकक्सु ज्वाम्डिम बाईडा। गु गोजुमे दुस्ताम रु(६) मुनाम दुम्मु दुम्स्तुम बु।^{३७} हेडालोने माम्चुनीका बासु मेचाप्पीमिम हाम वो मिबु।”^{३८} मेकोतिमा मरियमका ज्वाक्ता, “गो मिप्रडमाकु डुल्चोमेलाई गानी ज्वानिम होप्पाम डा दुम्मु।” मेकोतिमा मे पाहीचो मेलामका लस्ता।

एलीशिबालाई क्रोम्डा मरियम लस्ताम

^{३९} कोलेम नलेम चडडा यहदियाकु पोचडथोम कोले देलडा मरियम दाला-दाला बासिक्साका लस्ता,^{४०} मा जकरियाकु नेमगोनो हडडामा एलीशिबालाई सेव साड्डु।^{४१} मरियमका सेव ज्वाक्ताम थोस्तु मेरे एलीशिबाकु डेलगोनो बाट्पा चोच्यो दोस्ता, मा एलीशिबा माम्चुनी-पेलका लुन्सिड्डा,^{४२} मेकोतिमा एलीशिबाका डोक्पु लोलामका ज्वाक्ता, “वाडमिम मेसेममिमगोडाम गाना आलाकाम सो, मा गाना कनामिम चोच्यो वो आलाकाम सो।^{४३} आमा डाचोकु माम आमाडा रोम्डी। हेडामा माम्चुनीका गोडला आकोम न-थोम रेम्बेम्डी? ^{४४} रेण्डा, गाना सेव ज्वाक्ताम थोउतो मेरे आमा डेलगोनो बाट्पा चोच्यो गेर्सिद्वाक्तो दोस्ता।^{४५} गाना आलाकाम सो, हेडालोने मिप्रडमाका गानालाई ज्वाम्डिम ल्वा रोथी ज्वाक्साका थोर लुन्नाम बु।”

मरियमका माम्चुनीकु नड कोमु काम्सो बुडुम

^{४६} मेकोतिमा मरियमका ज्वाक्ता, “आमा न-गोलामका डा मिप्रडमाकु कोमु काम्सो बेउ,^{४७} मा गोलाई सेल्पा माम्चुनीडा आमा गो भ्रसी।^{४८} हेडालोने गुमीका उनी त्वाकु डुल्चोमे याक्के दुम्डोडोलो न-थोम रेम्बेडिम

बु, आथाडा आनो खोत्ले मुचुमिमका गोलाई आलाकाम ज्वामी।^{४९} युमनुडमा माम्चुनीका आमा लागि कोले डोक्पु खारी बेडसाडडीमिम बु। माम्चुनीकु नड सेपा बु।^{५०} उनीमा डिमजुल्पािमिमडला गुमीका हेल्लो लोवो न-थोम रेम्बोमी।^{५१} गुमीका उनीमा ल्वाका उनीमा युम रेम्बोम्डिम बु, मा डोक्पु लिसिक्पािमिमकु नगोडाम डोक्पु लिसीसि पूयु लुटिमडिम बु।^{५२} गुमीका साखामचोमिमलाई हाम ना हामकाम दुम्बेटिमडिम बु, मा याक्के दुम्पामिमलाई डोक्पु बेम्डिम बु।^{५३} गुमीका क्रुमसिपामिमलाई जोपा-भ्रपा पोमु-डुमु खोहोम ग्वाम्डिम बु, मा खाप्चीचोमिमलाई होप्तोडा थुर्मिडिम बु।^{५४} गुमीका उनीमा डुल्चो ईसाएलीमिमलाई मिम्साका न-थोम रेम्बेडिम बु र्लोम्डिम बु,^{५५} मा ईकीमा डाउ-खुउमिमनुड गुमीका डादो ज्वाम्डिम होम्साका डा अब्राहाम नुड उमा चो-चुसुमिमडला हेल्लो लोवो उनीमा न-थोम रेम्बेडिम बु।”^{५६} एलीशिबानुड सुक मुनाम कोकोवा बाईडामा मरियम उमा नेम र्लोसिड्डा।

कु-रुदुम ग्वाक्पा यूहन्ना गस्ताम

^{५७} एलीशिबाकु चोच्यो गक्पा थारी दुस्तामा गुका कोले वोस्चो चो कस्तु।^{५८} मिप्रडमाका गुडला न-थोम रेम्बेडिम बु ज्वाक्पा थोम्डोमा उमा साउखोरे नुड उमा त्वाकु मुचुमिम एलीशिबानुड छोम गेर्सिद्वाम्डी।^{५९} चोच्यो गस्तामकु लेत्लेम नेम ऊ खिरिरी क्रिण्डां मेर्मिम रोम्डी, मा मेरामकु नड उमा पापकु नड होप्पाम डा जकरिया बाबेन्मु खाप्पिमडिम बाईडा।^{६०} लावो ऊ मामका ज्वाक्ता, “मेएँ, ओरामकु नड यूहन्ना बाबेन्मु बासी।”^{६१} मेर्मिमका गुनुड ज्वाम्डी, “ईमा मुचुमिमगोडा आरेप्पाम नड बाट्पा मुचुमिम सु वो मेबुमी।”^{६२} मेर्मिमका

† १:५६ *माम्चुनीकु मुचु ज्वाक्साका रेम्बेपा छेखोप

मे चोच्चोकु पापलाई उनीमा ल्वा थोन्मिडीमा चोच्चोकु नड हाम जुल्पा न बु ज्वाक्साका हिलाबेम्डी। ६३ मेकोतिमा जकरियाका कोले ज्याखोप पाटी बियुडु मा, “मेरामकु नड यूहन्ना सो” ज्वाक्साका ज्याक्तु। ओराम ल्वाम्डीमा मेर्मिम खोत्ले डाडाया दुम्मिडी। ६४ मेकोतिलोडा गु जेमु चापा दुस्ता, मा गुका माम्चुनीकु नड कोमु चोम्डु। ६५ ऊ साउखोरैमिम खोत्ले डिम्डी, मा यहदियाडाम पोचडथोम खोत्ले देलबाडे ओराम ल्वा थोम्डी। ६६ ओराम ल्वा थोपा मुचुमिम खोत्लेका दिफू ओराम चोच्चो हेप्पाम दुम? ज्वाक्साका उनी नडडा मिम्मिडी। हेडालोने मिप्रडमाकु युम मे चोच्चोनुड बाईडा।

जकरिया माम्चुनीलाम जेस्ताम

६७ यूहन्नाकु पाप जकरिया माम्चुनी-पेलका लुन्सिडडा, मा माम्चुनीलाम जेमु चोम्डु, ६८ “इसाएलडाम मिप्रडमा माम्चुनीकु नड कोसीनु, हेडालोने गुमी योम्डीमा उनी त्वाकु मुचुमिमलाई सेल्मिडिम बु! ६९ गुमीका ईकीमा लागि उनी त्वाकु डुल्चो दाऊदकु चो-चुसुमिमगोलामका सेल्पा कोले युमचो ग्वाक्साड्डामिम बु। ७० गुमीका माम्चुनीलाम-जेपा सेपा उनीमा मुचुमिमकु सिलामका माके जेम्डी, ७१ मेराम ईकीमा स्वाक्चुमो मुचुमिमलामका नुड मेद्वाक्पामिमलामका गुईलाई सेल्सामी, ७२ गुमीका ईकीमा डाऊ-खुउमिमडला न-थोम रेम्बोमु लागि, मा सेपा उनीमा सोरखेप्सी मिम्मु लागि, ७३ ईकीमा डाउ-खुउ अब्राहामनुड कसम पेम्डिम बाईडा। ७४ मेराम ईकीमा स्वाक्चुमो मुचुमिमलामका सेल्सिमु मा मेडिसाका, ७५ माम्चुनीकु लाम्दीडा लाम्दीसाका उनीमा लाले-पाडके ईकी साम बुमिमसम्म सेपा दुम्साका बोमु ल्वासीनु। ७६ ए आमा तारापाचो, खोत्लेडाम

धल्वापा माम्चुनीका गानालाई गुमीलाम जेपा दुम्बेनामी, हेडालोने गाना डाचोकु डादो-डादो उनीमा लाम्दी बनेबेप्साड्डा लना। ७७ उनीमा मुचुमिमलाई उनीमा छुलमिम हेम्सिटमी, मा सेल्सिमी ज्वाक्पा न ग्वानामी। ७८ हेडालोने माम्चुनीकु छोम न-थोमका पाहीलामका नेप्सुडकु ओल होप्पाम ख्रीष्ट ईकीमाडा यामी, ७९ मा तुकुम्चिमडा नुड सिमुलाम खोपा मुचुमिमडला मेराम भ्वा, मेम्मा गुमीका ईकीमा न भ्रसी बेन्मी।” ८० मे चोच्चो यूहन्ना बर्तो लस्ता, मा माम्चुनी-पेलका गुलाई युमचो दुम्बेटिमडी। मेकोतिमा इसाएलीमिमनुड रेम्मेबेसिथुमसम्म गु ज्याङगो-ज्याङगोडाडा बाईडा।

येशू गम्डिम

२ मेराम थारीका रोमी हप अगस्तसका उमा किब्दीगोडा बाटपा खोत्ले मुचुमिमकु नड डोनी बुडुमी। २ सिरियाडाम किब्दी साखामचो कुरैनियस बाईडाम थारीका डादो मुचुमिमलाई डार्मिडिम थारी ओराम डा बाईडा। ३ खोत्ले मुचुमिम उनी नड डोबेडडा त्वा-त्वासोम उनी शहरडा लम्डी। ४ योसेफ दाउदकु चो-चुसुलाममिम बाईडा। मेम्मिमका गु गालीलडाम नासरत देललामका गेले यहदियाकु बेथलेहेमडा लस्ता। मेसिन्डा माके दाऊद हपकु नेम बाईडा। ५ नड डोबेन्मु लागि योसेफका उमाडा बिम्डिम मरियमलाई वो गुनुड डा लडुमा लस्ता। मेकोतिलो मरियम गोजुमे बाईडा। ६ मेर्चिप बेथलेहेमडा बाच्चिम थारीका डा मरियमकु चोच्चो गक्पा थारी रोक्फाड्डा, ७ मा गुका ऊ थाकु वोस्चो कस्तु, मा गुमीलाई येका दिल्लुमा बोक्सागोयु आम्डु, हेडालोने मेर्चिपका पाटीबाडे बान्ते वो बुमु मेल्वाचिवा।

भेन्दा रेपा गोठालामिम नुड पाह्नीचोमिम

मेराम सिन्था बेथलेहेम फार्डाम भेन्दामिम जापा धेब्देडा गोठालामिमका सेर्पा उनी भेन्दामिम लन्थाटिमडिम बाईडा। ६ डाचोकु कोले पाह्नीचो मेर्मिमनुड रेम्बेसिड्डा मा डाचोकु ओल मेर्मिमकु होनोलाम-आथोलाम भवाक्ता, मा मेर्मिम छोम डिम्डी। १० लावो पाह्नीचोका मेर्मिमनुड ज्वाक्ता, “मेडिनी! गो गानीलाई कोले जोपा-सेला थोबेनिनी, मेरामका खोत्ले मुचुमिम छोम भ्रम्सिमी। ११ आनेप दाऊदकु शहरडा गानीलाई सेल्पा कोले मुचु डाचो ख्रीष्ट गम्डिम बु। १२ गानी कोले चोच्चोलाई येका दिलसाका बोक्सा गोयु आम्थाट्मा डार्नी, गानी ओराम छेखोपलामका गुमीलाई छेनी।” १३ मेकोतिलोडा कोचौत्ति वाडमी छोम सेर्पा पाह्नीचोमिम मे पाह्नीचोनुड काम्सीम्डी। मेकोतिमा माम्चुनीकु नड कोक्तो आरे ज्वाम्डी, १४ “खोत्लेडाम येप्पा पाह्नीला माम्चुनीकु युम भवानु, मा सुबुडा उहेम मुचुमिमनुड गुमी गेसिक्पा बुमी मेर्मिमकु गो भ्रसीनु।” १५ पाह्नीचोमिम मेलामका पाह्नीथो रूल्लोसिम्डी मा मे गोठालामिमका उनी त्वाप-त्वापडा आरे ज्वाबेम्डी, “दो, गुई मे बेथलेहेमनो लक्सी मा मिप्रडमाका गुईनुड सोम्डिम ल्वा मेसिन्डा हाम दुस्ताम रेखा रेप्डी।” १६ मेर्मिम ओन्तो लम्डी, मा मेसिन्डा मेर्मिमका मरियम, योसेफ नुड बोक्सागोयु आम्थाट्मा चोच्चोलाई डार्मिडी। १७ गोठालामिमका मे चोच्चो ल्वाम्डी, मा पाह्नीचोमिमका चोच्चोकु दुथाम हाम ज्वाम्डिम बाईडा, मेराम ल्वा मेर्मिमका खोत्लेनुड सोम्डी। १८ ओराम ल्वा थोपामिम खोत्ले डाडाया दुम्मिडी। १९ लावो मरियमका ने ओर्मिम ल्वाकु दुथाम मिन्तो उमा

नडा जुल्थाड्डु। २० पाह्नीचोका मेर्मिमनुड ज्वाक्ताम होम्साका मेर्मिमका ल्वाम्डी, थोम्डी। मेर्मिमका मेर्मिमका माम्चुनीलाई डोक्पु मिन्तो नुड उनीमा नड कोक्तो उनी भेन्दामिम बाट्पाथो रूल्लोसिम्डी।

चोच्चो येशू सोरनेमगोडा रेट्मडिम

२१ लेत्लेम नेम मे चोच्चोकु *खिरिरी क्रिप्पीडी, मा उनीमा नड येशू बाबेट्मिडी। मेराम नड उनी माम्कु डेलगोनो गुमी मुन्मु डादो पाह्नीचोका ज्वाक्ताम बाईडा। १२२ मोशाकु डुम्ला होम्साका चोच्चो गमिम चडडा *सेपा दुम्मुकु थारी हुक्तामा मेर्चिपका येशूलाई मिप्रडमाकु डादोडा ग्वामु लागि यरूशलेमडा रेट्ची। १२३ मिप्रडमाकु डुम्लाका ज्वा, “खोत्लेडाम डादो गक्पा थाकु मिप्रडमालाई ग्वामु बासी।” २४ मेकोतिमा मिप्रडमाकु डुम्ला होम्साका सासेन्मु लागि नले तुक्तुकुर लोवो नले परेवा लोवो मेर्चिपका मेसिन्डा रेट्ची। २५ मेकोतिलो शिमियोन नडकाम कोले मुचु यरूशलेमडा बाईडा। गु माम्चुनीकु न-गो होप्पाम नुड उनी न होम्साका दोपा, मा ख्रीष्ट योमीमा इस्राएलीमिमलाई बोमी-थार्मीमिम लथाक्पा मुचु बाईडा। माम्चुनी-पेल गुनुड बाम्डी, २६ मा “मिप्रडमाकु ख्रीष्ट मेल्वाथुमसम्म ईमा साम मेल” ज्वाक्साका माम्चुनी-पेलका गुलाई रेम्बेम्डिम बाईडा। २७ मोशाकु डुम्लाका मालो गक्पा चोच्चोकु दुथाम हाम बोमु ज्वाक्ताम, मेराम होम्साका डा मरियम नुड योसेफका मे चोच्चो येशूलाई सोरनेम गोनो रेट्ची। मेकोतिलो माम्चुनी-पेलका शिमियोनलाई मे सोरनेम गोनो थुर्मिडी। २८ मेकोतिमा शिमियोनका मे चोच्चो येशूलाई ल्वाडा फेड्डुमा माम्चुनीलाई आलासो ग्वाक्तो ज्वाक्ता,

†२:२१ *माम्चुनीकु मुचु ज्वाक्साका रेम्बेपा छेखोप।

†२:२२ *

शिमियोनका माम्चुनीलाई आलासो ग्वाक्तुम

२६ “ए मिप्रडमा आथा ने गो ईनी डुल्चोनुड याचे जेन्निम होम्साका गो भ्रसिक्साका सिमु चापु। ३० हेडालोने मुचुमिमलाई सेल्पा गानी थुर्निम मुचु गो ल्वाउतोम बु। ३१ गानी गुमीलाई खोत्ले मुचुमिमकु डादोडा थुर्निमिम बु, ३२ वाडंसामामिम सेल्सिक्पा लाम्दी रेम्बेट्पा ओल नुड ईनी त्वाकु सामा इस्राएलीमिमकु युम-भवाक्पा ओल मेराम दुम्बेटिनम बु।” ३३ चोच्चो येशूकु दुथाम शिमियोनका ज्वाक्ताम ल्वा थोच्चोमा उनीमा माम नुड पाप डाडाय़ा दुम्ची। ३४ शिमियोनका मेर्मिमलाई जि ग्वाक्तुमी मा येशूकु माम मरियमनुड ज्वाक्ता, “रेण्डा, इस्राएलडाम हापा मुचुमिमलाई सेल्मु मा याडलाई देन्दे ग्वामु माम्चुनीका ओराम चोच्चोलाई छेटिमडीम बु। माम्चुनीका गुमीलाई छेखोप होप्पामडा थुटिमडिम बु, लावो मुचुमिमका गुमीलाई मेद्वामी। ३५ मेम्मा आरिसाका हापा मुचुमिमकु न-गो ल्वासिक्पा दुम, मा कातुरुका ख्वाकुमिम होडडा ईमा वो थोम्बोक दुखाका ख्वाकु।” ३६ आशेर दोचोलामामिम फनिएलकु जाउमो चो हन्ना नडकाम माम्चुनीलाम जेपा कोले डामी मेसेम मे सोरनेमगोनो बाईडा। गुका लालीकुन्दा बुडुम येत्ले-थ चडडा उमा वोचु सिडाम बाईडा, ३७ मा अर्दोमे दुस्तामा लेत-ब्ल(८४) थ रोक्विथड्डाम बाईडा। गुका हेल्लो वो सोरनेम मेडिथालुवा, मा उपास बासाका नुड सोम्दी बैसाका नेम्फु सिन्था माम्चुनीकु सोरलोले बुथाल्लु। ३८ शिमियोनका मरियम, यासेफनुड जेमु दुम्स्तुलो हन्ना मेसिन्डा रोकतामा माम्चुनीलाई आलासो ग्वाक्तु, मा यरूशलेमडाम मुचुमिम सेल्सीमीमिम थारी लथाक्पामिम खोत्लेनुड गुका मे चोच्चो येशूकु दुथाम

सोयुडु। ३६ मेर्चिपका मिप्रडमाकु डुम्ला होम्साका खोत्ले खारी बोमु दुम्ची। मेकोतिमा मेर्चिप उची चो येशूनुड गालीलडाम नासरत शहरडा बाटपा उची नेण्डा ख्लोसिक्ची। ४० मेकोतिमा मे चोच्चो येशू बर्तो लम्डी, मा नेप्ची नुड सोनुडमा दुम्तो लम्डीमा माम्चुनीकु दिदाम गुमीनुड बाईडा।

चोच्चो येशू सोरनेमगोडा

४१ येशूकु माम-पाप ख्वाम्लेमुनेमकु चाड मानेबेण्डा थ-थका यरूशलेम लक्थाल्ची। ४२ येशू को-न(१२) थकाम दुम्मिडी, मा डादो बेम्खेम्डिम होम्साका येशू नुड उनीमा माम-पाप चाड मानेबोमु लागि यरूशलेम लम्डी। ४३ चाड मानेबोमु दुम्मिडी, मा उनीमा माम-पाप नेम ख्लोसिक्चीलो मे चोच्चो येशू ने यरूशलेमडा डा बाम्ल्याम्डी। ओराम ल्वा उनीमा माम-पापका मेचक्चिवा। ४४ लाम्दी लाम्दीपामिमनुड येशू बुमी ज्वाक्पा मिम्सिक्चीमा उनीमा माम-पाप कोलेमकु लाम्दी लक्ची। गुमीलाई उनी माम-पापका उची मुचुमिम नुड डोप्सोमिमकाडा माल्ची। ४५ गुमीलाई बान्ते वो मेडार्चिवामका मेर्चिप उची चो माल्तो यरूशलेमथो डा ख्लोसिक्ची। ४६ सुलेम चडडा मेर्चिपका येशूलाई सोरनेमडा यहूदीमिमकु डुम्ला सीपा मुचुमिमकु थेतैडा गन्तासिड्मीडिमा मेर्मिमकु ल्वा थोत्तो मेर्मिमनुड हिलाहिसी बेत्तोडा लेटिमडीम माम नुड पापका डार्ची। ४७ गुमीका ल्वा थेसिथेटिमडीमा उनी सि ख्लोक्मिडिम थोपा मुचुमिम खोत्ले डाडाय़ा दुम्मिडी। ४८ गुमीलाई ल्वाच्चीमा उनीमा माम-पाप डाडाय़ा दुम्ची, मा उनी मामका गुमीनुड ज्वाक्ता, “आमा तारापाचो, गाना आरेप्पाम हाम बेन्नाम? रेण्डा, ईमा पाप नुड गुचुकु ईमा लागि मिम्ताम-सोर्ताम बेसाका छुरुप-छुरुप लुत्तो गानालाई माल्चोको।”

४६ येशूका मेर्चिपनुड ज्वाम्डी, “गानी हेडा गोलाई मालिडडीनीमिम? हाम गो आमा पापकु नेमडा बुमु बासी ज्वाक्पा गानी चनिम मेबायावा?” ४० लावो गुमीका ज्वाम्डिम ल्वा उनीमा माम-पामका थेसिमथेचिवा। ४१ मेकोतिमा गुमी उनी माम-पापनुड उनी नेम बाट्पा नासरत शहरथो र्लोसिम्डी, मा उनीमा माम-पापका ज्वाक्चिम होम्साका बेम्डी। उनीमा मामका हा-हाम दुस्ताम मेर्मिम खोत्ले ल्वा उमा नडा जुल्थाड्डु। ४२ मेकोतिमा नेप्चीडा, मिरोमडा मा माम्चुनी नुड मुचुमिमकु दिदामडा येशू बर्तो लम्डी।

कु-रुदुम ग्वाक्पा यूहन्नाका लाम्दी बनेबुडुम

३ रोमी हप तिबेरियसका किब्दी थोड्डुम को-डो(१५) थ दुस्ताम बाईडा। मेकोतिलोका पन्तियस पिलातस यहूदियाडाम साखामचो दुस्ता। मेराम थारीका डा हेरोद गालीलडाम साखामचो दुस्ता, मा उमा तारापा ल्वाक फिलिप इतोरिया नुड त्राखोनितिसडाम साखामचो दुस्ता। लुसानियास अबिलेनेडाम साखामचो दुस्ता। २ हन्नास नुड कैयाफा डोक्पु डाउ डुम्लाचो दुम्चिम थारीका माम्चुनीका उनीमा सीजेम जकरियाकु तारापाचो यूहन्नालाई ग्वाम्डी। गु ज्याडगो-ज्याडगोडा बाईडा। ३ यूहन्नाका यर्दन ब्लोकुकु होनो-आथोम देलबाडेम मुचुमिमलाई आरे ज्वाक्तो थोबेन्मु चोम्डु, “माम्चुनीथो र्लोन्सिट्नीमा कु-रुदुम रनी। मेकोतिमा माम्चुनीका ईनीमा छुलमिम हेम्सानिमी।” ४ माम्चुनीलाम-जेपा यशैयाका ज्याक्तुम सीजेमकु किताबडा अरेसाका ज्याक्मा बु, “ज्याडगो-ज्याडगोडा कोले येपा मुचुकु लोलामका आरे ज्वा, ‘मिप्रडमाकु लाम्दी बनेबे, उनीमा लाम्दी जोपा बेजोला। ५ खोत्ले खोल्सामिम ड्यासी,

पोपचड नुड जुजुलुड देटपा दुम, गडते लाम्दी सीधा दुम, मा लाम्दीमु खेरपा लाम्दी देटपा दुम, ६ मा माम्चुनीका मुचुमिमलाई सल्लमीमिम खोत्लेका ल्वामी।” ७ उमाडा कु-रुदुम रण्डा रोकपा सेर्पा मुचुमिमलाई यूहन्नाका आरे बुडुमी, “ए ब्लोकु चोनी, माम्चुनीका बोमु खाप्पीमिम नियालामका वाड दुम्मु कोडनिमका गानीलाई डिमसान्मु चाप्सु मा? ८ मेम्मिमका गानी ईनी छुलमिम न-गोलामका मिम्सिसाका माम्चुनीडा र्लोन्सिट्नीम रेम्बोमु मेराम होम्साका दोनी। लावो अब्राहामकु चो-चुसु सो, मेम्मिमका गुकु ने देन्दे मेल्वाकु ज्वाक्पा मेमिमिसट्नी। हेडालोने गो गानीनुड ज्वाडु, माम्चुनीका ओर्मिम लुडकाम अब्राहामकु चो-चुसु प्रडमु चाम्मी। ९ धक्सामिमकु सक्फारयु खोका फल्मु डा खाप्डुमिम बु। जोपा मा मेसिट्पा खोत्ले धक्सा खोका र्पुमीमा मुडडा घोमी।” १० मे सेर्पा मुचुमिमका यूहन्नानुड हिलाबेम्डी, मेम्माला गुकु हाम बोमुबासी? ११ यूहन्नाका मेर्मिमलाई ज्वाक्ता, “उहेमनुड नले माक्ते बु, मेरामका मेबाट्पालाई ग्वाक्नु, मा उहेमनुड पोमुडुमु बु, मेरामका वो मेम डा बुनु।” १२ कर फक्पामिम वो यूहन्नाकाडा कु-रुदुम रण्डा रोम्डीमा गुनुड हिलाबेम्डी, डाचो गुकु हाम बोमुबासी? १३ गुका मेर्मिमनुड ज्वाक्ता, सरकारका फक्नी ज्वाक्ताम कोति कोडडा कर गानी फक्नी। १४ कोड-कोड सिपाहीमिमका वो हिलाबेम्डी, गुकु ने हाम बोमुबासी? गुका मेर्मिमलाई ज्वाक्ता, “डिमसासा-सासा सुलाम वो ईनीमा लागि खउलुड मेरनी, मेजोपा ल्वा सुकाम वो बुईडला मेउट्नी। त्वाकु तलबडा गोतिम्सिट्नी।” १५ मुचुमिमका खीष्ट योमी ज्वाक्साका लन्थाट्मडीम बाईडा, मा खोत्ले मुचुमिमका गुमी डा खीष्ट डे मेएँ ज्वाक्साका यूहन्नालाई

उनीमा नडा मिम्थाट्मडीम बाईडा।
 १६ मेकोतिमा यूहन्नाका मेर्मिमलाई सि
 ख्लोकसाक्तो आरे बुडुमी, “गो गानीलाई
 कु-रुदुम ग्वानीनी। लावो गोडाम छल्वापा
 कोले रोकतोडा बोमी। उनीमा सोलोपकु
 साले फ्रोमु घ्रेट्पा वो गो ने मेबुडु। गुमीका
 गानीलाई माम्चुनी-पेल नुड मुकाम रुदुम
 ग्वानीमी। १७ स्याक्पा स्वाफेम उनीमा
 ल्वाडडा बु। गुमीका उनीमा मा-के
 थेम्खोप देल्फू मेरामका सेसेया बोमीमा
 जेप्सेर उनीमा छेदेनेमडा जुल्मी। लावो
 होक्ते ने हेल्लो वो मेसिपा मुडडा
 चामी।” १८ आरेप्पाम वाडमिम वो हापा
 ल्वामिम सोसाका लुम्ला बेत्तो यूहन्नाका
 मुचुमिमलाई जोपा-सला थोबेडुमी।
 १९ लावो गालीलडाम साखामचो हरोदका
 उमा ल्वाक देल्मी हेरोदियास रेडुडुमका
 नुड मेजोपा खारीमिम बुडुमका यूहन्नाका
 गुलाई मुचुमिमकु डादोडा भुडुम बाईडा।
 २० हेरोदका यूहन्नालाई भ्यालखानगोडा
 चक्साका आथावो मेजोपा खारी बुडुम
 बाईडा।

येशूका कु-रुदुम रम्डिम

२१ खोत्ले मुचुका कु-रुदुम रम्डी, मा
 येशूका वो कु-रुदुम रसाका सोम्दी बेम्डिम
 बाम्डी, मेकोतिलो पाही ह्वासिडडा,
 २२ मा माम्चुनी-पेल तुक्तुकुर होड्डा बेपा
 गुमीडला योम्डी। मेम्मा पाहीलामका
 आरे ज्वाक्पा लोलाम जेस्ता, “गाना
 गो छोम द्वानीमिम आमा तारापाचो,
 गानाडाम गो छोम गेर्सिद्वाक्पा बुडु।”

येशूकु पाईमाखाकाम नडमिम

२३ माम्चुनीका मुचुमिमकु डादोडा
 बेबेट्मडीम खारी येशूका बोमु
 चोम्मिडीलो गुमी सु-सुक्थ(३३) काम
 बाम्डी। मुचुमिमका गुमीलाई योसेफकु
 तारापाचो ज्वाक्पा मिम्थाल्मिडी।
 योसेफ एलीकु तारापाचो बाईडा,

२४ एली, मत्तातकु तारापाचो, मत्तात,
 लेवीकु तारापाचो, लेवी, मल्कीकु
 तारापाचो, मल्की, यान्नाकु तारापाचो,
 यान्ना, योसेफकु तारापाचो, २५ योसेफ,
 मत्ताथियसकु तारापाचो, मत्ताथियस,
 आमोसकु तारापाचो, आमोस, नहूमकु
 तारापाचो, नहूम, इसलीकु तारापाचो,
 इसली, नगैकु तारापाचो, २६ नगै,
 माथकु तारापाचो, माथ, मत्ताथियसकु
 तारापाचो, मत्ताथियस, सेमैनकु
 तारापाचो, सेमैन, योसेखकु तारापाचो,
 योसेख, योदाकु तारापाचो, २७ योदा,
 योआननकु तारापाचो, योआनन,
 रेसाकु तारापाचो, रेसा, यरूबाबेलकु
 तारापाचो, यरूबाबेल, शालतिएलकु
 तारापाचो, शालतिएल, नेरीकु तारापाचो,
 २८ नेरी, मल्कीकु तारापाचो, मल्की
 अदीकु तारापाचो, अदी, कोसामकु
 तारापाचो, कोसाम, एलमादमकु
 तारापाचो, एलमादम, एरकु तारापाचो,
 २९ एर, यहोशूकु तारापाचो, यहोशू,
 एलीएजरकु तारापाचो, एलीएजर,
 योरीमकु तारापाचो, योरीम, मत्तातकु
 तारापाचो, मत्तात, लेवीकु तारापाचो,
 ३० लेवी, शिमियोनकु तारापाचो,
 शिमियोन, यहूदाकु तारापाचो, यहूदा,
 योसेफकु तारापाचो, योसेफ, योनानकु
 तारापाचो, योनान, एल्याकीमकु
 तारापाचो, ३१ एल्याकीम, मलेआकु
 तारापाचो, मलेआ, मिन्नाकु तारापाचो,
 मिन्ना, मत्ताथाकु तारापाचो, मत्ताथा,
 नातानकु तारापाचो, नातान, दाऊदकु
 तारापाचो, ३२ दाऊद, यिशैकु तारापाचो,
 यिशै, ओबेदकु तारापाचो, ओबेद,
 बोअजकु तारापाचो, बोअज, सल्मोनकु
 तारापाचो, सल्मोन, नहशोनकु
 तारापाचो, ३३ नहशोन, अम्मीनादाबकु
 तारापाचो, *अम्मीनादाब, आरामकु
 तारापाचो, आराम, हेस्नोनकु तारापाचो,
 हेस्नोन, फारेसकु तारापाचो, फारेस,

यहूदाकु तारापाचो, ^{१३४} यहूदा,
याकूबकु तारापाचो, याकूब, इसहाककु
तारापाचो, इसहाक, अब्राहामकु
तारापाचो, अब्राहाम, तेरहकु तारापाचो,
तेरह, नाहोरकु तारापाचो, ^{३५} नाहोर,
सरुगकु तारापाचो, सरुग, रऊकु
तारापाचो, रऊ, पेलेगकु तारापाचो,
पेलेग, एबेरकु तारापाचो, एबेर,
शेलहकु तारापाचो, ^{३६} शेलह, केनानकु
तारापाचो, केनान, अपर्क्षदकु तारापाचो,
अपर्क्षद, शेमकु तारापाचो, शेम, नोआकु
तारापाचो, नोआ, लेमेखकु तारापाचो,
^{३७} लेमेख, मतसेलहकु तारापाचो,
मतसेलह, हनोककु तारापाचो,
हनोक, येरेदकु तारापाचो, येरेद,
महलालेलकु तारापाचो, महलालेल,
केनानकु तारापाचो, ^{३८} केनान, एनोशकु
तारापाचो, एनोश, शेतकु तारापाचो, शेत,
आदमकु तारापाचो, आदम माम्चुनीकु
तारापाचो बाईडा।

शैतानका येशूकु न-छाम्दुम

४ येशू माम्चुनी-पेलका लुन्सिम्डी, मा
यर्दन ब्लाकुलामका ख्लोसिम्डी।
मेकोतिमा माम्चुनी-पेलका गुमीलाई
ज्याडगो-ज्याडगोथो लम्डी, ^२ मा
मेसिन्डा गुमीलाई शैतानका बल-
धुम(४०) नेमसम्म न-छाम्दु। मेमबिली
गुमीका हाम वो मेपेमीवा-मंडुमीवा। बल-
धुम(४०) नेमकु चडडा गुमी छोम क्रुम
सिम्डी। ^३ मेकोतिमा शैतानका गुमीलाई
ज्वाक्ता, “गानी माम्चुनीकु तारापाचो
माला ओराम लुडलाई सोबेम दुम्सा
बेनी, मा ओराम सोबेम दुम।” ^४ लावो
येशूका गुलाई ज्वाम्डी, “माम्चुनीकु
सीजेमडा ज्याक्मा बु, ‘सोबेमका कोडडा
मुचुकु साम जुल्मु मेचाप्सु।’” ^५ शैतानका
येशूलाई येप्पाला लडुमा घरिकोड खोत्ले
सुम्दीसेरडाम किब्दीमिम रेम्बेड्डु।
^६ मेम्मा गुमीलाई ज्वाक्ता, “गो ओर्मिम

खोत्ले किब्दी थोमु नुड ओर्मिम खोत्लेकु
जोप्सी गानीलाई ग्वानिनी, हेडालोने
ओर्मिम खोत्ले आमा ल्वाडडा बु, मा
गो सुलाई ग्वा-ग्वा द्वा मेरामलाई
ग्वाक्पु। ^७ मेम्मिमका गानी गोलाई सेव
साटिडडीनी माला ओर्मिम खोत्ले गो
गानीलाई ग्वानिनी।” ^८ येशूका मेरामलाई
ज्वाम्डी, “माम्चुनीकु सीजेमडा ज्याक्मा
बु, ‘गाना ईमा मिप्रडमा माम्चुनीलाई
सेव साडा, मा उनीमा कोडडा लाले-
पाडके बे’।” ^९ मेकोतिमा शैतानका
येशूलाई यरूशलेमडाम सोरनेमकु जुजुला
लडुमीमा ज्वाक्ता, “गानी माम्चुनीकु
तारापाचो माला ओरामलामका धाली
भुक्नी।” ^{१०} हेडालोने माम्चुनीकु
सीजेमडा ज्याक्मा बु, गुमीका गानीलाई
बोम-थार्मु लागि उनीमा पाहीचोमिमलाई
थुमी, ^{११} मा मेम्मिमका गानीलाई ईनीमा
खल लुडडला मेथेम्सीनु ज्वाक्साका
उनीमा ल्वाक्का येम-येमडा भेनी।
^{१२} येशूका मे शैतानलाई ज्वाम्डी,
“माम्चुनीकु सीजेमडा आरेसाका ज्याक्मा
बु, ‘गाना मिप्रडमा ईमा माम्चुनीकु न
मेछाम्डा’।” ^{१३} शैतानका येशूकु न-छाम्मु
दुम्स्तुमा उमा लागि येशूकु न छाम्मु
जापा खाप मेरोक्थुमसम्म गुमीलाई
डिडजोल्लुमा लस्ता।

येशूका गालीलडा सीटिमडिम

^{१४} येशू माम्चुनी-पेलकु युमका
लुन्सिम्डीमा गालीलथो ख्लोसिम्डी।
मेम्मा उनीमा दुथाममिम ल्वा होनो-
आथोम खोत्ले मुचुका थोम्डी।
^{१५} गुमीका मेर्मिमकु घोम्दीनेमबाडे
मुचुमिमलाई सीमु चोम्मिडी, मा
खोत्लेका उनीमा नड कोम्डी। ^{१६} गुमी
नासरत देलडा रोम्डी। मेसिन्डा गुमी
बर्मिडिम बाईडा। गुमी डादो आथाममिम
उनी बादीखाम होम्साका डेम्सिमुनेम
घोम्दीनेमडा लम्डीमा माम्चुनीकु सीजेम

डान्मु लागि गुमी येम्मिम्डी।^{१७} गुमीलाई
 माम्चुनीलाम-जेपा यशैयाका ज्याक्तुम
 किताब डान्मु लागि ग्वाम्डी। मेकोतिमा
 मेराम किताब ह्वाम्डी, मा मेगोडा ओराम
 ज्याक्मा र्लुम्डी, ^{१८} 'मिप्रडमाकु पेलका
 गोलाई लुटिङडीमिम बु, मेम्साका उनी
 हाम वो मंबाट्पामिमलाई गो जोपा-सेला
 थोबेट्पुमी, मा शैतानका बथाडुमिम
 मुचुमिम मेलामका वाड दुम्मी। मेम्मा
 मिक्सीका मेल्वापामिमकाम उनी मिक्सी
 ह्वासी, मा दुखाडा बाट्पामिम मेलामका
 वाड दुम्मी, ^{१९} मा मिप्रडमाका उनीमा
 मुचुमिम सेल्पा थारी रोक्ताम बु ज्वाक्पा
 सोमु लागि गोलाई थुर्डीमिम बु'।
^{२०} गुमीका मेकोतिडा डाडिमडीमा
 मेराम किताब गुमीलाई ग्वाक्पा मे
 घोम्दीनेमडाम डल्चोलाई र्लोम्साम्डी,
 मा गुमी गन्मीडी। घोम्दीनेमगोनो
 बाट्पा मुचुमिमका गुमीलाई रेम्थाम्डी।
^{२१} मेकोतिमा गुमीका मेर्मिमलाई ज्वा
 चोम्मीडी, "माम्चुनीकु ज्याक्मा सीजेम
 आनेप गो डात्तोलो गानी थोन्नी होडडा
 मेराम होम्साका रोक्थिड्डाम बु।"
^{२२} खोत्लेका उनीमा नड कोम्डी, मा
 गुमीका जेम्डिम न-थोमनुडमा सीजेम
 थोम्डीमा डाडायाम दुम्मीडी, मा मेर्मिमका
 ज्वाम्डी, "हेसाका गुका आरे ज्वामिम?
 गु ने योसेफकु चो मेए डे मा?" ^{२३} येशूका
 मेर्मिमलाई ज्वाम्डी, "आच्छाडा गानी
 गोलाई ओराम उखान ज्वानी: 'ए
 वैद्य, गाना ई त्वाका ई त्वापलाई डा
 सबेडा। कफर्नहुमडा हा-हाम बेन्नाम
 गुकु थोत्तोको मेराम होप्पाम हेल्लो
 वो मेल्वाम्मा खारी आसिन्डा ईमा
 शहरडा वो बे'।" ^{२४} मेकोतिमा गुमीका
 ज्वाम्डी, "आच्छाडा गो गानीलाई
 ज्वाडु, माम्चुनीलाम-जेपा मुचु सुलाई
 वो उमा त्वाकु देलडा डोक्पु मेमिम्मी।
^{२५} गो ज्वाडुमिम आच्छाडा सो, "एलिया
 बाईडाम थारीका सुक थ रु मुनाम
 व मेयोकावा, मा खोत्ले नेब्दीडा

मा-के हुक्ताम बाईडा। मेकोतिलो
 इस्राएलडा दुखा ल्वापा अर्दोमे हापा डा
 बाम्डी।(१ राजा १७, १८) ^{२६} वाडमिम
 सुकाडा वो मेथुर्मीवा। लावो सिदोनडाम
 सारपात देलडा बाट्पा अर्दोमेकाडा
 कोडडा माम्चुनीका एलियालाई थुर्मीडी।
^{२७} मेम्साका डा माम्चुनीलाम-जेपा
 एलिशा बाईडाम थारीका इस्राएलडा
 जोन बेट्पा मुचुमिम हापा डा बाम्डी।
 वाडमिम सु वो समेबेट्मीवा, लावो
 सिरियाडाम वाडसामा नामान कोडडा
 सबेट्मिडी।" ^{२८} ओराम ल्वा थोम्डीमा
 घोम्दीनेमगोनो बाट्पा मुचुमिमकाम
 छोम उनी छोक्चो बक्ता। ^{२९} हुची
 बम्डीमा मेर्मिमका येशूलाई रो-रोन्थुत्तो
 शहरलामका पाखा र्लुम्डी। मेर्मिमकु
 शहर कोले पोचडडला बाईडा, मा
 मेर्मिमका मेराम पोचडकु भ्वालामका
 गुमीलाई धाली डम्सोमु माल्मीडी।
^{३०} लावो गुमी मे सेर्पा मुचुमिमकु
 थेतेलामका लुम्डीमा लम्डी।

येशूका मुनाडपेल कोल्मीडिम

^{३१} मेकोतिमा येशू गालीलडाम
 कोले कफर्नहुम शहरयु योम्डी। मेम्मा
 डेम्सिमुनेम गुमीका मुचुमिमलाई सीमु
 चोम्मिडी। ^{३२} येशूकु सीसिडा मेर्मिम
 डाडायाम दुम्मीडी, हेडालोने उनीमा
 सीजेम साखामनुडमा बाईडा। ^{३३} मे
 घोम्दीनेमगोडा मुनाड पेलका हुपा
 कोले मुचु बाईडा। मेराम मुचु डोक्पु
 लोलामका येस्तामा येशूलाई ज्वाक्ता,
^{३४} "ए नासरतडाम येशू, गुकुलाई
 गानी हाम बोमु माल्नीमिम? हाम गानी
 गुकुलाई पुयु लुबेड्डा रोक्निम? गानी
 माम्चुनीकु नडका साट्मा मुचु बुनी
 ज्वाक्पा गो छेनीनी।" ^{३५} मेकोतिमा
 येशूका मे मुनाडपेललाई साखामनुड
 भुर्मीडीमा ज्वाम्डी, "लिवा बाया,
 मेरामलामका लुक्ल्याडा।" मेकोतिलोडा
 मेराम मुचुलाई सेर्पा मुचुमिमकु थेतैडा

लेप्बोक्जोल्लु, मा मुनाडपेल लुक्तामा लस्ता। लावो मेराम मुचुलाई हाम वो मेदुप्सावा। ३६ खोत्ले मुचुमिम डाडाया दुम्मिडीमा अरे ज्वाबोमु चोम्मीडी, “ओरामका जेमिम ने हेप्पाम सारखाम नुड यमनुड रेछा! मुनाडपेलमिमका वो ओरामका ज्वामीमिम थोमीमा स्वामी रेछा।” ३७ उनीमा दुथाममिम ल्वा होनो-आथोम देलबाडे खोत्लेथो फोन्सिड्डा।

येशूका हापा मुचु सबेटिमडिम

३८ येशू घोम्दीनेमलामका लुम्डीमा सिमोनकु नेप्डा लम्डी। सिमोनकाम नाईमेकु माम छोम डार्चुमो खेड्डुमका भाल्याक्पा बाईडा, मा मेसिन्डा बाट्पा मुचुमिमका मेरामलाई सबेसाटिकनी ज्वाक्साका येशुनुड ज्वाम्डी। ३९ गुमी उमा फार्डा लम्डीमा मे डार्चुमोलाई डिन्बेटिमडी, मा मे डार्चुमोका डिडल्याड्डु। मेकोतिमा गु बक्तामा उनीमा चापे-डुपे बुसाड्डुमी। ४० नेम गाम्डाम चडडा हापा खाल-खालकाम सोमोरीका नोपा खोत्लेलाई मुचुमिमका येशूकाडा रेटिमडी। गुमीका मेमिमडला उनी ल्वा जुल्मिडीमा खोत्लेलाई सबेटिमडी। ४१ हापा मुचुमिमलामका मुनाडपेल आरेसाका यतो लुम्डी, “गानी माम्चुनीकु तारापाचो सो।” लावो येशूका मे मुनाडपेलमिमलाई को सि वो जेमु मेग्वाक्मिवा, हेडालोने मेर्मिमका गुमी ख्रीष्ट ज्वाक्साका छेटिमडिम बाईडा। ४२ ऊ दिकाम नेम सोसोका सुका वो मेल्वापा बायडा येशु लुम्डीमा लम्डी। सेर्पा मुचुमिमका गुमीलाई माल्तो लम्डी। गुमीलाई डार्मीडिम चडडा मेर्मिमका आरे ज्वाक्साका गुमीलाइर मेसिन्डा डा भेन्मु माल्मिडी, “गुकुलाई डिडजोल्लिकनीमा मेलक्नी।” ४३ लावो गुमीका मेर्मिमनुड ज्वाम्डी, “गो माम्चुनीकु-किब्दीकु दुथाममिम जोपा-सेला वाडमिम शहरडा

वो थोबेन्मुमी बासी, हेडालोने ओराम ल्वा थोबेन्मु लागि डा माम्चुनीका गोलाई थुडीडीमिम सो।” ४४ मेकोतिमा गुमीका यहूदियाडाम घोम्दीनेममिमबाडे वो जोपा-सेला थोबेटिमडी।

येशूका येटिमडिम डादोम उनी सीसिपामिम

५ कोलेम येशू गनेसरेत दिरिदिनकु सोपडा येम्तासिट्मीडिम बाईडा। मेकोतिलो छोम सेर्पा मुचुमिम माम्चुनीकु सीजेम थोमु लागि उनीमा होनोलांम आथोलांम क्वाड-क्वाड उन्बेत्तो लेटिमडिम बाईडा। २ गुमीका दिरिदिनकु फार्डा नले कुबी-बोक्सा ल्वाम्डी। लावो पालुडचोमिम कुबी-बोक्सालामका पारखा लुम्डीमा उनी पालुड सोल्तोडा लेटिमडी। ३ मे नले कुबी-बोक्साचिपडा कोले ने सिमोन पत्रुसकाम बाईडा। मेराम कुबी-बोक्साडा येशू हुम्डीमा दिरिदिनकु सोपलामका किचो होनोक्तो गुलाई लबेटिमडी। गुमी मे कुबी-बोक्साडला गन्मिडीमा सेर्पा मुचुमिमलाई सीमु चोम्मिडी। ४ गुमी जेमु दुम्मिडीमा सिमोनलाई ज्वाम्डी, “डो चुम्मु लागि घ्लुम्पा कु बाट्पाथो कुबी-बोक्सा लंडामा ई पालुड ओप्साका डो सेडा।” ५ लावो सिमोनका ज्वाक्ता, “डाचो, गुकु नेमसोसोसम्म छोम छोटोकोमा पालुड ओप्तोकोलो वो कोले वो डो सेन्मु मेचाक्कुवा। मेम्डा लोवो गानी ज्वानीमिम हॉम्साका गो पालुड ओपु।” ६ मेकोतिमा मेर्मिमका पालुड ओप्मिडीमा छोम डो सेटिमडी, मा मेर्मिमकु पालुड ज्वाप्रा आस्ता। ७ मेर्मिमका कोडमी कुबी-बोक्साडा बाट्पा उनी डोप्सोमिमलाई वो उनी ल्वाका येटिमडीमा ख्लोलासोसिम्डी, मा मेर्मिम बिम्डीमा डो थाटिमडीलो नले डा कुबी-बोक्सा डोका देम्स्तामका ज्वाप्रा कुगोयु हुडडा। ८ ओराम ल्वास्तुमा सिमोन

पत्रुसका येशूकु खेल चुम्डुमा ज्वाक्ता,
 “ए डाचो, गो ने छुलचो सो। मेम्मिमका
 आमा फार्डा मेबानी।” ६ मेर्मिमका छोम
 डो सेट्टिमडिम ल्वाम्डीमा सिमोन पत्रुस
 नुड उमा डोप्सोमिम छोम डाडाया
 दुम्मिडी। १० मेम्साका डा जब्दियाकु
 तारापाचो याकब नुड यहन्ना वो
 डाडाया दुम्ची। मेचिप सिमोन पत्रुसनुड
 कोयोडा डो सेट्टा मुचुचिप बाचची।
 येशूका सिमोनलाई ज्वाम्डी, “मेडिसा,
 आंथाडा आनो गाना डो मेएँ मुचुमिमलाई
 आमाडा रेट्टा दुम्ना।” ११ मेकोतिमा
 मेर्मिमका उनी कुबी-बोकसा दिरिदिनकु
 सोपडा फिटिमडी, मा मेर्मिमका खोल्ले
 डेट्टिमडीमा येशूनुड लाम्दीम्डी।

येशूका जोन बेट्टा मुचु सबेट्टिमडिम

१२ कोलेम येशू कोले शहरडा
 बाम्डी, मेसिन्डा जोन बेट्टा कोले
 मुचुका येशूलाई ल्वास्तुमीमा उनी खेल
 चुम्डु। मेम्मा ज्वाक्ताम-ज्वाक्ताम डा
 बुडु, “ए डाचो, गानी न बोनी माला
 गालाई *सेपा दुम्बेन्मु चाम्डिनी।”
 १३ येशूका मे जोन बेट्टा मुचुथो ल्वा
 हम्मिडीमा ज्वाम्डी, “गो न बैऊ, गाना
 सनानु” ज्वाक्तो मेरामलाई लुप्मिडी।
 मेकोतिमा मेरामकु जोन हेम्ल्यासिड्डा।
 १४ मेकोतिमा गुमीका मेराम मुचुलाई
 ज्वाम्डी, “ओरामकु दुथाम गाना सुनुड
 वो मेसोया वो! लावो डुम्लाचोकाडा
 लक्सा, मा गुका गानालाई रेम्नानु।
 मेम्मा जोन बेट्टापामा सपा मुचुका
 सासेन्मुबासी ज्वाक्साका मोशाकु
 *डुम्लाका ज्वाक्ताम होडडा बे। आरे
 बौनामा खोल्ले मुचुका गाना सन्ना मा
 ईमा जोन हेम्सिड्डा ज्वाक्पा ल्वामी।”

१५ मेमडा लोवो येशूकु दुथाममिम ल्वा
 खोत्लेथो आथावो हापा फोन्सिड्डा।
 मेम्मिमका छोम सेर्पा मुचुमिम उनीमा
 सीजेम थोण्डा नुड सोमारीलाम सेल्सिमु
 लागि मेसिन्डा रोम्डी। १६ लावो गुमी ने
 सुका वो मेल्वाखोपडा लम्डीमा सोम्डी
 बेम्थाल्मिडी।

येशूका ऊ ल्वा-खेल सोक्पा मुचुलाई सबेट्टिमडिम

१७ कोलेम येशूका मुचुमिमलाई
 सीत्तोडा लेट्टिमडिम बाईडा। गालील
 नुड यहूदियाडाम खोत्ले देलडाम मा
 यरूशलैमलामका रोक्पा फरिसीमिम
 नुड यहूदीकु डुम्ला सीपा पातुम्मीमिम
 मेसिन्डा रोम्डीमा गन्तासिट्टिमडिम
 बाईडा। मेकोतिलो नोपामिम सबेट्टा
 युम माम्चुनीका येशूलाई ग्वाम्डिम
 बाईडा। १८ मुचुमिमका ल्वा-खेल सोक्पा
 कोले मुचुलाई ऊ प्लाननुडडा कुर्मिडीमा
 मेसिन्डा रेट्टिमडी। मेर्मिमका गुलाई
 नेमगोनो येशूकु डादोडा लमुमा आम्मु
 माल्मिडी। १९ छोम सेर्पा मुचु बाम्डिमका
 मेराम मुचुलाई नेमगोनो लमु मेचाम्मिवा।
 मेम्मा मेर्मिम नेमडला लम्डी, मा भिँगटी
 होम्डीमा सेर्पा मुचु बाट्टा येशूकु
 डादोडा मेराम मुचुलाई ऊ प्लाननुडडा
 वाखावा डम्डी। २० येशूका मेर्मिमकु थोर
 ल्वाम्डीमा मे नोपा मुचुलाई ज्वाम्डी, “ए
 छारी, ईमा छुल हेम्सिड्डा।” २१ लावो
 येशूका आरे ज्वाम्डिम थोम्डीमा मे
 यहूदीकु डुम्ला सीपा पातुम्मीमिम नुड
 फरिसीमिमका उनी नडडा आरे ज्वाक्पा
 मिम्मु चोम्मिडी, “माम्चुनीलाई डक्साका
 जेपा ओराम मुचुका ऊ त्वापलाई सु
 ज्वाक्पा मिम्सो? माम्चुनीका कोडडा

१५:१२ *सबेन्मु।

१५:१४ *यहूदीमिमगोडा जोन बेट्टा मुचुमिमलाई उनी त्वापनुड कोदेप बुमु उनी डुम्लाका
 मेवाक्थालुवो। मेम्मिम जोन बेट्टा मुचु सस्ताम रेम्बोमु डादो डुम्लाचोका गुलाई रेमु/छाम्मु
 बास्थाल्ला, मेम्मा कोडडा गु वो वाडमिम यहूदीमिमनुड कोदेप बुमु ल्वास्थाल्लु। लेवी १४:२-३२डा
 रेप्नी

छुल हेम्मु ने चाम्मी।” २२ मेर्मिमका उनी नडडा हाम मिन्तोडा लेन्मी ज्वाक्पा ल्वा येशूका चम्डीमा ज्वाम्डी, “गानी हेडा ईनीमा नगोडा आरेप्पाम मिम्सिनीमिम? २३ ईमा छुलमिम हेम्स्तामका गाना बकामा लाम्दीया ज्वामु मेभाम मा? २४ लावो मिनीचोनुड सुबुडाम मुचुकु छुल हेप्साक्पा साखाम बु ज्वाक्साका गो गानीलाई रेम्बेनिनी। मेकोतिमा येशूका मेराम ल्वा-खेल सोक्पा मुचुलाई ज्वाम्डी, “गो गानालाई ज्वाडु बका, मा ई प्लान फकामा नेम लक्सा।” २५ मेकोतिलो खोत्ले मुचुका रेप्मिडी होडडा मेराम मुचु हुबक्लेड्डा, मा उमा प्लान कुडुमा माम्चुनीकु नड कोक्तो नेम लस्ता। २६ मेम्मा खोत्ले मुचुमिम छोम डाडाय्या दुम्मिडीमा माम्चुनीकु नड कोम्डी। मेकोतिमा डित्तो आरे ज्वाम्डी, हेल्लो वो मेल्वाम्मा ल्वा गुई आनेप ल्वास्ती।

येशूका गुमीनुड लाम्दीमु लेवी येट्मडिम

२७ येशू मे शहरलामका पाखा लुम्डीमा लक्तोडा बेम्डिलो कोले लेवी नडकाम कर फक्पा मुचु कर फखोपडा गन्तासिट्पा ल्वाम्डी। येशूका मेरामलाई ज्वाम्डी, “गोनुड लाम्दीया।” २८ मेम्मिमका लेवीका खोत्ले डेडुडुमा गुमीनुड लाम्दीडा। २९ मेकोतिमा लेवीका येशूलाई उमा नेप्डा ग्रुला पेप्डा येड्डुमी। मेसिन्डा कर फक्पा मुचुमिम नुड वाडमिम सेर्पा बोचोमिम वो पेप्डा गन्मिडिम बाईडा। ३० लावो फरिसीमिम नुड यहदीमिमकु डुम्ला सीपा पातुम्मीमिमका येशूकु सीसिपामिमकु कौथोलाम आरे ज्वाक्तो छोम सुम्बुर्मा किन्मु चोम्मिडी, “कर फक्पामिम मा वाडमिम छुलचोमिमनुड गानी हेडा कोदेप पोनी डुनिमिम?” ३१ लावो येशूका मेर्मिमलाई ज्वाम्डी, “मेनोपा मुचुलाई डाक्टर मेबासी लावो नोपालाई चाहेदुम। ३२ माम्चुनीकु न-गो होप्पाम लिसिक्पा

मुचुलाई गो येड्डा योडडोम मेएँ, लावो माम्चुनीकु न-गो होप्पाम मेबाट्पा छुल्चोमिमकाम लागि योडडोम सो।”

उपास बुमुकु दुथाम हिलाहिसी

३३ कोलेम मेर्मिमका येशूलाई ज्वाम्डी, “कु-रुदुम ग्वाक्पा यहन्नाकु सीसिपामिमका हेल्लो लोवो सोम्दी बोमी, मा उपास बुमी। फरिसीमिमकु सीसिपामिमका वो मेमडा बोमी। लावो ईनीमा सीसिपामिमका ने हेडा पोमी डुमी कोडडा।” ३४ येशूका मेर्मिमलाई आरे ज्वाम्डी, “लालीकुन्दाकाम थारीका लारेपा मेर्मिमनुड बुमिमसम्म हाम जन्तीमिमलाई उपास बुबेन्मु चाम्नी?” ३५ लावो आरेप्पाम वो थारी रो मेर्मिमनुड बाट्पा लारेपालाई मुचुमिमका फवामीमा लमी, मा मेनेम मे जन्तीमिम उपास बुमी।” ३६ मेकोतिमा गुमीका मेर्मिमलाई सोसि-सोम्दी ज्वाम्डी, “सुका वो चेम्पामा भ्योत्पा येडला जोपा येका मेफिरु, फिरु माला ने मे जोपा ये आसी। मे जोपा ये चेम्पामा भ्योत्पा येनुड मेघ्रेडु। ३७ सुका वो मालो प्लोक्तोडा लेट्पा अडगुरकु कु चेम्पा कोक्तेकु सोजामडा मेजुलु। जुल्लु माला वो मे कोक्तेकु सोजाम मेरामका पियु, मा अडगुरकु कु हासीमा कोक्तेकु सोजाम वो पारीमिम दुम। ३८ मेम्मिमका मालो प्लोक्मा अडगुरकु कु जोपा कोक्तेकु सोजामडा जुल्लुबासी। ३९ डादो आथाम जुल्मा अडगुरकु कु डुपा मुचु सुका वो मालो प्लोक्मा अडगुरकु कु डुमु मेद्व्वाकु। हेडालोने गुका ‘डादोम अडगुरकु कु डा भ्रपा’ ज्वा।

डेम्सिमुनेमकु डाचो येशू

६ कोलेम डेम्सिमु नेम येशू जेप्सेर-येभाल लक्तोडा बेम्डिलो उनी सीसिपामिमका जेप्सेर प्रोडिमडीमा ल्वाडडा नात्तो पेम्डी। २ ओराम ल्वाम्डीमा फरिसीमिमगोडाम याड-

याडका येशूनुड ज्वाम्डी, “ईकी डुम्लाका डेम्सिमुनेम मेबेनी ज्वाक्ताम खारी गानी हेडा बोनी?” ^३ येशूका मेर्मिमलाई ज्वाम्डी, “दाऊद नुड उमा डोप्सोमिम क्रुम सिम्डिम थारीका दाऊदका हाम बुडु, हाम गानी मेराम ल्वा डाडिनम मिबु?(१ शमएल २१:१-६) ^४ गु माम्चुनीकु सौरलोलो बेखोपगोनो हुडडामा माम्चुनीकु नड बेम्मा सोबेम थास्तुमा पुरु, मा ऊ डोप्सोमिमलाई वो ग्वाक्तुमी। मेराम सोबेम डुम्लाचोमिमका कोडडा पेसी नुपा बाईडा।” ^५ येशूका आथा वो मेर्मिमलाई ज्वाम्डी, “डेम्सिमुनेम वो साखाम थोपा डाचो *मिनीचो सो।” ^६ मेरामकु चडडाम डेम्सिमु नेम येशू घोम्दीनेमगोनो हुम्डीमा सीट्मडी। मेकोतिलो मेसिन्डा ऊ जोप ल्वा साटपा कोले मुचु वो बाईडा। ^७ येशूका मेराम मुचुलाई सबेट्मडी माला डेम्सिमुनेम खारी बेसी मेनुपाकु दुथाम उनी बुईडला उन्मु लागि यहूदीमिमकु डुम्ला सीपा पातुम्मीमिम नुड फरिसीमिमका चोपा बेम्थास्डिम बाईडा। ^८ लावो गुमीका मेर्मिमकु न-गोडाम ल्वा थेसिथोत्मडी, मा मे ल्वा साट्पा मुचुलाई ज्वाम्डी, “बका, मा खोत्लेकु डादोडा येम्सा।” मेकोतिमा मेराम बक्ता, मा येम्स्ता। ^९ मेकोतिमा येशूका मेर्मिमलाई ज्वाम्डी, “गो गानीनुड हिला बेउ, डेम्सिमु नेम जोपा बोमु डे मेजोपा बोमु, सिमुलामका सेल्मु डे सेन्मु हाम बोमु डुम्लानुड घोम?” ^{१०} गुमीका खोत्लेथो रप्तो मेराम मुचुलाई ज्वाम्डी, “ईमा ल्वा हम्डा!” गुका ऊ ल्वा हम्डु, मा मेरामकु ल्वा डादोम होप्पामडा नुडा। ^{११} ओराम ल्वाम्डीमा यहूदीकु डुम्ला सीपा पातुम्मीमिम नुड फरिसीमिमकाम छोम उनी छोक्यो बक्ता, मा येशूलाई

हे बिई ज्वाक्साका उनी त्वाप-त्वापडा ज्वाबोमु चोम्मिडी।

येशूका को-नले(१२) थुर्मािममलाई थुट्मडिम

^{१२} मेमबिली येशू सोम्दी बेण्डा पोचडथो लम्डी, मा नेमसोसोसम्म माम्चुनीडा सोम्दी बेम्डी। ^{१३} नेम सोड्डाम चडडा गुमीका उनी सीसिपामिमलाई उनीमाडा येट्मडीमा मेर्मिमगोडाम को-न(१२) सीसिपामिमलाई छेट्मडी, मा गुमीका मेर्मिमलाई थुर्मा ज्वाक्पा नड बाबेट्मडी। मेर्मिम: ^{१४} सिमोन, येशूका मेरामकु नड पत्रुस बाबेट्मडी, सिमोनकु ल्वाक अन्द्रियास, याकूब, यहन्ना, फिलिप नुड बारथोलोमाड, ^{१५} मत्ती, थोमा, अल्फयसकु तारापाचो याकूब नुड सिमोन, मेरामलाई रोमीमिमकु कोर्थोलाम बक्पा दलगोडाम ज्वाम्थास्डिमडी। ^{१६} याकूबकु तारापाचो यहूदा, मा यहूदा इस्करियोत, मेरामका डा चडडा येशूलाई भ्रेड्डुम बाईडा।

येशूका जि नुड वाईतो बेट्मडिम

^{१७} येशू उनी थुर्मािमनुड पोचडडलामका धाली धेन्डे बाययु योम्डी। मेसिन्डा बाडमिम सेर्पा उनी सीसिपामिम नुड खोत्ले यहूदिया नुड यरूशलेम शहरलामका, मा दिरिदिनकु सोपडाम टुरोस नुड सीदोन शहरलामका रोकपा सेर्पा मुचुमिम बाम्डी। ^{१८} मेर्मिम येशूकु सीजेम थोण्डा नुड सोमोरीलाम समु लागि मेसिन्डा रोम्डिम बाईडा। मुनाडपेलका दुखा ग्वाक्पा मुचुमिमलाम मुनाडपेल लुम्डीमा लम्डी। ^{१९} मे सेर्पा मुचुमिमका येशूलाई लुम्मु माल्मिडी, हेडालोने खोत्लेलाई सबेट्पा युम गुमीलामका लुक्तोडा लेड्डु। ^{२०} मेकोतिमा गुमीका

^{१६}:^५ *मिनीचो ज्वाक्सा: खोत्ले मुचुकाम लागि सेल्पा दुम्मु माम्चुनीका गुमीलाई थुट्मडिम बु ज्वाक्पा रेम्बोमु येशूका उनी त्वापलाई डा ज्वास्डिम नड(दानिएल ७:१३-१४)।

उनी सीसिपामिमथो रेप्तो ज्वाम्डी, “ईनी हाम वो मेबाट्पा मुचुनी गानी आलाकाम सो, हेडालोने माम्चुनीकु-किब्दी ईनीमा डा सो। २१ ओम्लो क्रुमसिपा मुचुनी, गानी आलाकाम सो, हेडालोने गानी ईनी गोतिम्सिनी। ओम्लो खापा मुचुनी, गानी आलाकाम सो, हेडालोने गानी रीमु ल्वानी।” २२ मिनीचोडला थोर लुन्निमका मुचुमिमका मेद्वानीमी, सामालामका र्लुनिमी, मा रीन्सानिमी, मेम्मा मेजोपा मिम्मीमा गानीलाई डकसाका जेमी माला गानी आलाकाम सो। २३ “मेकोतिलो ईनी न भ्रसिबेटनीमा गेर्सिद्वाक्तो छोम्नी, हेडालोने पाहिला गानी डोकपु पुरस्कार ल्वानी। मेर्मिमकु उनी डाउ-खुउका माम्चुनीलाम-जेपामिमलाई मेम डा बेम्डिम बाईडा। २४ “गानी खापचीचोमिम ने हाउरेमा! हेडालोने गानी इर्नी त्वाकु नसिहोम बोमु दुम्निम बु। २५ ओम्लो गानी खोहोम पोमु ल्वापामिमलाई हाउरेमा! हेडालोने गानी दिफु क्रुमसिपा दुम्नी। ओम्लो रीपामिम ने हाउरेमा! दिफु गानी ईनी नडा मेभ्रसिन्नीमा खाम्नी। २६ ईनीमा ने हेल्लो लोवो खोत्ले मुचुका नड कोमी, गानी ने हाउरेमा, हेडालोने मेर्मिमकु डाउ-खुउमिमका माम्चुनीलाम-जेपा लिसिकपामिमलाई वो मेमडा बेम्थालिमडी।

स्वाक्चुमो मुचुलाई रिखाम बेनी

२७ “लावो गानी सीजेम थोपा खोत्लेलाई ज्वाडु, ईनी स्वाक्चिमो मुचुलाई रीखाम बेनी, मा सुका गानीलाई मेद्वानी मेर्मिमलाई जोपा बेनी। २८ सुका गानीलाई वाईतो बेनी मेर्मिमलाई जि ग्वाक्निमी, सुका गानीलाई मेजोपा बोनी, मेर्मिमकाम लागि सोम्दी बेनी। २९ कोडनिमका गानीलाई कोलेलाममिम ईनी फोसुडा याल्नी माला कोडमी फोसु वो देन्साट्नी, मा ईनी हुम-ये लमु

माल्पामिमलाई माक्ते वो ग्वान्सोट्नी। ३० गानीनुड बिपा मुचुमिम खोत्लेलाई ग्वाक्नी, मा मुचुलाई ग्वाक्निम खापची चडडा मेरनी। ३१ वाडमिम मुचुका ईनीमा लागि हाम बोमिम गानी द्वानी, गानी वो मेर्मिमनुड मेमडा बेनी। ३२ “सुका गानीलाई रीखाम बोमी मेर्मिमलाई कोडडा गानी रीखाम बोनीमी माला हाम मेम बोनीमिमका गानीलाई जोपा दुम मा? हेडालोने छुल्चोमिमका वो उनी त्वापलाई रीखाम बेपालाई मेर्मिमका रीखाम बोमी। ३३ सुका गानीलाई जोपा बोनीमी मेर्मिमलाई कोडडा गानी वो जोपा बोनी माला हाम मेम बोनीमिमका गानीलाई जोपा दुम मा? हेडालोने छुल्चोमिमका वो मेमडा बोमी। ३४ सुका गानीलाई चडडा खउलुड र्लोन्सानी मेर्मिमलाई कोडडा खउलुड लोखा ग्वानी माला मेम बोनीमिमका गानीलाई जोपा दुम मा? हेडालोने चडडा मेकोतिडा ल्वापा नका छुल्चोमिमका छुल्चोमिमलाई खउलुड लोखा ग्वामी। ३५ लोवो ईनी स्वाक्चिमो मुचुमिमलाई रीखाम बेनी, मेर्मिमलाई जोपा बेनी। चडडा मेर्मिमलाम मेर्लोक्पा नका मेर्मिमलाई लोखा ग्वाक्नी। मेम्मा गानी डोकपु पुरस्कार ल्वानी, मा गानी खोत्लेडाम घल्वापा माम्चुनीकु चो-चुसु दुम्नी, हेडालोने माम्चुनीका आला-तामा मान्थिम मुचु नुड मेजोपा मुचुडला वो न-थोम रेम्बोमी। ३६ ईकीमा माम्चुनी छोम न-थोमनुडमा बुमी, मा गानी वो मेम्पाम न-थोमनुडमा डा दुम्नी।

सुकाम वो निया मेबेनी

३७ “सुकाम वो निया मेबेनी, मा माम्चुनीका ईनीमा निया मेबोमी। सुलाई वो मुमा मेबेट्नी, मा माम्चुनीका गानीलाई मुमा मेबेनिमी। मुचुमिमलाई पाचो ग्वाक्निमी, मा माम्चुनीका गानीलाई वो पाचो ग्वानिमी। ३८ मुचुमिमलाई

ग्वानिमी, मा माम्चुनीका गानीलाई वो ग्वानीमी। सोडसा-सोडसाका, हल्लेबेसा-बेसाका लहोम, सिडुडा रोगेमिमसम्म कोले थोमसडका ईनीमा फाजीडा हिसीमिमसम्म गानी ल्वानी। हेडालोने गानी वाडमिमलाई उहेम थोमसडका ग्वानी, मेराम थोमसडका डा माम्चुनीका गानीलाई ग्वानिमी।”
 ३६ गुमीका मेर्मिमलाई ओराम सीसि-सोम्दी वो ज्वाम्डी: “हाम ऊ मिक्सीका मेल्लापा मुचुका कोडमी मिक्सीका मेल्लापा मुचुलाई डा क्रिमु चाप्सु? हाम मेर्चिप निफीडा पोलुमगोयु मेभार्ची मा? ४० सीपा मुचु हापा नेप्चीनुडमा दुम, मे सीसिपा मुचु मेप्पाम मेदुम, लावा खोत्ले ल्वा सीम्सिमु दुम्सुमिम चडडा गुलाई सीपा मुचु होप्पामडा दुम। ४१ “गानी हेडा ईनी वा-ल्लाककु मिक्सीडाम कतिकल्पा सप्लेप्ता हपा ल्वानी, ईनीमा त्वाकु मिक्सीडा कार्तासिट्पा डोकपु सड ने हेडा मेल्लानी? ४२ गानी ईनी त्वाकु मिक्सीडा कार्तासिट्पा डोकपु सड ने मेल्लानी माला हेसाका ईनी त्वाकु वा-ल्लाकलाई, ‘ए छारी, ईमा मिक्सीडाम कतिकल्पा सप्लेप्ता गो थान्सानीनी’ ज्वाम् चाम्नी? गानी मुचुकु डादोडा जोपा लिसिक्पा मुचुनी, डादो ईनी मिक्सीडा कार्तासिट्पा डोकपु सड र्लुक्नीमा पार्नी, मेम्मा ईनी वा-ल्लाककु मिक्सीडा बाट्पा कतिकल्पा सप्लेप्ता जोहोमका ल्वानीमा पार्सामु चाम्नी।

धक्सा नुड मेरामकु मा

४३ “जोपा धक्साडा मेजोपा मा मेसिडु, मा मेजोपा धक्साडा जोपा मा मेसिडु। ४४ मेराम धक्साडा सिडुमिम मालामका हेप्पाम धक्सा रेछा ज्वाक्साका छेडी। हेडालोने चुकु धक्सालामका सुका वो बैशसीकु मा मेप्रोसु, मा चुकु धक्सालाम अडगुरकु मा वो मेप्रोसु। ४५ जोपा मुचुका ऊ न-गोडा जुल्थाडुमिमलाम जोपा

ल्वा जे। मेजोपा मुचुका ऊ न-गोडा जुल्थाडुमिम मेजोपा ल्वा जे। हेडालोने हेप्पाम ल्वा ऊ न-गोडा कुर्थाडुमिम बु, मेराम मुचुका मे डा जे।

नक खालकाम नेमकु सीसि-सोम्दी

४६ “गो ज्वाडुमिम होम्साका मेबोनी माला, गानी हेडा गोलाई डाचो, डाचो, ज्वानी? ४७ उहेम मुचु आमाडा रो, मा आमा सीजेम थोसु, मेम्मा मेराम होम्साका खारी बु, मेराम आरेप्पाम मुचु सो, ४८ उहेमका हापा धालीसम्म धायुमा हेल्लो मेदोपा डोकपु लुड गड्डुमा मेरामडला नेम बनेबुडु। मेराम नेमडला होडकोर्माका याक्तु लोवो मेराम नेम जोहोमका बनेबेम्पामिमका हेवो मेदुम्सावा। ४९ लावो उहेमका आमा सीजेम थोसुमा वो मेराम होम्साका खारी मेबेपा मुचु ने आरेप्पाम सो, उहेमका नेमकु फारगोयुम डोकपु लुड मेगसाका क्वाडला नेम बनेबुडु। मेकोतिमा होडकोर्मा योक्तामा मेराम नेम याक्तु। मेकोतिलो मेराम नेम भास्ल्ल्याड्डा, मा खोत्लेडा स्याकारिस्ता।

रोमी कप्तानका येशूडला बुडुम थोर

७ येशूका मुचुमिमलाई खोत्ले ल्वा ज्वाम् दुम्मिडीमा कफर्नहुम शहरथो लम्डी। २ मेसिन्डा रोमी कप्तानकु छोम द्वादिबुड कोले डुल्चो बाईडा। मेराम नोडामा सिमुडा खाण्डुम बाईडा। ३ मे कप्तानका येशूकु दुथाम थोस्तु, मा ऊ डुल्चोलाई सबेन्साडमीनु ज्वाक्साका यहूदीमिमकु डोकपु डाउमिमलाई येशूकाडा ज्वाला सोसिण्डा थुस्तुमी। ४ मेर्मिम येशूकाडा रोम्डीमा गुमीलाई मेम बेबेसाका आरे ज्वाम्डिम-ज्वाम्डिम डा बेम्डी, “मे कप्तान ईनीमा न-थोम ल्वामुका घेट्पा बु, ५ हेडालोने ईकीमा मुचुमिमलाई गुका रीखाम बु, मा आकीमा घोम्दीनेम वो गुका डा बनेबेसाक्तिकिम

सो।” ६ ओराम थोम्डीमा येशू मेर्मिमनुड लम्डी। कप्तानकु नेम फाडां येशू रोम्फाम्डिलो गुका ऊ डोप्सोमिमलाई येशूनुड अरे ज्वाबेड्डा थुसोड्डु, “डाचो, आमा नेप्डा रोमु लागि दुखा मेल्वानी, हेडालोने गानीलाई आमा नेप्डा येन्मुका घेट्पा गो मेबुडु। ७ गो आ त्वाप वो ईनीमाडा रोमु घेट्पा मेबुडु ज्वाक्पा मिम्सिडडो। लावो गानी ज्वाक्नी, मा आमा डुल्चो स। ८ हेडालोने आ त्वाप डा वो साखामचोकु ल्वाडडा बुडु, मा आमा ल्वाडडा सिपाहीमिम बुमी। गो कोलेलाई ‘लक्सा’ ज्वाडु, मा मेराम ल मा कोडमीलाई ‘रोका’ ज्वाडु, मा मेराम रो। गो आमा डुल्चोलाई ‘आरे बे’ ज्वाडुलो मेरामका बु।” ९ ओराम ल्वा थोम्डीमा येशू डाडायो दुम्मिडी। मेकोतिमा उनी चडचड बिकर्तोडा बेपा सेर्पा मुचुमिमथो ख्लोसिम्डीमा ज्वाम्डी, “गो गानीलाई ज्वाडु, इस्राएलमिमगोडा आरेप्पाम छोम थोरलुपा सु वो गो मेडारुवा।” १० कप्तानका सेला थुस्तुम डोप्सोमिम कप्तानकु नेप्डा ख्लोम्सिडिलो मे डुल्चो समु दुस्तुम बाईडा।

येशूका अर्दोमेकु तारापाचो सिमुलाम फम्डिम

११ ऊ दिकाम येशू नाइन ज्वाक्पा शहरडा लम्डी, मा उनी सीसिपामिम नुड छोम सेर्पा मुचुमिम गुमीनुड लम्डिम बाईडा। १२ येशू शहरकु लाम्चोकोडा रोम्थिम्डिलो कोले सिपा मुचुलाई कुर्साका पाखा ख्लुक्तोडा बेम्डी। मे सिपा मुचु ने अर्दोमेकु कोलेडा तारापाचो बाईडा। मेकोतिलो मे अर्दोमेनुड सेर्पा मुचुमिम लम्डिम बाईडा। १३ येशूका अर्दोमेलाई ल्वाम्डीमा छोम उनी थोम भ्योस्ता, मा गुमीका मे मेसेमलाई ज्वाम्डी, “मेख्राण्डा।” १४ मेकोतिमा येशूका मे सिपा मुचु जुल्मा बाकस फाडां लम्डीमा लुम्भिडी, मा मे सिपा मुचु

कुर्पामिम येम्सिम्डी। गुमीका मेरामलाई ज्वाम्डी, “ए छारी, गो गानालाई ज्वाडु, बका!” १५ मेकोतिलोडा सिपा मुचु बक्तामा गन्डा, मा जेमु चोम्डु। येशूका मेराम स्वालालाई ऊ मामकु ल्वाडडा ग्वाम्डी। १६ मेकोतिमा मेर्मिम खोत्ले मुचुमिम डिम्डी, मा माम्चुनीकु नड कोम्डी। मेम्मा ज्वाम्डी, “माम्चुनीलाम-जेपा कोले छोम डोक्पु मुचु ईकीमाडा योम्डिम बु” मा माम्चुनीका उनी त्वाकु मुचुमिमडला न-थोम रम्बेम्डिम बु।” १७ येशूकु दुथाममिम ओराम ल्वा खोत्ले यहूदिया नुड मेरामकु होनो-आथोम खोत्ले देलबाडे फोन्सिड्डा।

कु-रुदुम ग्वाक्पा यूहन्ना नुड येशू

१८ कु-रुदुम ग्वाक्पा यूहन्नाकु सीसिपामिमका वो येशूकु दुथाममिम खोत्ले ल्वा यूहन्नालाई थोबेटिमडी। यूहन्नाका ऊ सीसिपामिमगोडाम नलेलाई येडुडुची, १९ मा डाचो येशूकाडा ओराम ल्वा हिलाबेण्डा थुस्तुची, “गुकु लन्थान्कुमिम मसिह गानी डा डे, गुकु वाडमिमलाई डा लन्थान्कुमिम?” २० मेकोतिमा मेर्चिप येशूकाडा रोक्चीमा ज्वाक्ची, “कु-रुदुम ग्वाक्पा यूहन्नाका गुचुकुलाई ओराम ल्वा गानीनुड हिलाबेण्डा थुर्चिकिम बु, ‘गुकु लन्थान्कुमिम मसिह गानी डा डे, वाडमिमलाई डा लन्थामु?’” २१ मेकोतिलो येशूका हापा मुचुमिमकु सोमोरी नुड उनी नोसीलामका सबेटिमडी, मा मुनाडपेल कोल्साक्तोडा लेटिमडिम बाईडा, मा हापा मुप्ली मुचुमिमलाई मिक्सीका ल्वापा दुम्बेटिमडी। २२ मेकोतिमा येशूका यूहन्नाकु सीसिपाचिपलाई ज्वाम्डी, “लक्ची, मा गाची हाम ल्वाक्ची थोक्ची मेर्मिम खोत्ले ल्वा यहून्नानुड ज्वाक्ची, मिक्सीका मेल्वापामिमका मिक्सीका ल्वामी, खेल ब्लेट्पा मुचुमिम समी,

जोनका बेट्टपामिम समी नोफलाका मेथोपा मुचुमिका नोफलाका थोमी, सिपा मुचुमिम सिमुलामका बम्मी, मा उनी हाम वो मेबाट्टपामिमका माम्चुनीकु जोपा-सेला थोमी।^{२३} आमा दुथाम सुका ऊ नडडा मेमुसी, मेराम मुचु आलाकाम सो।”^{२४} यूहन्नाका थुस्तुचिम ऊ सीसिपाचिप र्लोसिक्चिम चडडा यूहन्नाकु दुथाम येशूका मे सेर्पा मुचुमिमनुड ज्वाम्डी, “हाम गानी हेप्पाम मुचुलाई रेण्डा ज्याडगो-ज्याडगोडा लकनी? हाम मेराम मुचु जुक्का थोपा नारकु जुजु होप्पाम बाईडा? ^{२५}मेएँ माला गानी हाम रेण्डा लकनी? हापा थिकाम ये-सेम फसिक्पा मुचुमिमलाई रेण्डा लकिनम? हापा थिकाम ये-सेम फसिक्पा मुचुमिम ने उनी नसिहोम बेत्तो हप बाखोप ओगानेमडा बुमी।^{२६} हाम गानी माम्चुनीलाम-जेपा मुचुलाई रेण्डा लकनी? गो गानीनुड ज्वाडु, माम्चुनीलाम-जेपा मुचुडाम वो छल्वापा मुचुलाई गानी ल्वान्नी।^{२७} मेराम यूहन्ना डा सो, मेरामकु दुथाम माम्चुनीकु ज्याक्मा सीजेमडा आरेसाका ज्याक्मा बु, रेण्डा, गो आमा सेलाचोलाई ईमा डादो-डादो थुरु, मा मेरामका ईमा लाम्दी डादो-डादो बनेबुजोलु।”^{२८} “गो गानीनुड ज्वाडु, ओम्लासम्म ओराम सुबुडा गक्पा मुचुमिमगोडा कु-रुदुम ग्वाक्पा यूहन्नाडाम छल्वापा मुचु सु वो मेबुमी। लावो माम्चुनीकु-किब्दीगोडा उहेम खोल्लेडाम याक्के बु, मेराम मुचु यूहन्नाडाम वो छल्वापा तुम।”^{२९} मुचुमिम नुड कर फक्पामिम वो येशूकु ल्वा थोम्डीमा माम्चुनीकु लाम्दी जोपा ज्वाक्साका रम्डी। हेडालोने मेर्मिमका यूहन्नालामका कु-रुदुम रम्डिम बाईडा।^{३०} लावो फरिसी नुड मोशाकु डुम्ला छोम थेट्टपा मुचुमिमका ने माम्चुनीका मेर्मिमडला बौम्डिम न मेद्वक्चिमवा। हेडालोने यूहन्नालामका कु-रुदुम

रम्डिम मेबायावा।^{३१} येशूका ज्वाम्डी, “आथामबिलिम आरेप्पाम मुचुलाई गो हामनुड थोपु? मेर्मिम हेप्पाम बुमी?^{३२} मेर्मिम ने बजारडा खोम्सिक्साका चाम्सिक्पा चोच्चो होप्पाम बुमी, मे चोच्चोमिमका उनी त्वाप-त्वापडा आरे ज्वाबोमी, ‘गुकु बांसुरी दुप्तोको लावो गानी मेछोम्निवा। गुकु यैत्तो खाप्तो बेत्तोको लावो गानी ईनी प्ल मेआल्लिवा।’^{३३} ???^{३४} मिनीचो रोकता, मा पुरु डुडुडु, गानी मेरामलाई पोम्सा, दुसेवा, मा कर फक्पा नुड छुल्चोमिमकु डोप्सो ज्वानी।^{३५} लावो माम्चुनीलाम नेप्ची ल्वापा मुचुमिमका डा माम्चुनीकु नेप्ची जोपा ज्वाक्पा रेम्बोमी।

येशूका कोले मेसेमकु छुल हेम्साडिम

^{३६} फरिसीमिमगोडाम सिमोन ज्वाक्मा कोले फरिसीका येशूलाई गुला पेण्डा येडुडु, मा गुमी मेराम फरिसीकु नेण्डा लम्डीमा गुला पेण्डा गन्मिडी।^{३७} मेराम शहरडा कोले छुलचो मेसेम बाईडा। फरिसीकु नेण्डा येशू गुला पेण्डा रोम्डिम बु ज्वाक्पा ल्वा मेराम मेसेमका थोस्तु। मेकोतिमा मेराम मेसेमका कोले सिडगमरमरकु सोजामडा भ्रपा मुनेम्पा तेल रेडुडुमा मेसिन्डा रोकता,^{३८} मा गु येशूकु चडलामका रोकतामा उनी खेल फाडो येम्स्तामा, ऊ प्ल येशूकु खेलडला डस्तु, मा ऊ बुईडलाम सेमको बक्साक्तो उनी खेलडा चुप बुडु, मा भ्रपा मुनेम्पा तेलका क्लमु चोम्डु।^{३९} येशूलाई येट्टपा फरिसीका ओराम ल्वास्तुमा ऊ नडडा आरे ज्वाक्ता, “ओराम माम्चुनीलाम-जेपा मुचु माला ने हेप्पाम मेसेमका गुलाई लुप्तोडा लेडु ज्वाक्साका चवा, हेडालोने मेराम ने छुल्चो मेसेम डे।”^{४०} येशूका मे फरिसीनुड ज्वाम्डी, “ए सिमोन, गानानुड हाम-हुम ज्वाम् आमा न बु।” गुका ज्वाक्ता, “ज्वाक्नीका डाचो।”^{४१} “कोले खाप्चीचोकाम

नले मुचुका जेर मोक्चिम बाईडा। कोलेका *डो-सड(५,००) सिक्का, मा कोडमीका डो-धुम(५०) जेर मोक्चिम बाईडा।^{१४२} लावो मेर्चिपका जेर सोमु मेचाप्चिवा, मा जेर ग्वाक्पा मुचुका निफीलाई डा जेर सोमु मेबासी बुडुची। मेर्चिपगोडा सुका गुलाई हापा रीखाम बु?^{१४३} सिमानका ज्वाक्ता, “हापा जेर उहेमका मोक्तुम बाईडा, मा सोमु मेबासावा मेरामका हापा रीखाम बु।” येशूका गुलाई ज्वाम्डी, “गाना ज्वाक्नाम जोपा डा।”^{१४४} मेकोतिमा मेराम मेसेमथो हिस्मिडीमा येशूका सिमोनलाई ज्वाम्डी, “ओराम मेसेमलाई रेण्डा! गो ईमा नेण्डा रोडडो, गाना *खेल सोल्पा कु वो मेग्वाडिवा, लावो ओराम मेसेमका ने ऊ प्लका आमा खेल सोल्साडडी, मा ऊ सेमका बडुसाडडी।^{१४५} गाना गोलालाई *चुप मेबेडिवा, लावो गो आसिन्डा रोडडोलो आथाम ओराम मेसेमका ने आमा *खेलडा चुप बुहोम डा बु।^{१४६} गाना आमा *बुईडला तेलका मेक्लडसाक्डिवा, लावो ओराम मेसेमका ने आमा खेलडा भ्रपा मुर्नेम्पा तेल क्लडसाडिडम बु।^{१४७} मेमिमका गो गानालाई ज्वाडु, ओराम मेसेमकाम हापा छुलमिम हेम्सिडडाम बु, मा ओराम मेसेमका गोलालाई हापा रीखाम बोडी। लावो उहेमकु छुल कि-कि कोडडा हेम्सी, मेरामका कि-कि कोडडा रीखाम बु।”^{१४८} मेकोतिमा येशूका मेराम मेसेमलाई ज्वाम्डी, “ईमा छुलमिम हेम्सिडडिम बु।”^{१४९} मेसिन्डा गुला पेण्डा गन्पा वाडमिमका उनी त्वाप-त्वापडा

आरे ज्वा बोमु चोम्मिडी, “मुचुकु छुलमिम वो हेप्साक्पा ओराम मुचु सु डै मा?”^{५०} येशूका मेराम मेसेमलाई ज्वाम्डी, “गाना गोडला थोर लुन्नामका गाना सेल्सिट्नाम बु। ई न भ्रसिक्तो लक्सा।”

येशूनुड लाम्दीपा मेसेममिम

कोलेम नलेम चडडा येशूका माम्चुनीकु-किब्दीकु दुथामे जोपा-सेला थोबेतो नुड सीजेम दोत्तो देल-देलडा नुड शहर शहरडा लम्डी। गुमीनुड को-न(१२) सीसिपामिम बाम्डी,^२ गुमीनुड कोडनिम मेसेममिम वो बाम्डी। मेर्मिम मुनाड नुड सोमोरीलाम सपा कोड-कोड मेसेममिम बाम्डी। मेर्मिम मेसेममिमगोडा मरियम ज्वाक्मा मग्दलिनी मेसेम वो बाईडा। मेराम मेसेमकु मिरोमलामका येशूका येत्ले(७) मुनाड कोल्मिडिम बाईडा,^३ हेरोद हपकु खउलुड रेप्साक्पा खुजासकु नाईमे योअन्ना मा सुसन्ना नुड वाडमी हापा मेसेममिम वो बाम्डी। मेर्मिमका उनी खाप्ची ग्वाक्साका येशूनुड उनी सीसिपामिमलाई रूलोम्याल्मिडी।

येशूका भ्रल फोट्टपाकु सीसि-सोम्डी ज्वाम्डिम

^४ शहर-शहरलामका मुचुमिम येशूकाडा रोम्डी, मा छोम सेर्पा मुचुमिम खोम्सिम्डी। मेकोतिमा येशूका मेर्मिमनुड कोले सीसि-सोम्डी ज्वाम्डी।^५ “कोले खारीचो भ्रल फोट्टडा लस्ता। भ्रल फोट्टुल्लो याड भ्रल लाम्दीबाडे भुस्ता, मा मुचुमिमका

^{१७:४१} ग्रीकडा डो-सड(५००) दिनार बु। मेराम ज्वाक्मा २ थकु ज्याला, मा डो-धुम(५०) दिनार ज्वाक्मा २ मुनामकु ज्याला सो।

^{१७:४४} *यहूदीमिमका उनी बोच्योमिमलाई छोम डोकुपु मिम्साका हुनाखाना बेम्डिम रेम्बु।

^{१७:४५} *यहूदी यहूदीमिमका सेव सान्बोमीलो फोसुडा लोवो कुप्पीडा लोवो चुप बेबोमी। *गुमीडाम छोम आला-तोमाकाम दुस्ताम मा रीखाम बुडुम आसिन्डा मेसेमका येशूकु खेलडा चुप बुडुमका रेम्बुडुम बु।

^{१७:४६} *यहूदीमिमका उनी बोच्योलाई छोम हुनाखाना बोमीलो बोच्योकु बुईडला तेल क्लम्साप्पी।

देमिडी। मेकोतिमा चक्पुका डोम्पेम्डी।
 ६ याड भ्रल लुडदुडा भुस्ता, मा मे भ्रल
 ल्यास्ता मेरे साट्प्याडडा, हेडालोने
 मेराम ये साट्पा बाईडो। ७ याड भ्रल
 चुदुगोनो भुस्ता, मा मे भ्रलनुडडा
 चु वो बतो गेड्डा, मा भ्रल बर्मु
 मेवाकुवा। ८ लावो याड भ्रल ने जोपा
 क्वाडला भुस्ता, मा ल्यास्तामा को
 सड(१००) डाम वो हापा मा सिड्डु।”
 आकोति ज्वाम्डीमा गुमीका डोकपु
 लोलामका ज्वाम्डी, “सुकाम थोपा
 नोफला बु मेरामका थोस्नुमा थेसिथेट्नु।”
 ९ येशूकु उनी सीसिपामिमका ओराम
 सीसि-सोम्दीका हाम ज्वामु मालुमिम
 ज्वाक्साका हिलाबेम्डी। १० येशूका
 मेर्मिमनुड ज्वाम्डी, “माम्चुनीकु-किब्दी
 हाम ज्वाक्साका आच्छाडा छेपा सामा
 गानीलाई कोडडा ग्वाक्मा बु। मेम्मिमका
 मुचुमिमका ने थेसिमेथेन्मीनु ज्वाक्साका
 सीसि-सोम्दीका कोडडा जेड्डु। यशैयाका
 ज्याक्तुम किताबडा वो आरे ज्वाक्पा बु,
 ‘मेर्मिमका रेम्मी डा लावो मेल्वामीनु, मा
 थोमी डा लावो थेसिमेथेन्मीनु।’ (यशैया
 ६:६) ११ “ओराम सीसि-सोम्दीका
 ज्वाक्ताम भ्रल ने माम्चुनीकु सीजेम
 सो। १२ लाम्दीडा भुक्पा भ्रल मेर्मिमडा
 सो, उहेमका सीजेम थोमी, लावो
 नगोडा थोमिम सीजेमलामका थोर
 मेलुमीनुमा मेसेल्सिमीनु ज्वाक्साका
 शैतान रोमा मेर्मिमकु नगोडाम सीजेम
 रोडुमा लल्याडु। १३ लुडदुडा भुक्पा
 भ्रल ओर्मिम डा सो, उहेमका माम्चुनीकु
 सीजेम थोमीमा गेर्सिद्वाक्तो रमी। लावो
 धुप्पा सक्फार मान्थिम भ्रल होडडा
 हापा थोर मेलुपा दुम्मी। लावो मेजोपा
 ल्वालामका उनी न छाम्सीमिम थारीका
 माम्चुनीडा थोर लुमु डिन्मी, मा गुमीडाम
 वाड दुम्मी। १४ मे चुदुडा भुक्पा भ्रल ने
 मेर्मिमडा सो, उहेमका माम्चुनीकु सीजेम
 थोमु ने थोमी लावो मिरोरमकु दुथाम
 मिम्ताम-सोर्ताम बेपा, मा खाप्चीचो दुम्मु

न बेपा नुड नसिहोम बोमु माल्पा नकाम
 दुम्मी। मेम्मिमका मेर्मिमकु थोर बर्मुमा
 मा सिन्बेन्मु मेचाम्मी। १५ लावो जोपा
 क्वाडला भुक्पा भ्रल ने मेर्मिम डा सो,
 उहेमका सीजेम थोमीमा नडडा जुल्थामी,
 मा मेराम होम्साका दोमी। मेम्मा इम्साका
 लन्थामीमा मा सिन्बेन्मी।

धिप्पीकु सीसि-सोम्दी

१६ “सुका वो धिप्पी चायुमा खचाका
 मेचुप्पु, मा खाटकु गोयु वो मेजुलु।
 लावो नेप्डा रोकपामिम खोत्लेका
 ल्वामीनु ज्वाक्साका बोसोडला जुलु।
 १७ थक्साका जुल्मा खोत्ले ल्वामीमा
 खेप्साका जुल्मामिम खोत्ले लुमीमा
 ओलडा दो। १८ सुका थेसिथेट्नु, मेरामका
 आथावो थेसिथेन्मु चाप्सु। लावो सुका
 थेसिमेथेट्नु, मेरामका थेसिथेट्पु ज्वाक्पा
 मिम्सीमिम वो रोन्लासोसी। मेम्मिमका
 गानी थोनिमिम ल्वाडा चडचडया बानी
 वो!”

येशूकु त्वाकु माम नुड ल्वाकमिम

१९ मेकोतिमा येशूकु माम नुड
 ल्वाकमिम गुमीलाई क्रोम्डा रोम्डिम
 बाईडा, लावो सेर्पा मुचुमिम बाम्डिमका
 येशूकु फार्डा रोम्थिमु मेचाप्मिवा।
 २० कोडनिम मुचुका गुमीलाई ज्वाम्डी,
 “ईनीमा माम नुड ल्वाकमिम गानीलाई
 क्रोम्मु ज्वाक्साका पाखानो येम्तासिक्पा
 बुमी।” २१ येशूका मेर्मिमनुड ज्वाम्डी,
 “उहेमका माम्चुनीकु सीजेम जोहोमका
 थोमीमा मेरामका ज्वामिम होम्साका
 खारी बोमी मेर्मिम डा सो आमा माम नुड
 ल्वाकमिम।”

येशूका ब्लोजु हेप्पिडिम

२२ कोलेम येशू उनी सीसिपामिमनुड
 कुबी-बोक्साडला हुम्डी, मा उनी
 सीसिपामिमलाई ज्वाम्डी, “दो, गुई
 दिरिदिनकु होनोहोम्बुनो लक्सी।”

मेकोतिमा मेर्मिम लाम्दीमु चोम्मिडी।
 २३ मेर्मिम कुबी-बोक्साडला हम्डीमा
 लक्तोडा बेम्डिलो येशू अम्चोटिमडी।
 मेकोतिलोडा मे दिरिदिनडा छोमे डोक्पु
 ब्लोजु फुड्डु। मेम्मिमका कुबी-बोक्सा
 ज्वाप्रा कुगोय प्लुम्सिमु खाण्डुम
 बाईडा, मा मेर्मिम सिमुडा खाण्डिम
 बाईडा। २४ मेकोतिमा मेर्मिम येशूकु
 फार्डा लम्डीमा आरे ज्वाक्तो गुमीलाई
 फक्मिडी, “डाचो, डाचो, गुकु ने कुगोय
 प्लुम्सिमु खाण्डुम।” येशू बम्डीमा मे
 ब्लोजु नुड मेर्मिमलाई ज्वाप्रा हुपा
 कुकु बाबारिमलाई हेम्मिडी। ब्लोजु
 फोन्नु डिड्डुमा पपया दुस्ता। २५ येशूका
 मेर्मिमलाई ज्वाम्डी, “गानीनुड थोर
 मिबु?” मेर्मिम डिम्डीमा डाडाया दुस्तो
 उनी त्वाप-त्वापडा आरे ज्वा बेम्डी,
 “गुमी हेम्माम मुचु डे? ब्लोजु नुड
 कुकु बाबारिमलाई ल्वाडडा जुल्मी,
 मा मेर्मिमका वो गुमीका ज्वामिम थोमी
 रेछा!”

मुनाडका हुपा मुचुलाई येशूका सबेटिमडिम

२६ येशू उनी सीसिपामिमनुड गालील
 दिरिदिनकु होनोहोम्बो गेरासेनस
 इलाकाडा कुबी-बोक्सालामका
 रोम्फाम्डी। २७ येशू दिरिदिनकु सोप
 फार्डा लम्डिलो मेराम शहरडाम कोले
 मुचु डार्मिडी, मेरामलाई मुनाडका
 हुण्डुम बाईडा। मेराम मुचुका हापा डादो
 आथाम डा ये मेफस्थालावा, मा नेण्डा
 मेबासाका सुलुमदुबाडे बाईथाल्ला।
 २८ मेराम मुचुका येशूलाई ल्वास्तुमा
 उनी खेलफायु खुम्बु बुडु, मा डोक्पु
 लोलामका ज्वाक्ता, “खोत्लेडाम
 छल्वापा माम्चुनीकु चो येशू, गानी गोनुड
 हाम बोमु माल्नीमिम? गो गानीनुड ज्वाडु,
 गोलाई दुखा मेग्वाडनी।” २९ हेडालोने
 येशूका मुनाडपेललाई मेराम मुचुलामका

लुकामा लस्ल्याडा बेम्डिम बाईडा।
 मेराम मुचुलाई हापाखेपडा मुनाडपेलका
 ऊ ल्वाड्डा बुडुम बाईडा। मेराम
 मुचुलाई ल्वा नुड खेलडा सेल रिवाका
 बसाका मुचुमिमका लम्थाल्मिडी।
 लावो सेल रिवा डा फ्यास्थाल्लु।
 मेकोतिमा मुनाडपेलका मेरामलाई
 ज्याडगो-ज्याडगोथो लथाल्लु। ३० येशूका
 मेरामलाई “ईमा नड हाम?” ज्वाम्डीमा
 हिलाबेम्डी। मेरामका ज्वाक्ता, “फौज।”
 हेडालोने गुलाई सेर्पा मुनाडपेलमिमका
 हुण्डिम बाईडा। ३१ मे मुनाडपेलमिमका
 येशूनुड आरे ज्वाम्डिम ज्वाम्डिम डा
 बेम्डी, “गुकुलाई देन्दे ग्वामु लागि
 खादीगोयु* मेथुकिनी।” ३२ मे पोचड
 फारबाडे सेर्पा ब्वामिम जातोडा
 लेटिमडी। मेकोतिमा मुनाडपेलमिमका मे
 ब्वामिमगोनो हुमु ग्वाक्किनी ज्वाक्साका
 येशूनुड ज्वाम्डिम-ज्वाम्डिम डा बेम्डी,
 मा गुमीका मेर्मिमलाई हुमु ग्वाम्डी।
 ३३ मुनाडपेलमिम मेराम मुचुलामका
 लुम्डीमा ब्वामिमगोनो हुम्डी। मेकोतिमा
 मे सेर्पा ब्वामिम भ्वालाम सिंसिरका
 भार्मिडीमा दिरिदिनगोयु भुम्डी, मा
 सिम्डी। ३४ मे ब्वामिम भ्वालामका
 भार्मिडिम ल्वाम्डीमा ब्वा रेपा मुचुमिम
 स्वाम्डी, मा मेराम शहर नुड देलबाडे
 ओराम ल्वा सोम्डी। ३५ मेम्मा मेसिन्डा
 हाम दुस्ताम बाईडा मेराम रेण्डा मुचुमिम
 येशूकाडा रोम्डी। मेकोतिलो मेसिन्डा
 मुनाडपेलका हुण्डुम मुचु जोहोमका
 सस्ताम बाईडा। गु ऊ ननुडमा दुम्साका
 मेरामका ये फस्तामा येशूकु खेल फार्डा
 गन्तासिड्डाम ल्वाम्डी, मा मेर्मिम
 डिम्डी। ३६ मेराम ल्वापा मुचुमिमका मे
 मुनाडपेलका हुण्डुम मुचुलाई येशूका
 हेसाका सबेटिमडी ज्वाक्साका खोत्ले
 मुचुमिमनुड सोम्डी। ३७ गेरासेनस
 इलाकाडाम खोत्ले मुचुमिमका येशूलाई
 मेर्मिमकु इलाका डिट्नीमा लक्ल्याट्नी

†८:३१ *ग्रीक ल्वाडा ओरामलाई फार मेबाट्पा पोलुम ज्वाक्साका ज्याक्मा बु।

ज्वाम्डिम-ज्वाम्डिम डा बेम्डी, हेडालोने मेर्मिम छीम डिम्डिम बाईडा। मेम्मिमका येशू कुबी-बोकसाडला हुम्डीमा र्ल्लोम्सिम्डी। ३८ मेकोतिलो गुमीका सबेटिमडिम मुचुका “गोलाई वो लड्नीका ज्वाक्साका” येशूनुड ज्वाक्ताम-ज्वाक्ताम डा बुडु। लावो येशूका मेराम मुचुलाई आरं बेम्डीमा थुर्सोम्डी, ३९ “गाना ई त्वाकु नेम र्ल्लोसा, मा माम्चुनीका ईमा लागि हाडको छीम डोकपु खारी बेम्डी, मेराम ल्वा खोत्ले मुचुमिमनुड सोया।” मेम्मिमका मेराम मुचु र्ल्लोसिड्डामा लस्ता, मा येशूका उमा लागि बेम्डिम खारीकु दुथाम खोत्ले शहरबाडे थोबेत्तो लाम्डीडा।

याइरसकु जाउमोचो नुड सिसि लक्पा सोमोरीनुडमा मेसेम

४० येशू र्ल्लोसिम्डीमा रोम्डीलो सेर्पा मुचुमिमका गुमीलाई हुनाखाना बेम्डी, हेडालोने मेर्मिम खोत्लेका गुमीलाई लथाटिमडिम बाईडा। ४१ घोम्दीनेमगोडाम याइरस ज्वाक्ताम कोले डाउ रोकतामा येशूकु खेल चुम्तो, ‘आमा नेण्डा रोकनी’ ज्वाक्ताम-ज्वाक्ताम डा बुडु, ४२ हेडालोने मेरामकाम कोले डा बाटूपा ऊ जाउमोचो को-न(१२) थकाम बाईडा, गु सिमुडा खाण्डुम बाईडा। येशू गुनुड लक्तोडा बेम्डिलो सेर्पा मुचुमिम वो उनी होनोला-आथोला-बाम्डी। ४३ मेर्मिमगोडाम को-न(१२) थ आथाम सिसि लक्पा सोमोरीका लुण्डुम कोले मेसेम बाईडा। मेराम मेसेमलाई सुका वो सबेन्मु चाप्पिमडिम मेबायावा। ४४ मे मेसेम येशूकु चडलाम रोकतामा उनी हुम-येकु जुजुडा लुण्डु, मा मेकोतिलोडा मेरामकु रोपलामका सिसि लमु डिथाड्डु। ४५ येशूका हिलाबेम्डी, “गोलाई सुका लुण्डिडी?” खोत्ले मुचुमिमका गुकु ने मेएँ ज्वाम्डी, मा पत्रुसका ज्वाक्ता, “डाचो, गानीलाई ने

सेर्पा मुचुमिमका उतोडा लेनी।” ४६ लावो येशूका ज्वाम्डी, “कोडनिमका गोलाई लुण्डिमडिमडा बु, हेडालोने सबेटपा आमा युम लुक्तामा लस्ताम गो लुलेत्तोम बु।” ४७ गु थसिक्साका बुमु मेभाम ज्वाक्पा ल्वा चडुमा मे मेसेम रुत्तो रोकतामा येशूकु डादोडा खुम्बु बुडुमा हेडा गुका गुमीलाई लुण्डु, मा हेसाका गु सोमोरीलामका सस्ल्याड्डा मेराम ल्वा खोत्ले मुचुमिमकु डादोडा सोयुडु। ४८ मेकोतिमा येशूका मेराम मेसेमलाई ज्वाम्डी, “ए तोडमा, गाना थोर लुन्नामका सन्नाम बु, ई न-गो भ्रसिक्तो लक्सा।” ४९ येशू मेराम मेसेमनुड जेतोडा बेम्डिलो मे घोम्दीनेमगोडाम डाउ याइरसकु नेमलामका कोले सेलाचो रोकफाड्डा, मा याइरसनुड ज्वाक्ता, “ईनी जाउमोचो ने सिमु दुम्स्तु। हेडा डाचोलाई दुखा ग्वानी मा?” ५० लावो येशूका आराम ल्वा थोम्डीमा याइरसलाई ज्वाम्डी, “मेडिसा, थोरलुया कोडडा ईमा चो नु।” ५१ गुमी याइरसकु नेण्डा रोम्थिम्डी। मेकोतिमा गुमीका पत्रुस, याकूब, यूहन्ना, मा मे चोचोको माम-पापडाम वाडमिम सुलाई वो गुमीनुड नेमगोने हुमु मेग्वाम्वा। ५२ मेसिन्डा खोम्सिक्पा खोत्ले मुचुमिम मे चोचो सिडामका येम्डी-दुम्डी, मा खाप्पिमडिम बाम्डी। लावो येशूका मेर्मिमलाई ज्वाम्डी, “मेखार्पी, मे चोचो ने सिडाम मिबु, अम्स्ताम कोडडा बु।” ५३ मे चोचो सिमु दुम्स्तुम बु ज्वाक्पा चम्डीमा मेर्मिमका गुमीलाई रिम्साम्डी। ५४ लावो गुमीका मे चोचोको ल्वा भेटिमडीमा आरं ज्वाम्डी, “युम्पी, बका।” ५५ मेकोतिमा मे सिडाम चोचोका ऊ साम खेड्डु, मा हुबक्ता। मेम्मा येशूका मेराम चोचोलाई हाम-हुम पोमु ग्वाक्नी ज्वाम्डी। ५६ मे चोचोको माम-पाप डाडाया दुम्ची, लावो ओराम ल्वा सुनुड वो मेसोमु सो ज्वाक्साका येशूका मेर्चपलाई ज्वाम्डी।

येशूका को-न(१२) सीसिपामिमलाई
माम्चुनीकु-किब्दीकु दुथाम
सेला थोबेड्डा थुर्मिडिम

येशूका को-न(१२) उनी
सीसिपामिमलाई कोयोडा
येट्टिमडी। मेम्मा मेर्मिम खोत्लेलाई
मुनाडपेल कोल्पा मा सोमोरीलामका
सबेट्टपा युम नुड साखाम ग्वाम्डी, २ मा
खोत्ले मुचुमिमलाई माम्चुनीकु-किब्दीकु
दुथाम थोबेड्डा नुड नोपा मुचुमिमलाई
सबेट्टा थुर्मिडी। ३ गुमीका मेर्मिमलाई
ज्वाम्डी, “गानी लाम्दीनीलो डुलुम्चो,
फाजी, पोमु-डुमु, अन्सिक्पा ये-सेम
नुड खउलुड हाम वो मेकुर्नी। ४ उहेम
नेण्डा लनीलो गानीलाई हुनाखाना
बोमी, मेराम शहरलामका वाडथो
मेलनीमिमसम्म मेराम नेण्डा डा बानी।
५ कोडनिम शहरडाम मुचुमिमका
गानीलाई हुनाखाना मेबोनीमी माला
गानी मेराम शहरलाम लुनिलो मेर्मिमका
देन्दे ल्वामी ज्वाक्साका रेम्बोमु
ईनी *फेमखेलडाम फुर्कु थेम्जोल्नी।
६ मेम्मिमका सीसिपामिम खोत्ले
लम्डीमा जोपा-सेला थोबेत्तो नुड
नोपा मुचुमिमलाई सबेत्तो देल-देलडा
खिसिम्डी।

येशूकु दुथाम हेरोदकु न जेस्ताम

७ येशूका बेम्डिम खोत्ले खारीकु दुथाम
थोस्तुमा गालीलडाम साखामचो हेरोदकु
न जेस्ता। हेडालोने याड-याडका कु-रुदुम
ग्वाक्पा यूहन्ना सिमुलाम बग्गेड्डाम
ज्वाक्तोडा बेम्डी, ८ मा याडका
“*एलिया रोकताम” ज्वाम्थाल्मिडी, मा
वाडमिमका “माके-माकेम माम्चुनीलाम-
जेपामिमगोडाम कोले सिमुलाम

बग्गेड्डाम ज्वाम्थाल्मिडी। १६ साखामचो
हेरोदका ज्वाक्ता, “यूहन्नाकाम ने ऊ बुई
क्रिम्बेत्तोमिम बाईडा। लावो ओराम मुचु
सु रेखा? ओरामकु दुथाम हापा ल्वामिम
थोत्तो लेट्टु” मेकोतिममा गुका येशूलाई
क्रोम्मु न बुडु।

येशूका डो-धुम सड(५,०००)
मुचुमिमलाई पोमु ग्वाम्डिम

१० थुर्माभिमका जोपा-सेला
थोबेट्टिमडीमा र्लोसिम्डिम चडडा
मेर्मिमका बेम्डिम खोत्ले खारीकु
दुथाम येशूनुड सोम्डी। येशू मेर्मिमनुड
कोडडा बेथसेदा ज्वाक्ता शहरडा
लम्डी। ११ लावो ओराम ल्वा चम्डीमा
सेर्पा मुचुमिम येशूकु चडचड लम्डी।
गुमीका मेर्मिमलाई हुनाखाना बेम्डीमा
माम्चुनीकु-किब्दीकु दुथाम थोबेट्टिमडी,
मा सु मुचुमिमलाई सबेन्मु बासिक्पा
बाईडा मेर्मिमलाई सबेट्टिमडी। १२ नेप्सुड
गाम्मु खाण्डुम बाईडा, मा मे को-न(१२)
सीसिपामिम रोम्डीमा गुमीनुड ज्वाम्डी,
“सेर्पा मुचुमिमलाई थुसोट्टनी। मेर्मिम
देलगुथा नुड होनो आथोबाडे लमीनुमा
पोमीनु-डुमीनु मा अम्मीनु। हेडालोने
ओम्लो गुई सु वो मेबाट्टपा बायडा
बुईमिम बे।” १३ लावो येशूका मेर्मिमनुड
ज्वाम्डी, “गानी डा मेर्मिमलाई पोमु-डुमु
ग्वाक्नी।” मेकोतिमा मेर्मिमका ज्वाम्डी,
“गुकुनुड ने डोले सोबेम नुड नले डो
काडडा बु, आकोम सेर्पा मुचुमिमकाम
लागि लक्साका पोमु-डुमु भ्रकुनु ज्वाक्पा
गानी न बोनीमिम?” १४ सेर्पा *मुचुमिम
डो-धुम सड(५,०००) कोति बाम्डी।
मेकोतिमा गुमीका उनी सीसिपामिमलाई
ज्वाम्डी, “मेर्मिमलाई डो-धुम, डो-धुम
बेसाका गट्टनी।” १५ सीसिपामिमका मे

१६:५ लुक १०:४-११, प्रे१३:५१

१६:८ *माम्चुनीलाम-जेपा माकेम-माकेम मुचु बाईडा। गु येशूडाम ६०० थ डादोम (ई.पू. ६००)मुचु
बाईडा।

१६:१४ *वोस्चोमिम

सेपां मुचुमिमलाई मेम्साकाडा गटिमडी।
 १६ मेकोतिमा गुमीका मे डोले सोबेम
 नुड नले डो भेटिमडीमा पाहीथो रेप्तो
 सोबेम नुड डोकाम लागि माम्चुनीलाई
 आलासो ग्वाम्डी, मा मे सोबेम नुड
 डो चकसाका मुचुमिमलाई दोन्साट्नी
 बेम्डीमा उनी सीसिपामिमलाई ग्वाम्डी।
 १७ मेकोतिमा खोत्लेका खोहोम पेम्डी,
 मा सीसिपामिमका छलेट्पा सोबेममिमकु
 फ्वाक्चोल खोप्मिडीलो को-न(१२)
 खचा दुस्ता।

येशू डा ख्रीष्ट ज्वाक्साका पत्रुसका नड्डा रड्डु

१८ कोलेम येशू उनी त्वापडा सोम्दी
 बेत्तोडा लेटिमडी। गुमीनुड उनी
 सीसिपामिम कोडडा बाम्डी, मा गुमीका
 मेर्मिमनुड हिलाबेम्डी, “मुचुमिमका
 गोलाई सु ज्वामी?” १९ मेकोतिमा
 सीसिपामिमका ज्वाम्डी, “याडका
 कु-रुदुम ग्वाक्पा यहन्ना ज्वामी, याडका
 एलिया, मा वाडमिमका माके-माकेम
 माम्चुनीलाम-जेपामिमगोडाम कोले
 बग्गेड्डाम रेछा ज्वामी।” २० मेम्मा
 गुमीका मेर्मिमलाई हिलाबेम्डी, “मा गानी
 गोलाई सु ज्वानी?” पत्रुसका ज्वाक्ता,
 “गानी माम्चुनीका थुनीमिम *ख्रीष्ट
 सो।” †

येशूका उनी सिमुकु दुथाम सोम्डिम

२१ मेकोतिमा येशूका उनी
 सीसिपामिमलाई ज्वाम्डी, मामासो!
 ओराम ल्वा गानी सुनुड वो मेसोनी।
 २२ मेकोतिमा गुमीका ज्वाम्डी,
 “*मिनीचोका छोम दुखा ल्वासु।
 डाउमिमका, डाउ डुम्लाचोमिमका मा
 यहूदीमिमकु डुम्ला सीपा पातुम्मीमिमका

गुलाई मेद्वामीमा सेन्मी। लावो सुलेमनेम
 गु बगे।” †२३ गुमीका खोत्ले मुचुलाई
 ज्वाम्डी, “कोडनिमका गोनुड लाम्दीमु
 न बु माला मेरामका डादो ऊ त्वाप
 कोडडा नुडनु ज्वाक्पा न मेबुनु, मा
 हेल्लो लोवो ऊ त्वाकु क्रुस कुनुमा
 आमा चडचड लाम्दीनु।” २४ हेडालोने
 उहेम मुचुका ऊ साम जुल्मु न बु
 मेरामका त्वारोम मेल्वासु। लावो उहेम
 मुचुका आमा लागि उमा साम फ्याक्सु
 मेरामका त्वारोम ल्वासु। २५ कोडनिम
 मुचुका खोत्ले सुम्दीसेरडा ऊ ल्वाडडा
 बेसाका वो मुचु ऊ त्वापडा दाम्स्ता,
 मेएँ लोवो पुयु लुस्ता माला गुका हाम
 ल्वासु मा? २६ कोडनिम मुचु गोडाम
 नुड आमा सीजेमडाम ऊ क्रोम लु माला
 मिनीचो वो ऊ युम-भ्वाक्सीडा, ऊ
 पापकु युम-भ्वाक्सीडा मा उनी नडका
 साट्मा पाहीचोमिमकु युम-भ्वाक्सीडा
 योलो मेराम मुचुडाम ऊ क्रोम लु।
 २७ आच्छाडा गो गानीलाई ज्वाडु,
 आसिन्डा येम्सिक्पामिमगोडाम कोड-
 कोडका माम्चुनीकु-किब्दी मेल्वाथुम
 उनी साम मेल।”

येशूकु डाली र्लोसिड्डाम

२८ येशूका आरे ज्वाम्डिम ज्वाप्पा
 लेतलेम(८) नेम को-को चडडा पत्रुस,
 यहन्ना मा याक्बलाई उनी त्वापनुड
 कोयोडा सोम्दी बेप्डा पोप्चडडला
 लम्डी। २९ येशूका सोम्दी बेम्डिम
 बाम्डिलो उनी डाली र्लोस्तामा
 उनीमा ये बल्याक्ची ओप्डुम होप्पाम
 बुबुया दुस्ता। ३० मेकोतिलो कोचोति
 नले मुचु रेम्बेसिक्ची, मा येशू नुड
 ल्वा बोमु चोम्ची। मेचिप *मोशा नुड

†६:२० *माम्चुनीका थुटिमडिम सेल्पा।

†६:२२ *मिनीचो ज्वाक्पा: खोत्ले मुचुकाम लागि सेल्पा दुम्मु माम्चुनीका गुमीलाई थुटिमडिम बु ज्वाक्पा
 रेम्बोमु येशूका उनी त्वापलाई डा ज्वाम्डिम नड (दानिएल ७:१३-१४)बाइडा।

*एलिया बाचची। †३१ मेरिचप पाहीलाम युम-भवाक्सीडा रेम्बेसिक्ची, मा यरूशलेमडा येशू सिमिमिमकु दुथाम सोतोडा लेचची। ३२ पत्रुस नुड ऊ डोप्सो अम्चेटिमडिम बाईडा। लावो मेर्मिम डोसिमिडिलो येशूकु युम-भवाक्सी, मा गुमीनुड येम्तासिक्पा नले मुचु ल्वाम्डी। ३३ मेकोतिमा मे नले मुचुचिप गुमीनुड ब्वासिक्चीमा लमु खापिचलो पत्रुसका येशूनुड ज्वाक्ता, “डाचो, गुकु आसिन्डा बुम छोम जोपा दम। गुकु सुले बाखोप बनेबोकु- कोले ईनीमा लागि, कोले मोशाकाम लागि, मा कोले एलियाकाम लागि।” लावो गुका ज्वाक्ताम ल्वा ऊ त्वाका डा मेचवा। ३४ पत्रुस जेतोडा बुडुलो खासे रोकतामा मेर्मिमलाई हुण्डुमी, मा खासेगोनो दुम्मिडीलो मेर्मिम छोम डिम्डी। ३५ मेकोतिमा खासेलामका कोले लोलामका अरे ज्वाक्ता, “ओराम आमा तारापाचो, गुलाई गो छेतोम सो। ओरामका ज्वामिम थोनी वो।” ३६ मेराम लोलाम जेमु डिडुडुम चडडा मेसिन्डा मेर्मिमका येशूलाई कोडडा ल्वाम्डी। मेर्मिम लिबावा बाम्डीमा मेर्मिमका ल्वाम्डिम ल्वामिम मेम बिली सुनुड वो मेसोमिवा।

येशूका मुनाडपेलका हुण्डुम कोले स्वालालाई सबेटिमडिम

३७ ऊ दिकाम येशू नुड उनी सीसिपामिम पोचडलामका योम्डी, मा गुमीलाई क्रोम्डा छोम सेर्पा मुचुमिम रौम्डी। ३८ मे सेर्पा मुचुमिमगोलामका कोले मुचुका डोक्पु लोलामका ज्वाक्ता, “डाचो, गो गानीनुड ज्वाडु, आमा तारापाचोडला न-थोम रेम्बेनी। मेराम ने आमा कोलेडा तारापाचो सो। ३९ मेरामलाई

मुनाडपेलका हुण्डुलो कोचोत्ति ये, मा काकार्या दुम। मेम्मा ऊ सिलामका जाजाब्लुम र्लुकु। मेरामलाई छोम लेप्ले बोकुमा बमुडा मेचापा दुम्बेसाका डिडु। ४० मे मुनामपेल कोल्साडनी ज्वाडडोमा ईनी सीसिपामिमलाई वो ज्वाडडो, लावो मेर्मिमका कोल्मु मेचाप्मिवा।” ४१ येशूका मेर्मिमलाई ज्वाम्डी, “ए थोरमेलुपा नुड लुम्लामेबेडिचोनी, गो हाम्सीसम्म गानीनुड बुडु, मा हाम्सीसम्म ईम्मु? ईमा तारापाचो आसिन्डा फिडा।” ४२ येशूकाडा मे स्वाला मुचु बिकतो-बिकतोडा मुनाडपेलका क्वायु लेप्बोक्तु, मेम्मा काकार्या बुडु। लावो येशूका मे मुनाडपेललाई भुर्मिडी, मेम्मा स्वाला मुचुलाई सबेटिमडीमा ऊ पापलाई ग्वाम्डी। ४३ माम्चुनीकु छोम डोक्पु युम ल्वाम्डीमा मे सेर्पा मुचुमिम डाडायो दुम्मिडी। येशूका बेम्डिम खोत्ले खारीडा मेर्मिम डाडायो दुम्मिडिम बाम्डीलो गुमीका उनी सीसिपामिमलाई ज्वाम्डी, ४४ “गो ज्वाडुमिम ल्वा किडकिडया थोनी वो, मिनीचो ऊ स्वाक्चिमो मुचुमिमकाडा भ्रेन्सिमु खाण्डुम बु।” ४५ लावो गुमीका ज्वाम्डिम ल्वा सीसिपामिमका थिसिमेथेटिमवा। ओराम हाम ज्वाक्ता ज्वाक्पा मेर्मिमका थिसिमेथेन्मीनु ज्वाक्साका डा थक्ता बाईडा। मेर्मिमका ओराम ल्वाकु दुथाम गुमीनुड हिलाबोमु डिम्डी।

येशूका ज्वाम्डिम खोत्लेडाम डोक्पु मुचु

४६ मेकोतिमा को-न(१२) सीसिपामिमका खोत्लेडाम डोक्पु सु दुम ज्वाक्साका उनी त्वाप-त्वापगोडा हिलाहिसी बेबेम्डी। ४७ लावो येशूका मेर्मिमकु नगोडाम

†६:३० *मोशा: येशूडाम १५०० (ई.पू. १५००)थ डादोम मुचु। मिश्र नेब्दीयु इस्राएलीमिमलाई डुल्चो बनेसाका जुल्मिडिमलाम गुका र्लुकुसाका खेडुडुमिम बाईडा, मा माम्चुनीलाम ल्वास्तुम डो-धुम(१०) डुम्लामिम इस्राएलीमिमलाई ग्वाक्तुमिम बाईडा। *एलिया: येशूडाम ६००(ई.पू.६००)थ डादोम इस्राएलडाम माम्चुनीलाम-जेपा डोक्पु मुचु।

ल्ला चम्डीमा कोले चोच्योलाई
रेट्टिमडीमा उनी फार्डा येम्सिबेट्टिमडी।
४८ मेम्मा मे सीसिपामिमलाई ज्वाम्डी,
“उहेमका गोडला थोरलुडामका ओराम
चोच्योलाई हुनाखाना बु, मेरामका
गोलाई हुनाखाना बोडी, मा मेराम मुचुका
गोलाई थुर्पा माम्चुनीलाई वो हुनाखाना
बु। गानीगोडाम खोत्लेडाम याक्के सु
बु, मेराम मुचुडा खोत्लेडाम डोकपु
दुम।” ४९ मेकोतिमा यूहन्नाका ज्वाक्ता,
“डाचो, कोले मुचुका ईनीमा नडडा
मुनाड-पेलमिम कोल्लोडा लेडुदुम गुकु
डार्तोको। लावो गुकु मेराम मुचुलाई
मेम बोमु मेग्वाक्कुवा। हेडालोने मेराम
मुचु गुईनुड लाम्डीपामिमगोडाम मेरँ।”
५० लावो येशूका ज्वाम्डी, “मेरामलाई
मेम बोमुडाम मेभोप्नी। हेडालोने उहेम
मुचु ईनी कोर्थोलाम मेजे, मेराम मुचु
गानीलाम डा बासी।”

सामरीयाडाम मुचुमिमका येशूलाई हुनाखाना मेबेमिवा

५१ येशू *पाहीथो लक्पा थारी
रोक्फाड्डालो गुमी यरूशलेमथो डा
लक्पा मुलु बेम्डी। †५२ मेकोतिमा गुमीका
सेलाचोमिमलाई गुमी लमुडाम डादोडा
थुर्मिडी। मेर्मिम लम्डीमा उनीमा लागि
खोत्ले भोम्सीबेडुडा सामरीमिमकु
देलडा लम्डी। ५३ लावो येशू मेलामका
यरूशलेमथोडा लमी ज्वाक्पा चम्डीमा
सामरियाडाम मुचुमिमका गुमीलाई
हुनाखाना मेबेमिवा। ५४ याकूब नुड
यूहन्नाका ओराम ल्वाच्चीमा येशूनुड
ज्वाक्ची, “डाचो, हाम गुकु सोम्दी
बेसाका पाहीलामका मु योनुमा
ओर्मिम मुचु ख्यामीनु ज्वाक्पा गानी न
बोनी?” ५५ लावो येशू पिरूलोम्सिम्डीमा
मेर्चिपलाई भुर्मीडी। ५६ मेकोतिमा येशू
नुड उनी सीसिपामिम वाडमिम देलथो
लम्डी।

येशूकु सीसिपा दुम्पा मुचु

५७ येशू नुड उनी सीसिपामिम लाम्डीडा
लक्तोडा बेम्डिलो कोले मुचुका येशूनुड
ज्वाक्ता, “डाचो, गानी बान्ते लनी,
मेनो-मेनो गो वो ईनीमा चडचड लडु।”
५८ लावो येशूका मेरामलाई ज्वाम्डी,
“सेरुलीमिमकाम वो उनी बाखोप रोडगा
बु, मा चक्पुमिमकाम वो उनी पान्जी
बु। लावो मिनीचोकाम ने डेसिखोप
वो मिबु।” ५९ येशूका कोडमी मुचुलाई
ज्वाम्डी, “आमा चडचड लाम्डीया।”
लावो मेराम मुचुका ज्वाक्ता, “डादो
आमा पापलाई क्लुम्डा लमु ग्वाडनी।”
६० गुमीका मेरामलाई ज्वाम्डी, “हेल्लो वो
मेसिपा त्वारोम मेल्वासाका सिपामिमका
डा उनी सिपा रोम क्लुम्मीनु। लावो गाना
ने लक्सामा माम्चुनीकु-किब्दीकु दुथाम
जोपा-सेला थोबेडामी।” ६१ कोले मुचुका
गुमीनुड ज्वाक्ता, “डाचो, गो वो ईनी
चडचड लाम्डीडु, लावो डादो आमा
नेप्डाम मुचुमिमनुड ब्वाम्सिमु ग्वाडनी।”
६२ लावो येशूका मेराम मुचुलाई ज्वाम्डी,
“भोमु चोम्डुलो ऊ ल्वा लोकसडडला
जुल्साका चडथो ख्लोसिक्पा मुचु
माम्चुनीकु-किब्दीकाम लागि घेट्पा
मेदुम।”

येशूका येत-धुम(७०) मुचुमिमलाई थुट्टिमडीमा थुर्मिडेम

१० मेकोतिमा डाचो येशूका
वाडमिम येत-धुम(७०)
मुचुमिमलाई थुट्टिमडी। मेम्मा गुमी लमु
खाप्पिडेम खोत्ले शहर नुड देलडा
उनी त्वाप लमु डादो मेर्मिमलाई न-नले
बेसाका थुर्मिडी। २ येशूका मेर्मिमलाई
ज्वाम्डी, “थोकपा मा-के ने हापा डा
बु, लावो खारी बेपा मुचुमिम कति
डा बुमी। मेम्मिमका उनी मा-के खोम्मु
खारी बेपा मुचुमिम थुर्नी ज्वाक्साका

†६:५१ *सिम थारी

मा-के थोक्पा ये-दकु डाचोलाई सोम्दी बेनी। ३ गानी लक्नी, लावो लमु डादो थोनी, गानीलाई गो फारामिमकु थेतोगोडा भेन्दाकु चो होडडा थुर्तोडा लैनिनी। ४ गानी खउलुड, फाजी, सोलोप हाम वो मेकुर्नी, मा लाम्दीडा मुचुमिमलाई सेव सासाका नेम मेतानी। ५ उहेम नेप्डा गानी हुनी, हुमु डादो मेराम नेप्डाम खोत्ले मुचुकाम न-भ्रसिनु ज्वाक्साका जि ग्वाक्नी। ६ न-भ्रस्सिमु द्वाक्पा मुचुमिम मेसिन्डा बुमी माला गानी न-भ्रसिनु ज्वाक्साका ग्वाक्निम जि मेर्मिमका ल्वामी। लावो न-भ्रस्सिमु मेद्वक्पा मुचु बुमी माला न-भ्रसीकु जि ईनीमाडा डा र्लोसीमा रो। ७ मेर्मिमका गानीलाई हाम पोमु-डुमु ग्वानिमी पेनीमा मेराम नेप्डाडा बानी। हेडालोने खारी बेपा मुचुका खारी बुमिमकु खउलुड ल्वामु घ्रेट्पा दुम। मेराम नेम डिसाका वाडमी नेप्डा बाण्डा मेलक्नी। ८ “गानी उहेम शहरडा लनी, मेसिन्डाम मुचुमिमका गानीलाई हुनाखाना बोनी माला, मेर्मिमका गानीलाई ग्वानिमीमिम पोमु-डुमु पेनी डुनी। ९ मेराम शहरडाम मुचुमिमलाई सबेट्नी, मा मेर्मिमलाई ज्वाक्नी, ‘माम्चुनीकु-किब्दी ईनी फार्डा डा रोक्फाड्डाम बु।’ १० लावो गानी कोले शहरगोनौ हुनिलो मेसिन्डाम मुचुमिमका गानीलाई हुनाखाना मेबेनीवा माला मेराम शहरलामका लाम्दीबाडे लुक्नीमा आरे ज्वाक्नी, ११ ‘माम्चुनीका गानीलाई देन्दे ग्वानी ज्वाक्पा रेम्बोमु लागि आकी फेम खेलयु केम्सिक्पा ईनी शहरडाम फुर्कु वो थेम्जोल्कु। लावो गानी ओराम चन्जोल्नी, माम्चुनीकु-किब्दी रोक्फाड्डाम डा बु।’ १२ गां गानीलाई ज्वाडु, निया दुममिम नेम सदोम शहरडाम छुल बेपा मुचुमिमका ल्वापाडाम वो ईम्मु मेभापा देन्दे मेराम शहरडाम मुचुमिमका ल्वामी। १३ “ए खोराजीन शहरडाम मुचुनी, गानीलाई वाईतो, ए बेथसेदा शहरडाम मुचुनी,

गानीलाई वाईतो, गानीगोडा बेम्मा युम खारीमिम टुरोस नुड सिदोन शहरडा बेपाका माला मेसिन्डाम मुचुमिमका हापा डादो डा जिलेम फर्सिट्मवा, मा फोका क्लसिक्साका उनी छुलमिम न-गोलामका मिम्सिसाका र्लोसिट्मवाम रेम्बेमिवा। १४ लावो निया दुम्मु नेम टुरोस नुड सिदोन शहरडाम छुलबेपा मुचुमिमका ल्वापाडाम वो ईम्मु मेभापा देन्दे गानी ल्वानी। १५ ए कफनेहुमडाम मुचुनी, हाम गानी ईनी त्वाप डा पाहीथो कोसीन्कु ज्वाक्पा मिम्नी? गानी ने खादीयु डन्सिनी।” १६ येशूका उनी सीसिपामिमलाई ज्वाम्डी, “उहेमका ईनीमा ल्वा थोसु, मेरामका आमा ल्वा थोसुमिम होप्पाम डा सो। उहेमका ईनीमा ल्वा मेथोसु, मेरामका आमा ल्वा वो मेथोसुमिम होप्पाम डा सो, मा उहेमका आमा ल्वा मेथोसु, मेरामका गोलाई थुर्पा माम्चुनीका ज्वामिम वो मेथोसुमिम होप्पाम डा सो।”

येत-धुम(७०) मुचुमिम र्लोम्सिम्डीमा रोम्डिम

१७ मे येत-धुम(७०) मुचुमिम भ्रसिक्तो र्लोसिम्डीमा रोम्डी, मा आरे ज्वाम्डी, “डाचो, ईनी नडडा मुनाडपेलमिमका वो गुकु ज्वाक्तोकोम ल्वा बिम्सिम्डी।” १८ गुर्मीका मेर्मिम मुचुलाई ज्वाम्डी, “ब्ल्याक्ची ओपा होडडा पाहीलामका शैतान आल्स्ताम गो ल्वाउतो। १९ ब्लोमिम नुड बिच्छीमिम फेमखेलगोयु बेपा साखाम नुड खोत्ले स्वाक्चिमो शैतानकु युमलाई वो छल्वापा युम गो गानीलाई ग्वाक्नीनिम बु। ओमिम उहेम ल्वाका वो गानीलाई मेजोपा मेबोनी। २० मेमडा लावो मुनाडपेलमिमका गानी ज्वानीमिम थोमी ज्वाक्साका गानी मेगोर्सिट्नी। लावो ईनीमा नड पाहीला डोस्ताम बु ज्वाक्साका गेर्सिट्नी।” २१ मेराम थारीकाडा येशूलाई माम्चुनी-

पेलका गेर्सिबेटिमडी, मा गुमीका ज्वाम्डी, “माम्चुनी, गानी सुबु नुड पाहीकाम डाचो, गो गानीलाई आलासो ग्वानिनी, हेडालोने थेट्पा मुचु नुड नेप्चीनुडमामिमडाम थक्किन ल्वा चोच्चो होप्पाम मुचुमिमलाई रेम्बेट्नी। गानी आरें बोमु डा जोपा लुन्नी माम्चुनी।” २२ “आमा माम्चुनीका खोत्ले गोलाई आमा ल्वाडडा ग्वाडिडमिम बु। माम्चुनीकु तारापाचो सु ज्वाक्साका माम्चुनीडाम वाडमिम सुका वो मेछेडिमि। माम्चुनी सु ज्वाक्साका माम्चुनीकु तारापाचोडाम सुका मेछेडु। माम्चुनीकु तारापाचोका गुमीलाई उहेमकाडा रेम्बोमु लागि छेडु मेराम मुचुडाम वाडमिम सुका वो गुमीलाई मेछेडु।” २३ मेकोतिमा येशूका उनी सीसिपामिम कोडडा बाम्डिम थारीका मेर्मिमथो र्लोसिम्डीमा ज्वाम्डी, “गानी हाम ल्वानी, मेराम ल्वापा मुचुमिम आलाकाम सो।” २४ हेडालोने गो गानीलाई ज्वाडु, हपमिम नुड माम्चुनीलाम-जेपामिम हापाका गानी हाम ल्वानी, मेराम ल्वा रेम्मु न बेम्डिम बाईडा, लावो मेर्मिमका रेम्मु मेल्वामिवा। मेम्मा गानी हाम थोनी, मेराम ल्वा मेर्मिमका वो थोपा न बेम्डिम बाईडा, लावो मेर्मिमका मेथोमिवा।”

सामरियाडाम न-थोमनुडमा मुचुकु सीसि-सोम्दी

२५ कोले मोशाकु डुम्ला छोम थेट्पा मुचुका येशूक न छाम्मु लागि गुमीनुड आरें ज्वाक्ता, “डाचो, हेल्लो वो मेसिपा त्वारोम ल्वामु लागि गो हाम बोमुबासी?” २६ गुमीका मेरामलाई ज्वाम्डी, “मोशाकु डुम्लाडा हाम ज्वाक्मा बु? गाना मेराम डाडनामा हाम थेसिथेट्ना?” २७ गुका ज्वाक्ता, “मिप्रडमा ईमा माम्चुनीलाई खोत्ले गोका, ईमा खोत्ले सामका, खोत्ले सोका, मा खोत्ले नका रीखाम

बे।” मेम्मा ‘ई त्वापलाई होडडा ईमा साउखोरेलाई वो रीखाम बे’।” २८ येशूका मेराम मुचुलाई ज्वाम्डी, “गाना जोहोमका ज्वाक्ना। मेमडा बे, मा गाना हेल्लो वो मेसिपा त्वारोम ल्वाना।” २९ लावो गुका ऊ त्वापलाई जोपा मुचु रेम्बोमु नका येशूनुड ज्वाक्ता, “सु आमा साउखोरे?” ३० येशूका ज्वाम्डी, “कोले मुचु यरूशलेमलामका यरीहोयु लक्तोडा बुडु। लाम्दीडा मेरामलाई खुचुवामिमका डार्मिडी, मा गुनुड बाट्पा खोत्लेडा रोन्साम्डी। मेकोतिमा ज्वाप्पा सिडामसम्म डेप्मिडीमा डिन्जोल्मिडी।” ३१ घरिकोडका कोले डुम्लाचो मेराम लाम्दीधाली योक्ता, मा मेरामका खुचुवामिमका याल्मिडिम मुचु ल्वास्तुमा कोर्थो हेर्सिडुडामा लस्ता। ३२ मेम्साकाडा कोले लेवी दोचोगोडाम कोले मुचु वो मेराम लाम्दीधाली योक्ता, मा मेराम मुचुलाई ल्वास्तुमा गु वो कोर्थो हेर्सिक्साका लस्ता। ३३ मेकोतिमा कोले सामरियाडाम मुचु वो मेरामधाली योक्ता, मा मेराम मुचुलाई ल्वास्तुलो छोम ऊ थोम भ्रोस्ता। ३४ मेम्मा गु मेरामकाडा लस्ता, मा *अडगुरकु ग्वाल नुड तेलका मेरामकु पारडला क्लक्साडुडुमा बसाडुडु। मेम्मा ऊ गधाडला हुबेडुडुमा मेरामलाई कोले पाटीडा रेडुडुमा रेण्डु। ३५ ऊ दिकाम मे सामरियाडाम मुचुका पाटी रेपा मुचुलाई नले मतोकु खउलुड ग्वाक्तुमा ज्वाक्ता, “ओराम मुचुलाई जोहोमका रेण्डा, मा आकोतिका मेलिडुवामा ईमा खउलुड हुडडा माला गो र्लोडसिडुमा रोडुलो ग्वानी।” ३६ येशूका मोशाकु डुम्ला थेट्पा मेराम मुचुलाई हिलाबेम्डी, “मे सुले मुचुमिमगोडाम खुचुवामिमका याल्मिडिम मुचुकु साउखोरे सु?” ३७ गुका ज्वाक्ता, “मेराम मुचुडला न-थोम रेम्बेपा मुचु मेरामकु साउखोरे।” मेकोतिमा

† १०:३४ *अडगुरकु ग्वाल औषधी होम्साका मोम्थाल्मिडी।

येशूका गुलाई ज्वाम्डी, “लक्सा गाना वो मेमडा बे।”

येशू मार्था नुड मरियमकु नेष्ठा लम्डिम

३८ येशू उनी सीसिपामिमनुड यरूशलेमथो लक्तोडा बेम्डिलो कोले देलडा रोम्फाम्डी। मेसिन्डा बाट्पा मार्था नडकाम कोले मेसेमका गुमीलाई उमा नेष्ठा येड्डुमी। ३९ मेराम मेसेमकाम कोले मरियम नडकाम ऊ जाउमो ल्वाक बाईडा। मेरामका येशूकु फाडां गन्स्तामा उनी सीजेम थोत्तोडा बुडु। ४० लावो मार्थाका पोमु-डुमुकु उनी चापे-डुपेमिम बोमुका ऊ न जेस्ताम बाईडा। मेम्मा गु येशूकाडा रोकतामा ज्वाक्ता, “डाचो, चापे-डुपेमिमकु खारी बोमुडा आमा ल्वाकका गोलाई आ त्वाप डा बेडिडिम बु, हाम गानी ओराम मेल्वानी? मेरामलाई गानी ज्वाडसाडनीका, मा गु रोनुमा गोलाई र्ल्लोडिनु।” ४१ लावो येशूका ज्वाम्डी, “मार्था, मार्था, गाना हापा ल्वामिमकु दुथाम मिम्ताम-सोर्ताम बोना, मा ई थोम तेर्सी। ४२ लावो छोम चाहेदुम्पा ने कोलेडा ल्वा बु, मेराम जोपा ल्वा मरियमका छेड्डुम बु, मेराम ल्वा गुलाई मेरोन्मी।”

येशूका सोम्दी बोमु सीटिमडिम

११ कोलेम येशूका कोले खोमडा सोम्दी बेत्तोडा लेटिमडी। गुमीका सोम्दी बोमु दुम्मिडी, मा उनी सीसिपामिमगोडाम कोलेका गुमीनुड ज्वाक्ता, “डाचो, यूहन्नाका ऊ सीसिपामिमलाई सीड्डुमिम होम्साकाडा गुकुलाई वो सोम्दी बोमु सीकिनी।” २ गुमीका मेर्मिमलाई ज्वाम्डी, “गानी आरे ज्वाक्साका सोम्दी बेनी: “माम्चुनी ईनीमा सेपा नड कोर्सीनु, मा गानी साखाम थोनी। ३ गुकुलाई चाहेदुम्पा पोमु-डुमु हेल्लो लोवो ग्वाक्किनी। ४ आकी कोर्थोलाम

बक्पामिमकु उनी छुल हेप्साक्तोकोम होडडा आकी छुलमिम हेप्साक्किनी। मेजोपा ल्वालाम न-छाम्सीमु गुकुलाई मेग्वाक्किनी।” ५ गुमीका मेर्मिमनुड ज्वाम्डी, “उदाहरणकाम लागि मिम्नी, गानीगोडा कोडनिमकाम कोले डोप्सो बु। गु सिन्थाम को-न(१२) जेस्ताम चडडा गु ऊ डोप्सोकाडा ल, मा ज्वा डोप्सो गोलाई सुले सोबेम लोखा ग्वाडनीका। ६ हेडालोने आमा कोले डोप्सो हापा दुपा लाम्दी लाम्दीडामा आमाडा रोकताम बु, मा गुलाई ग्वाक्पा पोमु-डुमु गानुड हाम वो मिबु। ७ “मेरामकु डोप्सोका नेमगोनोलाकाम ज्वा, आ अम्बोकनो दुखा मेग्वाक्की। गो लाम्चोको र्ल्लुत्तोमा आमा चोच्चोमिमनुड अम्पा बुडु। ओम्लो बक्साका गानालाई गो हाम वो ग्वामु मेचाम्नी। ८ मेकोतिमा गो गानीनुड ज्वाडु, गुका मेराम ऊ डोप्सोडा लोवो हाम वो मेग्वाकु। लावो ऊ डोप्सोका बियुमिम-बियुमिम डा बुमिमका गु ब, मा गुका चाहेबुमिम कोति ऊ डोप्सोका गुलाई ग्वाकु। ९ “मेम्मिमका गो गानीलाई ज्वाडु, बिनी, मा गानी ल्वानी। माल्नी, मा गानी डानी। नेमगोनो हुमु लागि हेला बेनी, मा ईनीमा लागि लाम्चोको होल्सी। १० हेडालोने उहेमका बियु, मेरामका ल्वासु, उहेमका मालु, मेरामका डारु। उहेमका नेमगोनो हुमु लागि हेला बु मेरामकाम लागि लाम्चोको होल्सी। ११ “गानीगोडाम सुकाम पाप बु, ऊ तारापाचोका डो बियुलो ब्लो ग्वाक्पा? १२ डे पोकु डि बियुलो मेरामलाई बिच्छी ग्वाक्पा? १३ मेम्मिमका गानी छुलचो बुनीमा वो ईनी चोमिमलाई जोपा-जोपा ल्वामिम ग्वामु थेनी माला पाह्नीलाम ईनी माम्चुनीका गुमीनुड बिपा मुचुमिमलाई हाडको छोम उनी-पेल ग्वामी।”

येशू नुड मुनाडमिमकु डोकपु बालजिबुल

१४ कोलेम येशूका ऊ सि मेजेपा मुचुकुगोलामका मुनाड कोल्मिडी। मे मुनाड लुक्साका लस्तामा मे मुचु जेमु चोम्डु। ओराम ल्वाम्डीमा मुचुमिम डाडाया दुम्मिडी। १५ लावो मेर्मिमगोडाम याड-याडका ज्वाम्डी, “ओरामका ने मुनाडमिमकु डोकपु बालजिबुलकु युमका मुनाड कोलु।” १६ वाडमिमका ने मेजोपा नका येशूकु न-छाम्मु माल्तो ज्वाम्डी, “ओराम खारी माम्चुनीकु युमलाम बेन्निम माला पाहीलामिमिम हेल्लो वो मेल्वाम्मा कोले छेखोप रेम्बेनी।” १७ येशूका मेर्मिमकु नडडाम ल्वा चम्डीमा मेर्मिमनुड ज्वाम्डी, “उहेम किब्दीडा मुचुमिम उनी त्वाप-त्वापडा डा क्वाल्बा बोमी, मेराम किब्दी दाम्मा ल। मेम्साकाडा उहेम नेमगोडाम मुचुमिमका उनी त्वाप-त्वापगोडा क्वाल्बा बोमी, माला मे उनी नेम भार। १८ मेम्साकाडा शैतानकु किब्दीगोडा उनी त्वाप-त्वापडा क्वाल्बा बोमी माला मेरामकु किब्दी हेसाका दुमहोम बु? मेमडा लोवो गानी गोलाई बालजिबुलकु युमका मुनाडमिम कोल्लोडा लेटपु ज्वाक्साका ज्वानी। १९ गो बालजिबुलकु युमका मुनाडपेल कोलु माला, ईनी मुचुमिमका सुकु नडडा मुनाड कोल्मी? ओरामलामका डा गानी ईनी नडा ख्लोटिनम बु ज्वाक्पा मेर्मिमका रेम्बेमी। २० लावो गो माम्चुनीकु युमका मुनाडपेल कोलु माला गानीगोडा माम्चुनीका साखाम थोपा थारी रोक्ल्याड्डाम बु। २१ “कोले सोनुडमा मुचुका हतियार भेसाका ऊ नेम लडु माला ऊ खाप्चीमिम मेदाम। २२ लावो गुडाम वो छल्वापा सोनुडमा मुचु रोक्तामा गुनुड क्वाल्वा बेसाका छल्वास्तु माला, मेराम सोनुडमा मुचुका थोरबुडुम हतियार रोडुमा

ल। मेकोतिमा रोडुमा लमिम खोल्ले खाप्चीमिम वाडमिमलाई दोयुसाडुमी। २३ “उहेम मुचु गोलाम मेबासी, मेराम मुचु आमा कोथीलाम दुम। उहेमका गोनुड मेखोण्डु, मेरामका फोडु। २४ “मुनाडपेल मुचुलामका लुमा ज्याडगो-ज्याडगोडा डैसिकपा खोम मालु। मेम्मा बान्ते वो मेल्वासुलो मेरामका आरे ज्वा, ‘गो उहेम मुचुलामका लुक्साका रोडडो मेराम मुचुकाडा डा लडु।’ २५ मेम्मिमका मे मुनाडपेल ख्लोसीमा रोलो जोहोम बेम्थाट्टमा नेम होप्पाम मे मुचुकु नगो डारु। २६ मेकोतिमा मे मुनाडपेलका ऊ त्वापडाम वो छोम मेजोपा येतले(७) मुनाडपेलमिमलाई रेडुडुमा रोक्ता, मा मेर्मिम खोल्ले मेराम मुचुगोनी हुमी मा बुमी। मेम्मा मेराम मुचु डादो दुस्तामडाम वो चडडा छोम मेजोपा दुम।” २७ येशूका ओर्मिम ल्वा सोत्तोडा लेट्टिमडीलो सेर्पा मुचुमिमगोलामका कोले मेसेमका डोकपु लोलामका आरे ज्वाक्ता, “गानीलाई कक्पा, मा दुदु थोपा माम आलाकाम सो।” २८ लावो येशूका ज्वाम्डी, “उहेमका माम्चुनीकु सीजेम जोहोमका थोमी, मा मेराम होम्साका बोमी, मेर्मिम मुचु डे आलाकाम सो।”

योनाकु छेखोप

२९ येशूकु होनोलाम-आथोलाम मुचुमिम छोम सेर्पा दुम्तो लम्डिलो येशूका ज्वाम्डी, “आथामबिलिम मुचुमिम छोम मेजोपा न-गोनुडमा बुमी। मेर्मिमका हेल्लो वो मेल्वाम्मा छेखोप रेम्बेट्टकी ज्वाक्साका गोनुड ज्वामी। लावो मेर्मिमलाई *योनाकु छेखोप कोडडा ग्वाक्पुमी। †३० योना निनवे शहरडाम मुचुमिमगोडाम छेखोप दुस्ताम होम्साकाडा आथामबिलिम मुचुमिमकाम लागि मिनीचो छेखोप दुम। ३१ आथामबिलिम मुचुमिमकाम

†११:२६ *योनाकु छेखोप

निया दुममिम नेम दक्षिण नेब्दीडाम हपमे बमा मेर्मिम मुचुमिमलाई मुमा बेडुमी। हेडालोने गुका सोलोमन हपलामका नेप्चीनुडमा सीजेम थोण्डा सुबुबिखोपलाम रोकताम बाईडा। लावो रेप्नी, आसिन्डा सोलोमनडाम वो छोम घल्वापा कोले बु।^{३२} निया दुममिम नेम निनवे शहरडाम मुचुमिम बमीमा ओर्मिम मुचुलाई मुमा बेन्मी। हेडालोने योनाका माम्चुनीका सोबेटिमडिम सीजेम थोबेडुमीलो मेर्मिमका उनी छुल न-गोलामका मिस्मिडीमा माम्चुनीडा रूलोसिम्डी। लावो आसिन्डा रेप्नी, योनाडाम वो घल्वापा कोले बु।

मुचुकु गोगोनोम ओल

^{३३} “सुका वो धिप्पी चायुमा थक्साका मेजुलु, खचाका चुण्डुमा मेजुलु, लावो नेमगोनो हपा खोत्लेका ल्वामोनु ज्वाक्साका बोसोडला जुलु।^{३४} ईनी मिरोमलाई ओल ग्वाक्पा होप्पाम धिप्पी ने ईनी मिक्सी सो। ईनी मिक्सी जोपा दुस्ता माला खोत्ले इनी मिरोमडा डा ओलका दो। लावो ईनी मिक्सीडा मेजोपा बु माला ने मिरोमडा तुकुम्चिम होप्पाम दुम।^{३५} मेम्मिमका चडचडया बानी, गानीगोडा बाट्पा ओल तुकुम्चिम मेदुम्न।^{३६} ईनी मिरोम ओलडा बु माला, ईनी मिरोम तुकुम्चिमका हण्डुम मिबु माला, धिप्पीकु ओल गानीडला भवामिम होडडा गानी भवानी।

येशूका फरिसीमिम नुड यहूदीकु डुम्ला सीपा पातुमीमिमलाई मुमा बेट्मिडिम

^{३७} येशूका ओर्मिम ल्वा जेमु दुम्मिडी, मा कोले फरिसीका गुमीलाई गुला पेण्डा उमा नेण्डा येड्डु। गुमी मेरामकु नेण्डा लम्डीमा गुला पेण्डा गन्मिडी।^{३८} लावो गुला पामु डादो येशूका उनी ल्वा मेसोल्मिवाम ल्वास्तुमा मे फरिसी

डाडाया दुस्ता।^{३९} मेकोतिमा डाचो येशूका मेरामलाई ज्वाम्डी, “गानी फरिसीमिमका कान्चुरे नुड थाल ऊ डलामका क्लोनी। लावो गानी ईनी गोगोनो रारी बोनी, मा मेजोपा न-गोनुडमा बुनी।^{४०} ए नेप्ची मान्थिम मुचुनी, “ईनी मिरोम बनेबेपा माम्चुनीका डा न-गो बनेबेम्डिम मेएँ मा?^{४१} गानी उनी हाम वो मेबाट्पामिमलाई ईनी न-गो ग्वाक्नी। मेम्मा ईनीमा लागि खोत्ले छेको-छेको दुम।^{४२} गानी फरिसीमिमलाई वाईतो, “हेडालोने ईनी जडिबूटीमिम नुड मसलामिम होप्पाम याक्के-याक्के ल्वामिमकाम वो दशांश माम्चुनीलाई ग्वानी। लावो मुचुमिमलाई जोपा मेबोनी, मा माम्चुनीकु रीखाम मेद्वानी। गानी ने मुचुमिमलाई जोपा बेनिवा, मा माम्चुनीलाई रीखाम बेनिवा, मेम्मा दशांश ग्वाक्निवानी।^{४३} “गानी फरिसीमिमलाई वाईतो, हेडालोने गानी घोम्दीनेमडा डोकपु-डोकपु मुचु गन्खोपडा गन्मु नुड मुचुमिमकु डादोडा सेव सान्लासोसिमु द्वानी।^{४४} “गानी फरिसीमिमलाई वाईतो, हेडालोने गानी क्वागोयुडा दाम्ल्याक्पा सुलुम होप्पाम बुनी। मेम्साका ल्वामु मेभापा *सुलुमडला मुचुमिमका मेछेसाकाडा मेर्मिमडभाल लाम्दीमी।^{†४५} कोले मोशाकु डुम्ला छोम थेट्पा मुचुका येशूनुड ज्वाक्ता, “डाचो गानी ओर्मिम ल्वा सोसाका आकी नो-कल पार्साक्तिकी।”^{४६} येशूका मेराम मुचुलाई ज्वाम्डी, “गानी मोशाकु डुम्ला छोम थेट्पा मुचुमिमलाई वाईतो, हेडालोने डुम्ला होम्साका मुचुमिम दोमु मेचापा दुम्बेनीमा दोबेनी। लावो ईनी त्वाका ने मेराम होम्साका दोमु मेर्मिमलाई कतिकल्पा ल्वाडा वो मेख्लोनी।^{४७} गानीलाई वाईतो, “ईनी त्वाकु डाउ-खुउमिमका माके-माके सेट्मिडिम माम्चुनीलाम-

† ११:४४ *गन्ती १६:१६ सुलुमडला लाम्दीमु ज्वाक्मा यहूदीमिमकाम लागि मेसेपा दुम।

जेपालाई डोकपु मिम्मिमि रेम्बोमु
 जोपा-जोपा उनी सुलुम बनेबोन्सानी।
 ४८ आरेसाका ईनी डाउ-खुउमिमका
 हाम बेम्डी गानी वो मेमडा बोमु
 बिन्सनीमिमका ईनी डाउ-खुउमिमका
 हाम बेम्डिम बाईडा ज्वाक्पा चनी।
 मेर्मिमका माम्चुनीलाम-जेपामिमलाई
 सेटिमडी, मा गानी ने माम्चुनीलाम-
 जेपामिमकु मिम्पाखोम बनेबोन्सानीमी।
 ४९ माम्चुनीकु नेच्चीका वो ईनी दुथाम
 आरे ज्वाक्ताम बाईडा, 'गोलांम जेपामिम
 नुड थुर्मांमिमलाई गो मेर्मिमकाडा थुरुमी।
 मेर्मिमका कोडनिमलाई सेन्मी, मा
 कोडनिमकु थोम तेर्सामी। ५० मेम्मिमका
 सुम्दीमोलो आथाम माम्चुनीलाम-
 जेपामिम खोत्लेलाई सेटिमडिमकु
 देन्दे गानी आथामबिलिम मुचुका
 ल्वानी। ५१ गो गानीलाई आच्छाडा
 ज्वाडु, *हाबिल सेटिमडिम आथाम
 सासेन्खोप खोमडा नुड सोरेनेमकु थेतडा
 *जकरियालाई सेटिमडिमसम्मकाम
 देन्दे गानी आथामबिलिम मुचुमिमका
 डार्नी। ५२ "गानी मोशाकु डुम्ला
 छोम थेट्पामिम ने हाउरेमा, हेडालोने
 माम्चुनीलाई छेपा नेच्ची गानी ल्वान्नी।
 गानी माम्चुनीलाई आच्छाडाका मेछेनी।
 मेम्मा माम्चुनीलाई छेमु न बेपामिमलाई
 वो छेमु मेग्वानी।" ५३ येश मेराम
 नेमलामका लुम्डिलो यहदीकु डुम्ला
 सीपा पातुर्मी नुड फरिसीमिम छोम
 येशूकु कोर्थोलाम बम्डीमा गुमीलाई भुमुर
 लागि गुमीनुड छोम हिलाहिसी बेम्डी।
 ५४ हेडालोने गुमीका हाम-हुम ल्वा ज्वामी
 माला चुम्मुकाम बाम्डी।

येशूका उनी सीसिपामिमलाई चडचडया
 बाबैटिमडिम मा उनी सो हन्बेसाटिमडिम

१२ मेकोतिलोडा छोम सेर्पा
 मुचुमिम खोम्सिमडिमका
 मेर्मिम उनी त्वाप-त्वापडा देम्बेत्तोडा

लेटिमडिम बाईडा। येशूका उनी
 सीसिपामिमलाई डादो ज्वामु चोम्मिडी,
 "गानी फरिसीमिमकु लडखामडाम
 चडचडया बानी वो। मे लडखाम
 ज्वाक्मा ने मुचुमिमकु मिक्सीलामडा
 जोपा लिसिक्पा मेमिमकु खारी सो।
 २ हेडालोने खेप्साका जुल्मा खोत्ले
 लुमी, मा थक्साका जुल्मामिम खोत्ले
 थैसिथेडी। ३ मेम्मा गानी तुकुम्चिमडा
 जेनीमिम ल्वा ओलडा थोर्सी। मेकोतिमा
 सुपील्वाका जेनीमिम ल्वा खोत्ले मुचुका
 थोमी। ४ "डोप्सोनी, गो गानीलाई
 ज्वाडु, उहेमका ईनीमा साम फ्यामी,
 मा मेरामडाम वाडमिम हाम वो बोमु
 मेचाप्पी, मेर्मिम मुचुडाम मेडिनी।
 ५ लावो गो गानीनुड ज्वाडु, ईनीमा साम
 फ्याक्साक्पामा गानीलाई खादीगोयु
 घोमु चापा युम बाट्पा माम्चुनीनुड
 डिनी। आच्छाडा गो गानीलाई ज्वाडु,
 गुमीनुडडा डिनी। ६ डोले भंगेराकु थि
 नक पैसा कोडडा दुम। मेर्मिमगोडाम
 कोलेलाई वो माम्चुनीका मेप्ल्वामी।
 ७ लावो ईनीमा ने बुईडाम सेम डा वो
 डार्सिडुडाम बु। मेम्मिमका मेडिनी,
 सेर्पा भंगेरामिमडाम माम्चुनीकाम
 लागि गानी हापा थिकाम बुनी।
 ८ "गो गानीलाई ज्वाडु, गो आमा
 सीसिपा ज्वाक्साका गानी मुचुमिमलाई
 ज्वानी माला माम्चुनीकु पाहोचोमिमकु
 डादोडा मिनीचोका वो गानीलाई ऊ
 सीसिपामिम ज्वा। ९ लावो उहेमका
 मुचुमिमकु डादोडा आमा सीसिपा मेज्वा,
 माम्चुनीका पाहोचोमिमकु डादोडा मेराम
 मुचुलाई गो आमा सीसिपा मेज्वाडु।
 १० उहेम मुचुका मिनीचोकु कोर्थोलाम
 जे मेरामकु छुल हेम्सिमु चाप्सु, लावो
 उहेमका माम्चुनी-पेललाई डक्साका
 जे मेरामकु छुल हेम्सिमु मेचाप्सु।
 ११ "मुचुमिमका गानीलाई चुम्नीमा
 घोम्दीनेमबाडे साखामचोमिम नुड किब्दी

† ११:५१ *हाबिल *जकरिया

साखामचोमिमकामबाडे हिलाहिसी बेण्डा रेनिमी, मेकोतिलो गो हाम ज्वामु, हाम सोमु ज्वाक्साका मिन्ताम-सोर्ताम मेबेनी, ^{१२} हेडालोने हाम ज्वामु बासिक्पा ल्वा माम्चुनी-पेलका मेकोतिलोडा गानीलाई सीनी।”

त्वाप कोडडा नुम न बेपा खाप्चीचोकु सीसि-सोम्दी

^{१३} मे सेर्पा मुचुमिमगोलाकामकोले मुचुका येशूनुड आरे ज्वाक्ता, “डाचो, आकी पापकू खाप्ची गोनुड दोमु आमा वालाई ज्वाडसाडनीका। ^{१४} लावो येशूका मेराम मुचुलाई ज्वाम्डी, “डोप्सो, मेम्साका निया बेपा, मा मुलु बेप्साक्पा सुका गोलाई थुटिडडिम बु मा?” ^{१५} गुमीका मेसिन्डा खौम्मिसक्पा मुचुमिमलाई ज्वाम्डी, “गानी चडचडया बानी वो, खोलेमथोक रारी बोमुडाम वाड बानी, हेडालोने हापा खाप्चीनुडमा मुचु बु, लावो मेराम मुचुका त्वारोम नै मेग्वाकु।” ^{१६} गुमीका मेर्मिमनुड ओराम सीसि-सोम्दी ज्वाम्डी, “कोले खाप्चीचोकु ये-दडा छोम मा-के सिड्डुम बाईडा। ^{१७} मेराम मुचुका ऊ नडडा मिम्मु चोम्डु, ‘आमा मा-के जुल्लोप डोक्पु छेदेनेम गोनुड मिबु, मेम्मिमका गो हाम बोमु? ^{१८} मेकोतिमा गुका ज्वाक्ता, ‘गो आर बेउ, याक्के-याक्केतो छेदेनेममिम फालु, मा डोक्पु छेदेनेम बनेबेउ, मा खोत्ले मा-के नुड खाप्ची वो मेसिन्डाडा जुलु। ^{१९} मेम्मा आमा नडडा ज्वाड्डु, ‘गोलाई हापा थसम्म लिट्पा मा-के नुड खाप्चीमिम फुटतोम बु। खेल चार्थक्पुमा पेउ-डुउ, मा एलेडगी बेउ।’ ^{२०} “लावो माम्चुनीका मेराम मुचुलाई ज्वाम्डी, ‘ए नेप्ची मान्थिम मुचु, आनेप सिन्थाडा गाना सिना, मा ईमा लागि फुटनामा जुल्लाम खोत्ले खाप्ची सुकाम दुम?’ ^{२१} “त्वाकाम लागि खाप्ची फुट्पा,

लावो माम्चुनीडा खाप्चीचो मेदुम्पा मुचु ने आरेडा दुम।” ^{२२} मेकोतिमा येशूका उनी सीसिपामिमलाई ज्वाम्डी, “मेम्मिमका गो गानीलाई ज्वाड्डु, ईनी साम जुल्लु लागि हाम पेउ मा मिरोमडा हाम फसिड्डु ज्वाक्साका मिन्ताम-सोर्ताम मेबेनी। ^{२३} हेडालोले साम पोमु-डुमुडाम डोक्पु मा मिरोम ये-सेमडाम डोक्पु सो। ^{२४} चक्पुमिमलाई रेप्नी, मेर्मिमका भ्रल मेफोन्मी, मा मा-के मेहिम्मी, मेर्मिमका छेदेनेमडा मा-के डा वो मेफुमी। लावो माम्चुनीका मेर्मिमलाई पोमु-डुमु ग्वामी। गानी मे चक्पुमिमडाम हापा थिकाम बुनी। ^{२५} मिन्ताम-सोर्ताम बेसाका गानीगोडाम उहेमका किचो ऊ सोररिप बर्बेन्मु चाप्सु मा? ^{२६} मेम्मिमका गानी याक्के खारी ने बोमु मेचाम्नी माला, हेडा वाडमिम ल्वाकाम मिन्ताम-सोर्ताम बोनी। ^{२७} “*जोपा बुडमालाई रेप्नी, मेर्मिम हेसाका बर्मी। मेर्मिमका ब्राम्दुल्ला वो मेबोमी, ये-सेम बनेबोमु लागि साले वो मेथुन्मी। लावो गो गानीलाई ज्वाड्डु, “सोलोमन हप छोम खाप्चीचो बाईडा, मा वो मे बुडमामिम कोतिम वो जोपा दुम्साका ब्लासिड्डाम मेबायावा। ^{१२८} लावो आनेप बाट्पा मा उदिकाम मुडडा घुपा क्वाडाम जेमलाई ने आरेसाका माम्चुनीका बल्लामी माला, ए याक्के थोर बाट्पा मुचुनी, गानीलाई ओरामडाम हाडको हापा गुमीका बल्लानिमी। ^{२९} मेम्मिमका हाम पोमु हाम डुमु ज्वाक्साका मेमाल्नी, मा मिन्ताम-सोर्ताम वो मेबेनी। ^{३०} माम्चुनीडा थोरमेलुपा सुम्दीसेरडाम खोत्ले मुचुमिमका कोडडा आरेसाका मिन्ताम-सोर्ताम बोमी। लावो गानीलाई चाहेदुम्पा ल्वा ईनी माम्चुनीका डादोडा चमी। ^{३१} मेम मेएँ माम्चुनीकू किब्दी डादो माल्नी। मेम्मा गानी चाहेबोनीमिम खोत्ले गुमीका ग्वानी। ^{३२} “ए कति सेर्पा

^१ १२:२७ *ग्रीक बाइबलडा लिलि बुडमा ज्यामा बु।

सीसिपानी, मेडिनी, हेडालोने माम्चुनीका उनी किब्दी गानीलाई ग्वामु लागि छीम गेसिंद्वाक्पा बुमी। ३३ ईनी खाप्चीमिम भ्रेट्नीमा उनी हाम वो मेबाट्पामिमलाई ग्वाक्साका ईनी त्वाकाम लागि हेल्लो वो मेभ्रोत्पा फाजी बनेबेनी। मेम्मा हेल्लो वो मेदाम्पा खाप्ची पाह्लीला फुट्नी। मेला ने खुचुवा मेरो, मा तुमका वो मेकोकु। ३४ हेडालोने बान्त ईनी खाप्ची बु मेसिन्डाडा ईनीमान वो दुम।

भोम्जोल्सिट्नी

३५ ईनी थ्वाक्पुरी खिप्नीमा भोम्सिट्नी, मा ईनी धिप्रीमिम चान्जोल्नी। ३६ उनी नेम हप लालीकुन्दा बेम्डिम नेप्डा गुला पेसाका रोमिमसम्म लथाक्पा, मा गु रोक्साका हेला बुलो लाम्चोको होल्थाक्पा डुल्चोमिम होप्पाम गानी दुम्नी। ३७ उनी नेप्डाम हप रोलो भोम्जोल्सिट्पा डुल्चोमिम आलाकाम सो। आच्छाडा गो गानीलाई ज्वाडु, मेरामका ऊ थ्वाक्पुरी खिप्नीमा मेर्मिमलाई गडुमी, मा पोमु-डुमु ग्वाकुमी। ३८ नेमहप सिन्था को-न(१२) जेमिम बिली रोफा लोवो नेमसोसोका रोफा लोवो भोम्जोल्सिट्पा ऊ डुल्चोमिम आलाकाम सो। ३९ लावो ओराम ल्वा चन्जोल्नी, बाम थारीका खुचुवा रो ज्वाक्साका चवाम माला ने नेमकु डाउका खुचुवालार्ई नेम पिमु डा मेग्वाकुवा। ४० गानी वो भोम्जोल्सिट्नी, हेडालोने गानी ईनी नडडा-थोमडा मेर्मिनीमिम थारीका डा मिनीचो यो सो। ४१ मेकोतिमा पत्रुसका हिलाबुडु, “डाचो, हाम ओराम सीसि-साम्दी आकीमा लागि कोडडा सोन्निम डे वाडमिम मुचुकाम लागि वो?” ४२ डाचो येशूका गुलार्ई ज्वाम्डी, “मेम माला मेरामकु नेमहपका ऊ नेप्डामिमलाई जोपा थारीका पोमु-डुमु ग्वाबेडुमिम नेप्चीनुडमा

नुड थोरलुमिम डुल्चो सु? ४३ नेमहप रोफालो मे डुल्चोका मेमसाका डा जोपा खारी बेतोडा बेपा डार्फाडुमिम डुल्चो आलाकाम दुम सो। ४४ आच्छाडा गो गानीलाई ज्वाडु, मेरामलाई ऊ नेमहपका खोत्ले ऊ खाप्चीमिम रेप्साक्पा दुमबेडु। ४५ लावो मेराम डुल्चोका “आमा नेमहप दाला मेरोमी” ज्वाक्पा मिम्सीमा वाडमिम डुल्चो-डुल्चोमेर्मिमलाई याल्मु चोम्डु, पु-डुडुमा डुका सेडु माला, ४६ मेरामका मेर्मिम्डुमिम थारीका नुड मेलथाडुमिम थारीका ऊ नेमहप रोफा। मेम्मा ऊ नेमहपका मेरामलाई यालु, मा थोरमेलेपामिमका ल्वामीमिम दुखा ल्वापा दुमबेडु। ४७ “ऊ नेमहपकु नडडाम ल्वा थेसिथेसाका वो मेराम होम्साका खारी मेबेपा, मा मेभोम्जोल्सिट्पा डुल्चो ने छीम याल्ला सोसी। ४८ लावो ऊ नेमहपकु नडडाम ल्वा थेसिमेथेसाका देन्दे ल्वापा खारी बेपा डुल्चो ने कि-कि याल्ला सोसी। उहेमलाई हापा ग्वाम्डिम बु, मेरामलामका हापा डा भिमी, मा उहेमलाई डोकपु खुन्चुम ग्वाम्डिम बु, मेरामकामलाम छीम हापा डा रपा न बोमी।

येशूका मुचुमिम मेदुमी ज्वाम्डिम

४९ सुबुडा गो मु वाबेड्डा योडडोम सो, मेराम मु ने डादोडा वाक्साकावा माला ने नुयावा। ५० गो आ दुखाकु रुदुम रमुडा बासिक्पा बु। मेराम गो मेरथुमसम्म आमा गो मेभ्रसी। ५१ हाम सुबुडाम मुचुमिमकु न-भ्रसीबेड्डा गो योडडोम ज्वाक्पा मिम्नी? मेएँ, गो गानीलाई ज्वाडु, मेर्मिमलाई मेदुबेड्डा योडडोम सो। ५२ आथाडा आनो कोले नेप्डाम डोले मुचु उनी त्वाप-त्वापगोडाडा मेदुमी, सुले मुचु नले मुचुकु कोथोलाम बमी, मा नले मुचु सुले मुचुमिमकु कोथोलाम बची। ५३ मेर्मिम मेदुमी, पाप नुड ऊ तारापाचो मेदुची, माम नुड ऊ

जाउमोचो मेदुची, वोचुकु माम नुड ऊ देल्मी मेदुची।”

थारीकु छेखोप

५४ येशूका मे सेर्पा मुचुलाई ज्वाम्डी, “पश्चिमथो धामुला खासे बक्पा ल्वानीमा ‘व यो’ ज्वानी, मा व यो। ५५ *दक्षिणलाम जु फुडुमा ‘ग्वाल छो’ ज्वानी, मा ग्वाल छो। †५६ माम्चुनीकु मिक्सीलामडा जोपा लिसिक्पा मुचुनी, गानी सुबु नुड धामुकाम छेखोपकु दुथाम सोमु थेनी, लावो ओम्लोम थारीकु दुथाम हेडा थेसिमेथेनीमिम? ५७ “हाम बोमु जोपा दुम, मेराम गानी हेडा मुलु बोमु मेचाम्नी? ५८ निया बेसाक्पा मुचुकाडा मेरोक्थिट्थुम डा ईनीमा नडडा मुद्दा ग्वाक्पा मुचुनुड न-थोम ग्नोमबेटनी। मेम मेबेनीवा माला ने मेरामका गानीलाई हेका लोवो निया बेसाक्पा मुचुकाडा लनी, मा मे निया बेसाक्पाका गानीलाई भयालखानडाम डोकपु मुचुकाडा लनी, मा मेरामका गानीलाई भयालखानगोनो चनी। ५९ गो गानीलाई ज्वाडु, सोमु बासिक्पा खउलुड को पैसा वो मेसोक्थुमसम्म गानी मेलाम लुमु मेल्वानी।”

छुल न-गोलाम मिम्सिक्साका माम्चुनीडा र्लोम्सिमु

१३ मेकोतिलोडा कोले नले मुचु येशूकाडा रोम्डीमा गालीलडाम मुचुमिमका सोरनेमडा सासेत्तोडा लैटिमडीलो पिलातसका सेडडुमिम ल्वा सोम्डी। २ येशूका मेर्मिमलाई ज्वाम्डी, “मेम्साका सेन्लासोसिक्पामिम हाम गालीलडाम वाडमिम मुचुडाम वो हापा छुलचो बाम्डी ज्वाक्पा गानी मिम्नीमिम? ३ गो गानीलाई ज्वाडु, मेम ने मेएँ सो, ईनी छुलमिम ईनी न-गोलामका मिम्सीसाका माम्चुनीडा

मेर्लोन्सिट्नीवा माला गानी वो खोत्ले मेम्साकाडा पुयुलुनी। ४ मे को-लेत्ले(१८) मुचुमिमलाई सिलोआमडाम धरहरा भास्तामा चिण्डुमीमा सिम्डिम बाईडा। यरूशलेमडा बाट्टपा मुचुमिमगोडाम हाम हापा छुलचो मेमिम बाम्डी ज्वाक्पा गानी मिम्नीमिम? ५ मेम ने मेएँ सो, गो गानीलाई आथावो ज्वाडु, ईनी छुलमिम न-गोलामका मिम्सीसाका माम्चुनीडा मेर्लोन्सिट्नीवा माला गानी वो मेमसाका डा पुयुलुनी सो।” ६ मेकोतिमा येशूका ओराम सीसि-सोम्दी ज्वाम्डी: “कोड मुचुका ऊ येडा बैशसी र्लियुडुम बाईडा। मेम्मा मेरामकु मा सिडुडु डे ज्वाक्साका रेण्डा लस्थाल्ला, लावो हाम वो मेडारुवा। ७ मेमिमका गुका ऊ ये रेप्साक्पा मुचुलाई ज्वाक्ता, ‘ओ बैशसीकु मा सिडुडु ज्वाक्साका लथाक्पुमिम सुक थ दुस्ता, लावो कोले वो मा मेसिडुवा! ओरामलाई रुण्डा। ओरामका ये कोडडा राडुडुम बु।’ ८ “लावो मे ये रेपा मुचुका ज्वाक्ता, ‘डाचो, आथावो को थ ओरामलाई हाम वो मेबेनी। गो ओरामकु होनोला-आथोला-मा धाउमा मल फिक्पु, ९ मा पालीका ओराम बैशसीकु मा सिडुडु माला जोपा दुम, मेसिडुवा माला रुप्नी।”

डेम्सिमुनेम येशूका ऊ चड नुर्सिक्पा मेसेमलाई सबेटिमडिम

१० कोड डेम्सिमुनेम येशूका कोले ग्नोम्दीनेमडा सीजेम सीत्तोडा बेम्डी। ११ मेसिन्डा कोले मेसेम बाईडा। मेराम मेसेमलाई मुनाड पेलका हुण्डुम को-लेत(१८) थ दुस्ताम बाईडा, मा ऊ सो मान्थिम बाईडा। मेराम मेसेमकु ऊ चड नुस्ताम बाईडा। मेम्मा ऊ त्वापडा थोन्थोन्या दुम्मु मेचापा बाईडा। १२ येशूका मेराम मेसेमलाई ल्वाम्डी, मा येटिमडीमा ज्वाम्डी, “तोडमा,

† १२:५५ *इसाएलडा ग्वाल छोमु डादो दक्षिणलामका जु फुथाल्लु।

गाना ई सोमोरीलामका सेल्सिट्नाम बु।” १३ मेकोतिमा गुमीका मेराम मेसेमडला उनी ल्वा जुल्मिडी, मा मेकोतिलोडा ऊ चड थोन्थोन्या दुस्तामा येम्सल्याड्डा। मेम्मा माम्चुनीकु नड कोमु चोम्डु। १४ लावो मेराम मेसेमलाई येशूका डेम्सिमुनेम सबेटिमडिमका घोम्दी नेमडाम डाउकु छोक्यो बक्ता। मेम्मा गुका मे मुचुमिमलाई ज्वाक्ता, “हप्ताका खारी बेपा रूलेम बु। ओ रूलेमगोडा रोक्नीमा सनी। डेम्सिमु नेम ने मेएँ सो।” १५ लावो डाचो येशूका ज्वाम्डी, “माम्चुनीकु मिक्सीलामडा जोपा लिसिक्पा मुचुनी, डेम्सिमुनेम गानीगोडाम सुका ऊ बेनो लोवो गधा लोवो गोठालामका डिरुमा कु थोड्डा मेल? १६ अब्राहामकु चो-चुसुमिमगोडाम ओराम मेसेमलाई को-लेत(१८) थसम्म शैतानका बथाड्डुम बाईडा। शैतानका बथाड्डुमलाम गु डेम्सिमुनेम फवासिड्डाम हाम मेजोपा दुस्ता?” १७ गुमीका अरे ज्वाम्डिम थोम्डीमा उनी कोथीलाम बक्पा मुचुमिमकाम क्रोम लुडा। लावो गुमीका हल्लो वो मेल्वाम्मा खारीमिम बेम्डिम ल्वाम्डीमा मुचुमिम ने गेसिद्वाम्डी।

रायोकु भ्रल नुड खमीरकाम सीसि-सोम्दी

१८ येशूका ज्वाम्डी, “माम्चुनीकु-किब्दी हाम होप्पाम बु? गो मेरामलाई हामनुड थोपु? १९ मेराम रायो भ्रलकु कोले मा होप्पाम बु सो, मेराम कोले मुचुका लमा ऊ येडा फोड्डु, मा मेराम बर्डांमा डोकपु धक्सा दुस्ता। मेकोतिमा चक्पुमिमका मेरामकु ग्रमडला पान्जी बनेबेम्डी।” २० आथावो गुमीका ज्वाम्डी, “माम्चुनीकु-किब्दी हामनुड थोपु? २१ मेराम खमीर होप्पाम बु सो, कोले मेसेमका कतिकलड खमीर सुक खचा फुलडा डोल्लु, मा मेकोम फुलडा खमीरका लिस्तु।”

कतिभापा लाम्चोको

२२ येशू देल-देल नुड शहर-शहरबाडे खिसिक्तो नुड सीत्तो गुमी यरूशलेमथो लक्तोडा बेम्डी। २३ मेकोतिलो कोले मुचुका गुमीलाई हिलाबुडु, “डाचो, हाम कतिकलड मुचुमिम कोडडा सेल्सिट्मिम?” लावो गुमीका मेर्मिमलाई ज्वाम्डी, २४ “माम्चुनीकु-किब्दीगोडा हुपा कतिभापा लाम्चोकोलाम मेचाप्तो हुनी, हेडालोने हापा मुचुमिमका मेगोने हुमु माल्मी, लावो हुमु मेचाम्मी। २५ नेमहपका लाम्चोको र्लुनुमु दुम्सुमिम चडडा, गानी पाखानो येम्सिनीमा अरे ज्वाक्तो हेलाबोनी, ‘डाचो, लाम्चोको होल्साक्किनीका।’ मेकोतिलो गुका ज्वा, ‘गानी बालामका रोक्नीम? गो ने मेछेनिनी।’ २६ “मेम्मा गानी ज्वानी, ‘गुकु गानीनुडडा पेतो डुत्तोको, मा गानी आकीमा देलबाडे सीत्तिकीनी।’ २७ “लावो गुका ज्वा, ‘गो गानीलाई ज्वाडु, गानी बालामका रोक्नीम गो मेचक्पु। रुचोनी, आमा फार्डा मेरोक्नी।’ २८ “गानी अब्राहाम, इसहाक, याकूब मा माम्चुनीलाम-जेपामिम खोत्लेलाई माम्चुनीकु-किब्दीगोडा ल्वानी, लावो गानी ने पाखानो पार्लासोन्सिनी। मेम्मिमका गानी खाम्नी, मा ईनी लि खेनी। २९ मुचुमिम पूर्व, पश्चिम, उत्तर मा दक्षिण खोत्ले सुम्दीसेरलामका माम्चुनीकु-किब्दीडा गुला पेण्डा गन्मी। ३० लावो ओम्लो सु याक्के बु मेराम दिफु डोकपु दुम, मा सु डोप्पु बु मेराम याक्के दुम।” ३१ मेकोतिलोडा कोडनिम फरिसीमिम रोम्डीमा गुमीलाई ज्वाम्डी, “ओलामका वाडथोडा लक्नी, हेडालोने हेरोद पन्तियासका गानीलाई सेन्नु माल्लुमिम बु।” ३२ येशूका मेर्मिमलाई ज्वाम्डी, “लक्नीमा लु-फेले बेपा मे

सेरूली होप्पाम मुचुलाई ज्वाक्नी,
‘कोलेम-नलेम गो मुनाड पेल कोलु,
मा मुचुमिमलाई सबेट्पुमी। मेकोतिमा
सुलेमनम ने आमा खोत्ले खारी बोमु
दुम्सोकपु। ३३ मेम्डालोवो आनेप दिका,
मा नाहाद्दा वो गो खारी बोमुम बुमुबासी,
हेडालोने माम्चुनीकु शहर यरूशलेमडा
कोडडा माम्चुनीलाम-जेपा आच्छाडा
सिमी।”

येशूका यरूशलेमकु दुथाम ज्वाम्डिम दुखा सोम्दी

३४ “यरूशलेमडाम मुचुनी, गानी
माम्चुनीलाम-जेपामिमलाई सेनी,
मा माम्चुनीका ईनीमाडा थुर्मिडिम
सेलाचोमिमलाई लुडका ओम्नीमी।
छलोमीका ऊ बुब्लोमिमलाई ऊ
लाप्तेरगोयु बोडु-थारुमीमिम होडडा
गो गानीलाई कोदप खोम्मु छोम
माल्निनी, लावो गानी मेम बोमु
मेग्वाडनिवा। ३५ रेप्नी, माम्चुनीका
गानीलाई डिट्नीमिम बु। गो गानीलाई
ज्वाडु, हाम्सीसम्म गानी ‘मिप्रडमाकु
नडडा रोकपा आलाकाम सो,’ मेज्वानी
मेम्लोसम्म गानी गोलाई मेल्वाडीनी।”

येशूका डेम्सिमुनेम ऊ ल्वा-खेल होम्पा मुचुलाई सबेटिमडिम

१४ कोड डेम्सिमु नेम येशू कोले
डोकपु फरिसीकु नेप्डा गुला
पेप्डा लम्डी। मेसिन्डा खोम्सिक्पा
फरिसीमिमका उनी चोपा बेत्तोडा
लेट्िडिम बाईडा। २ ऊ ल्वा-खेल होम्पा
कोले मुचु येशूकु डादोडा गन्तासिड्डाम
बाईडा। ३ गुमीका मोशाकु डुम्ला छोम
थेट्पा मुचुमिम नड फरिसीमिमलाई
हिलाबेम्डी, “डेम्सिमुनेम नोपामिमलाई
सबेन्मु डुम्लानुड घ्रोम डे मेएँ?” ४ लावो
मेर्मिम लिबा बाम्डी, मा गुमीका मे नोपा
मुचुडला ल्वा जुल्साका सबेटिमडी, मा
थुसोम्डी। ५ मेकोतिमा येशूका मेर्मिमलाई

ज्वाम्डी, “गानीगोडाम सुका ईनी त्वाकु
बेनो लोवो गधा लोवो डेम्सिमुनेम
पोलुमगोयु आल्स्ता माला दाला-दाला
पाखाला मेरूल्लुकु मा?” ६ मेर्मिमका
ओराम ल्वाकु दुथाम हाम वो ज्वामु
मेचाप्पिवा। ७ मेसिन्डा गुला पेप्डा
रोक्पा बोच्चोमिमका डोकपु मुचुमिम
गन्खोपडा गन्मु माल्मिडिम ल्वाम्डीमा
येशूका ओराम सीसि-सोम्दी ज्वाम्डी:
८ “लालीकुन्दा बोमिमिम नेप्डा गानीलाई
कोडनिमका गुला पेप्डा येट्नी माला
डोकपु मुचु गन्खोपडा मेगन्नी। हेडालोने
गानीडाम डोकपु मुचुलाई वो मेसिन्डा
येड्डुम दुम्मु चाप्सु। ९ गानी मेम्साका
गन्नी माला, गानीलाई येट्पा मुचुका
रोमा ज्वा, ‘ई गन्खोप्डा गुमीलाई गन्मु
ग्वाका।’ मेम्मा गानीलाई मेलामका फनी,
मा गानी मेलामका ईनी क्रोमलुत्तो याक्के
मुचु गन्खोपडा गन्मुबासी। १० लावो
गानी मेम्साका येनीमीलो याक्के मुचु
गन्खोपडा गन्नी, मा गानीलाई येट्पा
मुचु रोमा ज्वा, ‘डोप्सो, डादोडो डोकपु
मुचु गन्खोप्डा गन्नीका।’ मेकोतिलो
खोत्ले बोच्चोमिमकु डादोडा ईनीमा
नो-कल जुल्सी। ११ हेडालोने उहेम
मुचुका डोकपु मिम्सी मेराम याक्के
दुम, मा ऊ त्वाप याक्के दुम्पा मुचु ने
डोकपु दुम।” १२ मेकोतिमा येशूलाई गुला
पेप्डा येट्पा फरिसीलाई वो गुमीका
ज्वाम्डी, “ईमा नेप्डा नेम्फूम लावो
सिन्थाम लावो गुला पेप्डा येनामीलो ई
वा-ल्वाकमिम, ई डोप्सोमिम, ई त्वाकु
मुचुमिम नुड खाप्चीचो साउखेरिमिमलाई
कोडडा मेयेडामी। येट्नामी माला
ने मेर्मिमका वो गानालाई येनामीमा
ई फुली सोमी। १३ लावो गाना गुला
पेप्डा उनी हाम वो मेबाट्पामिम,
ल्वा-खेल ब्लेट्पा, मेचापामिमलाई,
मा उनी मिक्सीका मेल्वापामिमलाई
येडामी, १४ मा ईमा फुली सोमु मेचापा
मुचुमिमलाई येट्नामिमका माम्चुनीकु

न-गो होप्पाम मुचुमिम सिमुलाम
बमिमिनेम माम्चुनीका गानालाई
पुरस्कार ग्वानामी।”

डोकपु गुलाकु सीसि-सोम्दी

१५ येशूनुड गुला पेण्डा गन्पामिमगोडाम
कोले मुचुका ओराम ल्वा थोस्तुमा
गुमीलाई ज्वाक्ता, “उहेमका माम्चुनीकु-
किब्दीडा गुला पु मेराम आलाकाम सो।”
१६ लावो गुमीका मेराम मुचुलाई ज्वाम्डी,
“कोले मुचुका डोकपु गुला खोक्तुमा
हापा मुचुमिमलाई येडुडुमी। १७ गुला
थिक्ता, मा मेराम मुचुका ऊ डुल्योलाई
आरे बुडुमा बोच्चोमिमलाई येडुडा थुस्तु,
‘खोत्ले पोमु-डुमु थिक्ता पेण्डा रोकनी।’
१८ “लावो मेमिम खोत्ले बोच्चोमिम
मेपोसिकपा लिसिम्डी। कोलेका मे
डुल्योलाई ज्वाक्ता, ‘गो किचो ब्याडसी
भ्रेउतोम बु, मे रेण्डा लमुबासी। मेमिमका
रोमु मेयुट्पु गोलाई पाचो ग्वाडनी।’
१९ “मेकोतिमा कोडमीका ज्वाक्ता,
‘गो डो हल बेनो भ्रेउतोम बु, मेमिमका
हाडको जोपा भोमी गो मेराम रेम्मु
बासिकपा बु। रोमु मेयुट्पु गोलाई पाचो
ग्वाडनी।’ २० “कोडमीका ज्वाक्ता,
‘गो मालो लालीकुन्दा बेउतोम बु,
मेमिमका गो मेरोडु।’ २१ मेकोतिमा
डुल्यो र्लोसिकसाका रोकतामा नेम
हपनुड ओराम ल्वा सोयुडु। मेम्मा ऊ नेम
हपकु छोकचो बक्तामा ऊ डुल्योलाई
ज्वाक्ता, दाला लक्सामा शहरडाम
डोकपु याक्के लाम्दी गुदुबाडेम उनी
हाम वो मेबाट्पामिम, मेचापामिम,
ल्वा-खेल ब्लेट्पामिम, मा मिक्सीका
मेल्लापामिमलाई आसिन्डा रेडामी।”
२२ “मेकोतिमा डुल्योका ऊ नेम हपलाई
ज्वाक्ता, ‘डाचोका ज्वाक्निम होप्पा
खोत्ले मुचुमिमलाई रेतोमिम बु। लोवो
आथावो बोच्चोमिम गन्खोप खोम ने
हापाडा बु।’ २३ “नेम हपका ऊ डुल्योलाई

ज्वाक्ता, ‘हापा भापा लाम्दी नुड याक्के
लाम्दीबाडे लक्सामा मुचुमिमलाई
रोक्नीमा रोकनी बेमी, मा मे मुचुमिमका
आमा नेम देम्नु। २४ हेडालोने गो डादो
येतोमिम मुचुमिमगोडाम कोलेका वो
आमा गुला दोम्मु मेल्लवामी।’”

येशू खीष्टकु सीसिपामिम

२५ कोलेम छोम सेर्पा मुचुमिम येशूकु
चडचड लक्तोडा बेम्डी, मा गुमीका
मेमिमथो र्लोसिम्डीमा ज्वाम्डी,
२६ “कोडनिम मुचु आमा सीसिपा दुम्मु
न बु माला, मेराम मुचुका वो ऊ त्वाकु
माम-पाप, ऊ नाईमे, ऊ चोच्चोमिम,
ऊ वा-ल्वाकमिम, मा ऊ त्वापडाम वो
हापा गोलाई रीखाम बोमुबासी। मेएँ
माला मेराम मुचु आमा सीसिपा मेदुम।
२७ उहेम मुचुका ऊ त्वाकु *क्रूस कुर्साका
आमा चडचड मेलाम्दी मेराम आमा
सीसिपा दुम्मु मेचाप्सु। १२८ “गानीगोडाम
कोडनिमका कोले नेम बनेबोमु न बुलो मे
नेम बनेबोमु दुम्मिसम्म लिट्पा खउलुड
गुनुड बु डे मिबु ज्वाक्साका डादोडा
हिसाब बु। २६ मेएँ माला ने मेरामका
नेमकु फार गडुमिम चडडा ऊ खउलुड
हुक्तामा बनेबोमु मेचाप्सुवा माला ल्वापा
मुचुमिम खोत्लेका आरे ज्वाक्तो सेम्ला
बेन्मी। ३० ‘ओराम मुचुका नेम बनेबोमु ने
चोम्डु, लावो बनेबोम्सोमु मेचाप्सुवा।’
३१ “कोले हप कोडमी हपनुड क्वाल्बा
बोमु खाण्डुलो को सड-सड(१०,०००)
सिपाहीमिमका नक सड-सड(२०,०००)
सिपाहीमिमलाई छल्लामु चाम्मी डे
मेएँ ज्वाक्साका डादो मुलु बोमु
र्लोपामिमनुड मुलु बु। ३२ गुका मे
कोडमी हपलाई छल्लामु मेचाप्सु माला हे
बेसाका होनोवा बाट्पा ऊ कोथोलापामिम
हपनुड न-थोम ग्रोम्बेन्नु भ्राम मेरामकाम
लागि डादोडा ऊ मुचुमिम थुरुमी।
३३ मेमिमका गानीगोडाम उहेमका ऊ

१४:२७ क्रूस कुर्साका लाम्दीमु ज्वाक्ता त्वाकु दुखा ईम्साका माम्चुनीकु चडचड लाम्दीमु सो।

त्वापनुड बाटपा खोत्ले डेन्मु मेचाप्सु, मेराम आमा सीसिपा मेदुम। ३४ “पोमु-डुमु भ्रपा बुमिमका यो जोपा दुम। लावो योडाडा यो मेलु माला ने हामका योलुपा दुब्बेन्मु मा? ३५ मेराम ने क्वाकाम लागि जोपा मेदुम, मल बनेबोमु वो जोपा मेदुम। मुचुमिमका मेरामलाई घोम्सोमी। उहमकाम थोपा नोपला बु, मेरामका थोम्सुमा थेसिथेट्नु।”

दाम्पा भेन्दाकु सीसि-सोम्दी

१५ कोलेम कर फकपा मुचुमिम नुड छुल्लोमिम खोत्ले येशुकु सीजम थोप्डा उनीमाडा रोकतोडा लेट्टिमडी। २ मेम्मिमका यहूदीमिमकु डुम्ला सीपा पातुम्रीमिम नुड फरिसीमिमका आरे ज्वाक्तो सुम्बुर्मा किन्नु चोम्मिडी, “ओराम मुचु ने छुल्लोमिमनुड बु, मा मेर्मिमनुडडा पु-डुडु वो।” ३ मेकोतिमा गुमीका मेर्मिमलाई ओराम सीसि-सोम्दी ज्वाम्डी: ४ “गानीगोडाम सुका को-सड ऊ भेन्दामिमडाम कोले भेन्दा दाम्लो गु-गुले(६६) भेन्दामिम उनी जाखोपडा पाजौलुमा मे दाम्पा कोले भेन्दा मेडाथुमसम्म मेमालु मा? ५ मे दाम्पा भेन्दा डारुमिम चडडा गेर्सिद्वाक्तो गुका ऊ बालामडला मेरामलाई कुडु, ६ मा नेप्डा रोमा ऊ डोप्सोमिम नुड ऊ साउखोरेमिमलाई येडुमी। मेकोतिमा मेर्मिमलाई ज्वा, ‘गुई गेर्सिडी, हेडालोने आमा दाम्स्ताम भेन्दा गो डार्तो।’ ७ गो गानीलाई ज्वाडु, मेम्साकाडा उनी छुल न-गोलामका मिम्सिममा माम्चुनीडा ख्लोम्सिम मेबासिक्पा माम्चुनीकु मिक्सीलामडा जोपा मिम्सिक्पा गु-गुले(६६) मुचुमिमडाम वो ऊ त्वाकु छुल न-गोलामका मिम्सिक्साका माम्चुनीडा ख्लोसिक्पा कोले छुलचोकाम लागि पाहीला खोत्ले छोम गेर्सिट्मी।

दाम्पा खउलुडकु सीसि-सोम्दी

८ “कोले मेसेमनुड को-धुम(१०) मत्तोकु सिक्का बाईडा। कोले दाम्स्तु माला गुका धिप्पी चासाका बाय छिसुमा मेडारुमिमसम्म आथाजोहोम मेमालु मा? ९ दाम्स्ताम खउलुड डारुमिम चडडा गुका ऊ डोप्सोमिम नुड ऊ साउखोरेमिमलाई येडुमीमा ज्वा, ‘गुई गेर्सिडी, हेडालोने दाम्स्ताम आमा खउलुड गो डार्तो।’ १० गो गानीलाई ज्वाडु, ‘आरेसाका ऊ त्वाकु छुल न-गोलामका मिम्सिक्साका माम्चुनीडा ख्लोसिक्पा कोले छुलचोकाम लागि पाहीला माम्चुनी नुड पाहीचोमिम गेर्सिद्वामी।’

युम्पा तारापाचोकु सीसि-सोम्दी

११ मेकोतिमा येशुका मेर्मिमलाई ज्वाम्डी, “कोले मुचुकाम नले तारापाचो बाच्ची। १२ कोलेम ऊ छारीचोका ज्वाक्ता, ‘पाआ, गो ल्वामुबासिक्पा ईनीमा खाप्चीकु दोदोेवा ग्वाडनी।’ मेकोतिमा उमा पापका ऊ खाप्ची मेर्चिपलाई दौयुसाडुची। १३ “कोलेम नलेम चडडा मे ऊ छारीचोका खोत्ले ऊ खाप्ची भ्रेडुडुमा कोडमीडा नेब्दीडा लस्ता। मेम्मा मोसिन्डा फुडदास बेसाका खोत्ले ऊ खउलुड पाई। १४ मेरामका खोत्ले ऊ खउलुड हुक्साडुडुम थारीकाडा मेराम नेब्दीडाम खोत्लेडा मा-के हुक्तामा गुलाई पोमु-डुमुकाम खेरेला दुस्ता। १५ मेकोतिमा गु पोमु-डुमुकाम लागि मेराम नेब्दीडाम कोले मुचुकाडा हाम-हुम खारी बेप्साडुडा लस्ता। मेराम मुचुका मेरामलाई ऊ येडा ब्वामिम रेम्बेडु। १६ गु छोम क्रुमसिडामा ब्वाजामडा वो पोमु गुलाई जोपा लुडा। लावो गुलाई सुका वो पोमु-डुमु मग्वाक्मिवा। १७ “ऊ न छेस्तामा ऊ नडुडा ज्वाक्ता, ‘आमा पापका खउलुड ग्वाक्साका रेडुडुमिम

मुचुमिमका ने खोहोम पोमीमा क्लेन्मी वो, लावो गो ने आसिन्डा क्रुमका सिमुखापुमिम बु।^{१८} गो पापकाडाडा र्लोसिडुमा लडु, मा ज्वाडु, 'पाआ गो पाह्रीलाम माम्चुनी नुड ईनी कोर्थोलाम छुल बेउतोम बु।^{१९} आथाडा आनो गो ईनी तारापाचो ज्वामु वो मेघ्रेन्डी। लावो गोडला ईनी न-थोम रेम्बेसाका ईनी खउलुड ग्वाक्साका रेट्निम मुचु होप्पाम बेडिनीमा जुलिडनी।' ^{२०} "मेकोतिमा गु बक्तामा ऊ नेम र्लोस्ता। लावो हापा होनोवा गु नेम बिक्तोडा लेडुडुम ऊ पापका ल्वास्तु, मा ऊ पापकाम छोम थोम भ्रोस्तामा ओन्तो लक्साका ऊ चोलाई सोकोफोपुडुमा चुप बुडु।^{२१} "ऊ तारापाचोका ज्वाक्ता, 'पाआ, गो पाह्रीलाम माम्चुनी नुड ईनी कोर्थोलाम छुल बेउतो। आथा गो ईनी तारापाचो ज्वामु मेघ्रेट्पा बुडु।' ^{२२} "लावो ऊ पापका डुल्चोमिमलाई ज्वाक्ता, 'दाला छोम जोपा ये-सेम रेट्नीमा ओरामलाई फबेट्नी। मेकोतिमा ऊ ब्रेप्योडा चुकुरिम बाबेट्नी, मा खेलयु सोलोप बेसिबेट्नी।^{२३} मेम्मा चाडकाम लागि डुल्मा *बेनो फल्साका खोक्नी, मा गुई पि-डुडीमा गेर्सिद्वाकी।^{१२४} हेडालोने ओराम सिडाम होडडा लुडडोम बाईडा, लावो ओम्लो नुडाम बु। दाम्स्ताम बाईडा लावो ओम्लो र्लोस्तामा ईकीमाडा रोकताम बु।' मेकोतिमा मेर्मिमका गुला पेम्डी-डुम्डीमा गेर्सिक्तो छोम्मु चोम्मिडी।^{२५} "मेकोतिलो ऊ डाचो तारापाचो ये-ददा खारी बेतोडा लेडुडु। गु ये-दलामका र्लोस्तामा नेम फाडा रोकफाड्डालो कामसो बेत्तो छोम्तोडा बेपा गुका थोस्तु।^{२६} मेम्मा डुल्चोमिमगोडाम कोलेलाई येडुडु, मा 'नेप्डा हाम दुम्तोडा बु?' ज्वाक्तामा गुका हिलाबुडु।^{२७} मे डुल्चोका ज्वाक्ता, 'ईनी ल्वाक र्लोसिडुमा रोम्डीम बु,

गुमी नुपाडा र्लोसिडिमा रोम्डिमका ईनी पापका चाडकाम लागि डुल्मिडिम बेनो फल्मिडी।^{२८} "ओराम ल्वा थोस्तुमा ऊ वाकाम छोक्यो बक्ता, मा नेमगोनो वो लमु मेबिसावा। लावो ऊ पाप पाखा लुक्तामा ऊ चोलाई नेमगोनो बिकामा बिका बुडु।^{२९} लावो गुका ऊ पापनुड ज्वाक्ता, 'रेप्नी, आकाम थसम्म गो ईनी डुल्चो होडडा दुम्साका खारी बेउहोम बुडु। गानी ज्वाक्निम खोत्ले ल्वा बिसिडुडो। लावो आ डोप्सोमिमनुड गुला पोमु लागि कोले छ्वाराकु चो डा वो हेल्लो वो मेग्वाडिनवा।^{३०} छोलोमा मेसेमडा खउलुड पापो मेराम ईनी चो रोलो ने चाडकाम लागि डुल्मा बेनो वो मेरामकाम लागि फल्नी।' ^{३१} "मेकोतिमा ऊ पापका गुलाई ज्वाक्ता, 'थाकु, गाना ने हेल्लो लोवो गोनुडडा बुनामिम बु, मा खोत्ले आमा खाप्ची वो ईमाडा सो।^{३२} लावो गुई आनेप पोमु-डुमुमा गेर्सिद्वामु बासिक्पाडा बु, हेडालोने ईमा ल्वाक सिडाम बाईडा, लावो आथा नुपाडा र्लोसिडुडामा रोकता, दाम्स्ताम बाईडा, ओम्लो र्लोस्ताम ईकीमाडा रोकताम बु।' "

छोम मिम्साका खारी बेपा मुचु

१६ येजूका उनी सीसिपामिमलाई ज्वाम्डी, "कोले खाप्चीचोकाम ऊ खाप्ची रेप्साक्पा कोले मुचु बाईडा। खोत्ले ऊ खाप्ची मेराम मुचुका ब्लाम-ब्लाम बुहोम बु ज्वाक्साका वाडमिम मुचुका मे खाप्चीचोलाई थोबेटिमडी।^२ मेम्मिमका मे खाप्चीचोका मेरामलाई येडुडुमा हिलाबुडु, 'ईमा दुथाम गो हाम-हम थोत्तोडा लेटपु। खोत्ले खाप्चीकु हिसाब गोलाई रेम्बेट्डी। आथाडा आनो गाना आमा खाप्ची रेम्मु मेल्वाना।' ^३ मे खाप्ची रेप्साक्पा मुचुका ऊ नडा मिम्स्ता, 'गोलाई आमा नेम हपका

^११५:२३ *याक्के बाछा इसाएलीमिमकाम लागि छोम भ्रपा सो।

खाप्ची रेपा खारीलामका रल्लुमु खाम्डी, गो हाम बोमु? ये-दडा खारी बेसाका पोमु आ सो मिबु, बिमुमा पोमु ने क्रोम लु। ४ गो हाम बोमुबासी ज्वाक्पा आमा नड्डा रोकताम बु। ओराम खारी बोमु डिट्पुमिम चडडा मुचुमिमका हेसाका उनी नेण्डा येन्डीमोमा हुनाखाना बोडिमी, मा रल्लोडिमी मेराम खारी गो बेउजोलु। ५ “मेकोतिमा गुका ऊ नेम हपकु जेर मोक्पा खोत्ले मुचुमिमलाई कोले कोले बेसाका येड्डुमी, मा डादो रोकपा मुचुनुड हिलाबुडु, ‘गाना नेम हपकु जेर हाडको सोमु बासिक्पा बु?’ ६ मेरामका ज्वाक्ता, ‘सुक-धुम सड(३,०००) लिटर जैतूनकु तेल।’ मेकोतिमा मे खाप्ची रेप्साक्पा मुचुका मेरामलाई ज्वाक्ता, ‘ईमा तमसुक रडामा दाला गन्सामा को-डो सड(१५००) लिटर ज्याक्थाडा।’ ७ “मेकोतिमा गुका कोडमीलाई हिलाबुडु, ‘ईमा जेर हाडको सोमु बासिक्पा बु?’ गुका ज्वाक्ता, ‘सुक-सड डोधुम(३५०) क्विन्टल जेप्सेर।’ गुका मेरामलाई ज्वाक्ता, ‘ईमा तमसुक रडामा सुक-सड(३००) क्विन्टल ज्याका।’ ८ “मेकोतिमा मे खाप्ची रेपा मुचुका मिम्साका बुडुम खारी ल्वास्तुमा खाप्चीचोका ऊ नड कोक्साड्डु। मेम्साकाडा माम्चुनीकु मुचुमिमडाम वो सुम्दीसेरडाम मुचुमिमका वाडमिम मुचुनुड छोम मिम्साका खारी बोमी। ९ मेम्मिमका गो गानीलाई ज्वाडु, सुम्दीसेरडाम ईनी खाप्ची ग्वाक्साका ईनी त्वाकाम लागि डोप्सो बनेबेन्जोल्नी। ईनी साम लमा खउलुड हाम ना हामकाम दुमलो माम्चुनीका गानीलाई पाहीला हेल्लो लोवो बुमु लागि येनी। १० “उहेम मुचु याक्के खारीडा थोरलुईमिम दुम, मेराम मुचु डोकपु खारीडा वो थोरलुईमिम दुम। उहेम मुचु याक्के खारीडा थोरमेलुईमिम

दुम, मेराम मुचु डोकपु खारीडा वो थोरमेलुईमिम दुम। ११ मेम्मिमका गानी सुम्दीसेरडाम खाप्ची रेम्पु थोरलुपा मैदुम्नीवा माला ने माम्चुनीका गानीलाई हेसाका पाहीलाम आच्छाडाकाम खाप्ची रेपा दुम्बेनी मा? १२ गानी वाडमिमकु खाप्ची रेम्पुडा थोरमेलुईमिम दुम्नी माला ईनीमा खाप्ची माम्चुनीका हेसाका ग्वानी मा? १३ कोले डुल्चोका नले नेमहपकु चापे-डुपे बोमु मेचाप्सु। मे डुल्चोका कोले नेमहपलाई रिखाम बु, मा कोडमीलाई मेद्व्वाकु। कोलेका ज्वामिम थोपा दुम्साका कोडमीलाई हाम ना हामकाम मिम्डु। गानी माम्चुनीकु खारी नुड खउलुड डुपा खारी निफीडा बोमु मेचाम्नी। १४ खउलुडकु रारी बेपा फरिसीमिमका ओराम ल्वा थोम्डीमा गुमीलाई सेम्ला बेटिमडी। १५ मेकोतिमा गुमीका मेर्मिमलाई ज्वाम्डी, “गानी मुचुमिमकु डादोडा माम्चुनीकु न-गो होप्पाम दुम्साका रेम्बेपा लिन्सनी, लावो माम्चुनीका ईनी न-गोडाम ल्वा चमी। मुचुमिमका डोकपु मिम्मीमिम ने माम्चुनीकु डादोडा हाम ना हामकाम दुम। १६ “कु-रुदुम ग्वाक्पा यूहन्ना रोमु डादोसम्म मोशाकु दुम्ला नुड माम्चुनीलाम-जेपामिमकु सीजेमका गानीलाई क्रिन्निम बाईडा। लावो ओम्लो माम्चुनीकु-किब्दीकु दुथाम जोपा-सेला गो थोबेतोमिम बु, मा खोत्ले मुचुमिम माम्चुनीकु-किब्दीगोडा चाप्तो मेचाप्तो हुमु माल्तोडा बोमी। १७ सुबु नुड धामु दाम्पु चाप्सु, लावो माम्चुनीकु दुम्लागोडाम कोले याक्के ल्वा वो मेदाम। १८ “उहेम मुचुका ऊ त्वाकु नाईमे डेडुमा कोडमी मेसेमलाई लालीकुन्दा बु माला मेराम मुचुका नाम्सुर बु। मेम्मा ऊ वोचुका डेडुमिम मेसेमलाई लालीकुन्दा बेपा मुचुका वो नाम्सुर बु।

खापचीचो नुड ऊ हाम वो मेबाट्पा लाजरस

१६ “कोले खापचीचो बाईडा। मेरामका हापा थिकाम बैजनी रडकाम हुम-ये नुड ये-सेम फस्थाल्ला, मा पेतो-डुतो एलेडगी बेतो हेल्लो लोवो बाईथाल्ला। २० मेरामकु नेमगोनो हुपा लाम्चोकोडा कोले लाजरस नडकाम ऊ हाम वो मेबाट्पा बिपा मुचुलाई मुचुमिमका रेसाका चार्थाल्मिडी। मेरामकु खोल्ले रोमडा पार कोडडा बाईडा। २१ मे खापचीचोका क्लेसुमा पारुमिम पोमु-डुमुका डा वो लाजरसका ऊ ख्वाचप खोबेन्मु न बुथाल्लु। ख्ल्यामिम वो रोम्थाल्मिडीमा ऊ पार लेम्थाल्मिडी। २२ “चडडा मे ऊ हाम वो मेबाट्पा लाजरस सिडा, मा पाहीचोमिमका मेरामकु पेल लम्डीमा पाहीला अब्राहामनुड जल्मिडी। मे खापचीचो वो सिडा, मा क्लाम्मिडी। २३ मे खापचीचोकु पेलका खादीगोयु छोम मेभापा दुखा ईम्तोडा लेड्डु। मेकोतिलो गुका अब्राहामनुड गन्तासिट्पा लाजरसलाई ल्वास्तु। २४ मेकोतिमा गुका डोक्पु लोलामका येस्तामा अब्राहामनुड ज्वाक्ता, ‘ए कुर्चाड बेब(अब्राहाम), गोडला न-थोम रेम्बेनीमा लाजरसलाई आमायु थुर्नी। मेम्मा मेरामका ऊ ब्रेपचोकु जुजु कुगायु प्लुम्साका आ लेमडा लुप्नुमा गोलाई पपया दुम्नु। हेडालोने गां मुकु भुल्लुगोडा छोम मेभापा दुखा ईम्तोडा लेट्पु। २५ “लावो अब्राहामका ज्वाक्ता, ‘ए योयो, गाना मिम्डा, गाना सुबुडा बान्नालो जोपा-जोपा फन्सिट्ना, पेन्ना-डुन्ना, मा एलेडगी बेन्ना। लाजरसका ने छोम दुखा ल्वास्तुम बाईडा। मेम्मिमका ओम्लो गुलाई आसिन्डा दुखा मिबु, मा गाना ने दुखा ईम्तोडा लेना। २६ मेमकोडडा मेए, ईनीमा नुड आकीमा थेतोडा छोम डोक्पु

छेन्दुडमा बु। मेम्मिमका ओलामका पोलुम ख्वाक्साका सु वो ईनीमायु योमु मेचाम्मी, मा मेलामका वो सु वो छेन्दुडमा ख्वाक्साका आकीमाडा गेमु मेचाम्मी। २७ “खापचीचोका अब्राहामनुड ज्वाक्ता, ‘ए कुर्चाड बेब(अब्राहाम), गो गानीलाई ज्वाडु, गानी लाजरसलाई सुबुडाम आकी नेप्टा थुर्नी, २८ हेडालोने मेसिन्डा आमा डोले तारापा ल्वाकमिम बुमी, मा मेरामका मेर्मिमलाई ज्वानु। मेएँ माला ने मेर्मिम सिमीलो अरेप्पामडा दुखा ईम्मु बासिक्पा खादीगोयु मेयोमीनु।’ २९ “लावो अब्राहामका ज्वाक्ता, ‘मोशा नुड माम्चुनीलाम-जेपामिमका ज्वाम्डिम किताब मेर्मिमनुड बु। मेगोडा ज्याक्मा सीजेमका ज्वामिम होम्साका मेर्मिम दोमीनु।’ ३० “खापचीचोका अब्राहामनुड ज्वाक्ता, ‘मेएँ कुर्चाड बेब(अब्राहाम), सिमुलाम बक्साका कोडनिम मेर्मिमकाडा लमी माला कोडडा मेर्मिमका उनी छुल न-गोलामका मिम्सीसाका माम्चुनीडा ख्लोम्सिमी।’ ३१ “अब्राहामका गुलाई ज्वाक्ता, ‘मोशा नुड माम्चुनीलाम-जेपामिमकु सीजेम थोमीमा उनी छुल न-गोलामका मिम्सीसाका मेख्लोम्सिमी माला सिमुलामका कोडनिम बगेडा लोवो मेर्मिमका मेथोमी।’”

पाचो नुड थोर

१७ येशूका उनी सीसिपामिमलाई ज्वाम्डी, “मुचुमिमलाई छुल बेबेट्पा मेजोपा ल्वामिम रोमी। लावो मुचुमिमलाई मेम बेबेट्पा मेराम मुचु ने वाईतो! २ उहेम मुचुका गोडला थोरलुपा ओ याक्के मुचुमिमगोडाम कोलेलाई छुल बेबेट्पु, मेरामकु लक्चाडा खुरुक लुड चेन्मुमा दिरिदिनगोयु घोम्सोम डा मेरामकाम लागि जोपा दुम। ३ मेम्मिमका चडचडया बानी! गोडला थोर बेपा कोलेका छुल बुडुम बु माला मेरामलाई

ऊ छुल मिम्सिबेट्नी। गुका ऊ छुल न-गोलामका मिम्सिक्साका माम्चुनीडा ख्लोस्ता माला मेरामलाई पाचो ग्वाक्नी।
 ४ मेराम मुचुका कोलेमका येतले खेप गानीलाई मंजोपा बेन्नी, मा ऊ छुल येतले खेपडा न-गोलामका मिम्सिक्साका ख्लोसीमा ईनीमाडा रोमा पाचो बिईयु माला मेरामलाई पाचो ग्वाक्नी।”
 ५ उनी थुर्मांमिमका डाचोनुड ज्वाम्डी, “आकीमा थोर बर्बेसाट्की।” ६ डाचो येशूका मेर्मिमलाई ज्वाम्डी, “गानीनुड रायोकु कोले मा कोतिम याक्के थोर बु माला ने गानी ओ नापातुमकु धक्सालाई ‘बुल्सामा दिरिदिनयु क्रोसा’ ज्वानी माला मेरामका गानी ज्वानीमिम होडडा बु। ७ गानीगोडाम कोडनिमकु डुल्चो ब्याडसी जोसाका लावो भेन्दा रप्साका लावो ख्लोसिसाका रोलो, मेरामका ऊ डुल्चोलाई ‘जाम पेण्डा गन्सा’ बु मा? ८ हाम गुका आरे मेज्वा मा? ‘आमा लागि जाम खोडसाड, मा थ्वाक्पुरी खिम्सामा गो पोमु-डुमु दुम्पुमिमसम्म आमा चापे-डुपे बे। मेम्मा कोडडा गाना पे-डुडा।’ ९ गुका ज्वाक्ताम होम्साका खारी बुडुमका हाम गुका ऊ डुल्चोलाई आलासो ग्वाकु मा? मेग्वाकु। १० मेम्साकाडा गो गानीलाई बेबेट्निनिम खोत्ले खारी बोमु दुम्नीमा ज्वाक्नी, ‘गुकु आला-तोमा ज्वामु ग्रेट्पा डुल्चो मेएँ। गुकु ने हाम बोमु बासिक्पा बाईडा, मेराम कोडडा बेत्तोकोम सो?’।”

येशूका जोन बेट्पा को-धुम(१०) मुचुमिमलाई सबेट्मिडिम

११ येशू यरूशलेमथो लक्तोडा लेटिमडीलो, गुमी सामरिया नुड गालीलकु थेतोडाम रिमोकोम्सी दुम्तो

लम्डी। १२ गुमी मेसिन्डाम कोले देलडा हुम्डीलो जोन बेट्पा को-धुम(१०) मुचुमिम उनीमाडा बिक्तोडा बेम्डी। किचो होनोडा येम्सिम्डीमा, १३ मेर्मिमका डोकुपो लोलामका ज्वाम्डी, “ए येशू डाचो, गुकुडला न-थोम रेम्बेनी।” १४ येशूका मेर्मिमलाई ल्वाम्डीमा ज्वाम्डी, “लक्नीमा *डुम्लाचोकाडा ईनी त्वापडा रेम्बेसिट्नी।” मेकोतिमा मेर्मिम लम्डी होडडा सम्डी। १५ मेर्मिमगोडाम कोलेका ऊ त्वाप सस्ताम चडुमा येशूकाडा ख्लोस्तामा डोकुपो लोलामका माम्चुनीकु नड कोस्तु। १६ मेकोतिमा येशूका मेरामलाई सबेट्मिडिमका गुमीलाई आलासो ग्वाक्तो उनी खेल चम्डु। मेराम सामारियाडाम मुचु बाईडा। १७ येशूका ज्वाम्डी, “हाम गो को-धुम(१०) मुचुमिम खोत्लेडा सबेतोमिम मेएँ मा? वाडमिम गुले(६) मुचुमिम बान्ते लम्डी? १८ ओ मेयहूदी मुचुडाम वाडमिम सु वो मुचुमिम हाम माम्चुनीकु नड कोण्डा मेख्लोसिक्मिवा?” १९ मेकोतिमा येशूका सामरियाडाम मुचुलाई ज्वाम्डी, “बका, मा गाना लक्सा, गोडला थोर लुन्नामका गाना सेल्सिट्नाम बु।”

रोक्तोडा बेपा माम्चुनीकु किब्दी

२० हाम्सी माम्चुनीका किब्दी हाम्सी थोमी ज्वाक्साका फरिसीमिमका हिलाहिसी बेम्डिलो येशूका ज्वाम्डी, “मुचुकु मिक्सीका ल्वासिक्पा बेसाका माम्चुनीका किब्दी मेथोमी, २१ सुका वो माम्चुनीकु-किब्दी रेप्नी, आसिन्डा बु! मेसिन्डा बु! ज्वामु मेचाप्सु। हेंडालोने माम्चुनीका गानीगोडा सारखाम थोमी।” २२ मेकोतिमा गुमीका उनी सीसिपामिमलाई ज्वाम्डी, “मिनीचो

१७:१४ *यहूदीमिमगोडा जोन बेट्पा मुचुमिमलाई उनी त्वापनुड कोदेप बुमु उनी डुम्लाका मेग्वाक्थालुवा। मेम्मिम जोन बेट्पा मुचु सस्ताम रेम्बोमु डादो डुम्लाचोका गुलाई रेमु/छाम्मु बास्थाल्ला, मेम्मा कोडडा गु वो वाडमिम यहूदीमिमनुड कोदेप बुमु ल्वास्थाल्लु। लवी १४:२-३२डा रेप्नी।

रोक्पा थारीकु कोड थारी ल्वापा न बोनीमिम थारी रो, लावो गानी मेल्वानी। ^{२३} मुचुमिमका गानीलाई मिनीचो आसिन्डा बु, मेसिन्डा बु ज्वामी। लावो मेर्मिमकु ल्वा मेथोनी, मा मेर्मिमकु चडचड मेलाम्दीनी। ^{२४} हेडालोने बल्याक्ची ओण्डुलो धामुकु फारलामका बिरखोपसम्म दोमिम होडडा मिनीचो योमीमनेम दुम। ^{२५} लावो डादो गुका हापा दुखा ईम्मुबासी, मा आथामबिलिम मुचुमिमलामका नाण्डुन्ला सोम्सिमुबासी। ^{२६} “नोआ बाईडाम थारीका दुस्ताम होडडा मिनीचो योमीमनेम वो दुम। ^{२७} नोआ कुबी-बोक्सागोनो मेहुथुमसम्म मुचुमिमका गुला पेतो-डुतोडा लेटिमडी, लालीकुन्दा बेम्डिम बाम्डी। मेकोतिलो डोक्पु होडकोर्मा योक्तामा खोत्ले मुचुमिमलाई लडुमी, मा सिम्डी। ^{२८} “लोत बाईडाम थारीका दुस्ताम होडडा ओराम सुम्दीसेरडा दुम, मुचुमिमका पेतो-डुतो लेटिमडी, भ्रेट्पा, भ्रेपा बेतोडा लेटिमडी, मा-कै खिलतो नुड नेम बनेबेतोडा लेटिमडी। ^{२९} लोतका सदोम शहर डिड्डुम थारीकडा पाह्रीलामका मु नुड गन्धक योक्तामा मेर्मिम खोत्ले मुचु ख्याम्डी। ^{३०} “मिनीचो योमिमनेम वो मेम्साकाडा मुचुमिम मेभोम्सिट्मी। ^{३१} मे नेम उहेम मुचु नेमकु कौसीडला बु मेराम मुचु ऊ खाण्ची माल्ला नेमगायु मेयोनु। मेम्साकाडा ऊ ये-दडा बाट्पा मुचु हाम-हुम माल्ला ऊ नेण्डा मेरोनु। ^{३२} लोतकु नाईमेलालाई हाम दुस्ताम बाईडा मिम्नी! ^{३३} उहेम मुचुका ऊ साम जुल्मु न बु मेरामका त्वारोम मेल्वासु। लोवो उहेम मुचुका आमा लागि ऊ साम फ्याक्सु मेरामका त्वारोम ल्वासु। ^{३४} गो गानीलाई ज्वाडु, मेराम सिन्था नले मुचु कोले प्लानडा अम्ल्याक्पा दुम्ची। माम्चुनीका कोलेलाई पाह्रीला लमी, मा

कोलेलाई डिन्जोल्मी। ^{३५} नले मेसेमका कोयोडा खुरुकडा फुल हिव्तोडा बेपा दुम्ची। कोलेलाई माम्चुनीका पाह्रीला लमी, मा कोडमीलाई डिन्जोल्मी। ^{३६} * [नले मुचु ये-दडा खारी बेतोडा बेपा दुम्ची, कोलेलाई माम्चुनीका पाह्रीला लमी, मा कोडमीलाई डिन्जोल्मी।”] ^{†३७} मेकोतिमा मे सीसिपामिमका येशूनुड हिलाबेम्डी, “डाचो, ओर्मिम ल्वा बान्ते दुम?” गुमीका मेर्मिमलाई ज्वाम्डी, * “गिद्धमिम खोम्सिमिलो मेसिन्डा सिनो दुम ज्वाक्पा छेखोप दुममिम होडडा मिनीचो योलो वो छेखोप दुम सो।”

कुदमार निया बेला सोसिपा वोचु सिपा मेसेमकु सीसि सोम्दी

१८ येशूकु उनी सीसिपामिमका हेल्लो लोवो सोम्दी बोमीनु, मा उनी पाउ मेसोनु ज्वाक्पा नका येशूका मेर्मिमनुड ओराम सीसि-सोम्दी ज्वाम्डी: ^२ “कोले शहरडा माम्चुनीकु डिम मेजुल्पा, मा मुचुमिमथो न मेसोक्पा निया बेपा मुचु बाईडा। ^३ मेराम शहरडाडा कोले अर्दोमे वो बाईडा। मे अर्दोमे उमाडा रोक्तामा ज्वाक्थाल्ला, ‘आमा स्वाक्चिमो मुचुनुड दुस्ताम रीबुसी ल्वाकु निया बेडसाडनीका।’ ^४ कोलेम-नलेम ने गुका मेराम मेसेमकु ल्वाडा मेथोसुवा। लावो चडडा ऊ नडडा मिम्स्ता, ‘गो माम्चुनीडाम वो मेडिडु, मा मुचुमिमथो वो न मेसोक्पु।’ ^५ लावो ओराम मेसेमका छोम दुखा ग्वाडिडिमका ओरामकु रीबुसी ल्वाकु निया बेउसाक्पु। मेएँ माला ने ओराम हेल्लो लोवो रोमा आमा बुई पु’।” ^६ मेकोतिमा येशूका ज्वाम्डी, “मेजोपा न-गोनुडमा निया बेपा मे मुचुलामका हाम-हुम ल्वा सीन्सिट्नी।” ^७ हाम नेम्फु सिन्था माम्चुनीकु नडडा सोम्दी बेपा उनी मुचुमिमकाम माम्चुनीका निया मेबोम्सामी मा? हाम मेर्मिमकाम लागि

†१७:३६ *ओराम पद माके-माकेम कोडनिम ग्रीक बाइबलडा मेडासी।

निया बोमु गुमी छुमी मा? ८ गो गानीलाई ज्वाडु, गुमीका दालाडा मेर्मिमकु निया बोमी। लावो मिनीचो सुबुडा यालो हाडको मुचुका गुडला थोरलुपा डारुमी मा?”

फरिसी नुड कर फक्पा मुचुकु सीसि-सोम्दी

९ त्वाप माम्चुनीकु न-गो होप्पाम बुडु ज्वाक्साका थोरलुपा मा वाडमिमलाई हाम ना हामकाम मिम्पा कोड मुचुलाई येशूका ओराम सीसि-सोम्दी ज्वाम्डी, १० “फरिसी नुड कर फक्पा मुचु सोरनेमगोडा सोम्दी बेण्डा लक्ची। ११ मे फरिसी येम्स्तामा आरे ज्वाक्तो सोम्दी बुडु, ‘माम्चुनी, गो गानीलाई आलासो ज्वाडु, हेडालोने गो वाडमिम मुचुमिम होप्पाम खुचुवा मेबुडु, मुचुमिमलाई मेजोपा मेबेउमी, मा नाम्सुर मेबेउ। मेम्मा ओराम कर फक्पा मुचु होप्पाम वो गो मेबुडु। १२ गो हप्ताका नक खेप उपास बुडु। गो रउमिम खउलुड खोत्लेकाम दशांश वो ग्वानिनी। १३ “लावो कर फक्पा मुचु ने होनोडा येम्स्तामा पाहीथो मेरेप्साका ऊ धक्ची डेप्तो ज्वाक्ता, ‘ए माम्चुनी, गोडला न-थोम रेम्बेनी।’ १४ “गो गानीलाई ज्वाडु, ‘मे फरिसी मेएँ, कर फक्पा मुचु माम्चुनीकु न-गो होप्पाम दुस्तामा ऊ नम र्लोस्ता। हेडालोने उहेम मुचुका ऊ त्वापलाई डोकपु मिम्सी मेरामलाई माम्चुनीका याक्के दुम्बेन्मी, मा ऊ त्वाप याक्के दुम्पा मुचु न माम्चुनीका डोकपु दुम्बेन्मी।”

येशूका चोच्चोमिमलाई जि ग्वाम्डिम

१५ येशूका उनी ल्वा जुल्साका जि ग्वामीनु ज्वाक्साका मुचुमिमका उनी चोच्चोमिमलाई उनीमाडा रेट्मिडी। लावो सीसिपामिमका ओराम ल्वाम्डीमा मेर्मिमलाई भुर्मिडी। १६ मेकोतिमा येशूका चोच्चोमिमलाई उनीमाडा

येट्मिडी, मा सीसिपामिमलाई ज्वाम्डी, “चोच्चोमिमलाई आमाडा रोमु ग्वाक्नी, मेर्मिमलाई मेभोप्नी। हेडालोने ओ चोच्चोमिम होडडा याक्के दुम्साका थोरलुपामिमडा माम्चुनीकु-किब्दीगोडा हुमु ल्वामी। १७ आच्छाडा गो गानीलाई ज्वाडु, “उहेम मुचुका चोच्चोकाम होडडा न बेसाका माम्चुनीडा थोर मेबु मेराम हेल्लो वो माम्चुनीकु-किब्दीगोडा हुमु मेल्वासु।”

खाप्चीचो

१८ कोले यहूदी डाऊका येशूलाई आरे ज्वाक्तामा हिलाबुडु, “ए जोपा डाचो, हेल्लो वो मेसिपा त्वारोम ल्वामु गो हाम बोमुबासी?” १९ येशूका मे डाऊलाई ज्वाम्डी, “गाना हेडो गोलाई जोपा ज्वानामिम? माम्चुनीडाम वाडमिम सु वो जोपा मेबुमी। २० गाना माम्चुनीकु ओर्मिम डुम्ला चना: ‘नाम्सुर मेबोमु, मुचु मेसेन्मु, मखुमु, मा वाडमिमनुड लिमा मेथेन्मु, मा त्वाकु माम-पापलाई डोकपु मिम्बुबासी।’ २१ गुका ज्वाक्ता, “ओमिम खोत्ले डुम्ला गो याक्के बाडडोलो आथामडा बेत्तोगेडडोम बु।” २२ ओराम ल्वा थोम्डीमा येशूका मेरामलाई ज्वाम्डी, “गाना आथावो कोले ल्वा बोमुबासिकपा बु। गानानुड बाट्पा खोत्ले ई खाप्ची भ्रुडामा उनी हाम मेबाट्पा मुचुमिमलाई मेराम खउलुड ग्वाकामी। मेम्मा पाहीला गाना खाप्ची ल्वाना, मा बिकामा, आमा चडचड लाम्दीया।” २३ लावो ओराम ल्वा थोस्तुमा मे यहूदी डाऊका ऊ डाली डस्तु, हेडालोने गुनुड छोम खाप्ची बाईडा। २४ मेकोतिमा मेरामका ऊ डाली डस्तुम येशूका ल्वाम्डी। मेम्मिमका गुमीका ज्वाम्डी, “खाप्चीचो ने माम्चुनीकु-किब्दीगोडा हुमु छोम छोपा दुम।” २५ चुल्बीकु ग्वाडलामका ऊंट लुमु छोमिम होडडा माम्चुनीकु-किब्दीगोडा खाप्चीचो हुमु छो।” २६ मेकोतिमा

सेर्पा मुचुमिमका ओराम ल्वा थोम्डीमा गुमीनुड हिलाबेम्डी, मेम माला उहेम मुचु सेल्सिमु चाप्सु मा?" २७ गुमीका ज्वाम्डी, "मुचुमिमका बोमु मेचापा खारी माम्चुनीका बामु चाम्मी।" २८ मेकोतिमा पत्रुसका ज्वाक्ता, "रेप्नी, गुकु खोत्ले आकी नेम-किम डिसाका इनी चडचड लाम्दीत्तोकोम बु।" २९ येशूका उनी सीसिपामिमलाई ज्वाम्डी, "आच्छाडा गो गानीलाई ज्वाडु, उहेम मुचुका माम्चुनीकु-किब्दीकाम लागि ऊ नेम-किम लोवो नाईमे लोवो वा-ल्वाक लोवो माम-पाप लोवो ऊ चोचोमिम लोवो डिडु, ३० मेरामका ओम्लो मे डिडुडुमडाम वो हापा ल्वासु, मा दिफु रोक्पा थारीका हेल्लो वो मेसिपा त्वारोम ल्वासु।"

येशूका उनी सिमुकु दुथाम सोम्डिम

३१ येशूका को-न(१२) उनी सीसिपामिमलाई कोर्थो लम्डीमा ज्वाम्डी, "रेप्नी, ओम्लो गुई यरूशलेमथो लक्तोडा लेडीमिम बु। माम्चुनीलाम-जेपामिमका मिनीचोकु दुथाम ज्वाम्डिम होडडा खोत्ले मेसिन्डा दुम। ३२ यहूदीमिमका गुलाई वाडसामिमकु ल्वाडडा ग्वामी, मा मेर्मिमका गुलाई नालेडान्नी, मेजोपा बोमी, मा थक्सी बेन्मी। ३३ मेर्मिमका गुलाई कोक्तेकु रिवाका याल्मी मा सेन्मी। लावो सुलेमनेम गु सिमुलाम बगे।" ३४ सीसिपामिमका ओराम ल्वा कोले वो थिसिमेथेटिमवा। ओराम ल्वाका हाम ज्वामु माल्लुम मेराम थक्साका जुल्मा बाईडा। गुमीका हामकु दुथाम ज्वाम्डिम मेराम ल्वा मेर्मिमका मेचम्वा।

मिक्सीका मेल्लापा मुचुलाई येशूका ल्वापा दुम्बेट्मडिम

३५ येशू यरीहो शहरडा रोम्थिम्डीलो मेसिन्डा मिक्सीका मेल्लापा कोले मुचु लाम्दी फार्डा गन्तासिड्डामा बित्तोडा लेडुडु। ३६ सेर्पा मुचुमिम मेरामकु फारभाल लक्तोडा लेट्पा थोस्तुमा, 'आसिन्डा हाम दुम्तोडा लेडु?' ज्वाक्तामा हिलाबुडु। ३७ मे मुचुमिमका मेरामलाई ज्वाम्डी, "नासरतडाम येशू ओभालडा लक्तोडा लेन्मी।" ३८ मेमिमका मेरामका आरे ज्वाक्तो डोक्पु लोलामका येस्ता, "ए येशू, *दाऊदकु चो, गोडला न-थोम रेम्बेनी!" ३९ डादो-डादो लाम्दीपा मुचुमिमका मेरामलाई लिबा बाया बेम्डीमा भुर्मिडी, लावो गुका मेरामडाम वो हापा डोक्पु लोलामका येस्तामा ज्वाक्ता, "ए दाऊदकु चो, गोडला न-थोम रेम्बेनी!" ४० येशूका मेराम मुचु येस्ताम थोम्डीमा येम्सिम्डी, मा मेराम मुचुलाई उनीमाडा फिन्बेटिमडी। मेकोतिमा मेराम मुचु उनी फार्डा रोक्तामा येशूका मेरामलाई हिलाबेम्डी, ४१ "गो ईमा लागि हाम बेउनु ज्वाक्पा ई न बु?" गुका ज्वाक्ता, "डाचो, गो आ मिक्सीका ल्वापा दुम्डुनु।" ४२ मेकोतिमा येशूका मेराम मुचुलाई ज्वाम्डी, "गाना ईमा मिक्सीका ल्वानानु। गोडला बेन्नाम ईमा थोरका नुबेट्नाम बु।" ४३ मेकोतिलोडा गुका ऊ मिक्सीका ल्वास्ल्याडुडु, मा माम्चुनीकु नड कोक्तो येशूकु चडचड लाम्दीडा। ओराम ल्वाम्डीमा खोत्ले मुचुमिमका वो माम्चुनीकु नड कोम्डी।

येशू नुड कर फक्पा जखायस

१६ येशू यरीहो शहर दुम्तो लक्तोडा बेम्डी। ३ मेराम शहरडा जखायस नडकाम कोले कर

† १८:३८ *ख्रीष्टकाम कोले नड

फक्पामिमकु डाऊ बाईडा। गु छोम खाप्चीनुडमा बाईडा।^३ गुका येशू सु रेछा ज्वाक्साका रेम्मु माल्तोडा लेड्डु, लावो गु कतिसोट्पा बाईडा, मा सेपा मुचुमिम बाम्डिमका गुका येशूलाई मेल्वासुवा।^४ मेम्मिमका येशूलाई रेम्मु लागि गु डादो-डादो लस्तामा कोले बैशसीकु धक्साडला हुडडा। हेडालोने येशू मेराम लाम्दीभालडा बिक्तोडा बेम्डी।^५ येशू मेसिन्डा रोम्फाम्डी, मा गुमीका जखायसथो रेप्मिडीमा ज्वाम्डी, “ए जखायस, दाला लुकामा योका, हेडालोने आनेप गो ईमा नेपडा बुमु बासिक्पा बु।”^६ गु लुकतामा योक्ल्याडडा। मेकोतिमा छोम गर्सिद्वक्तो गुमीलाई उमा नेपडा येड्डु।^७ मुचुमिमका ओराम ल्वाम्डीमा आरे ज्वाक्ता सुबुर्मा किन्मु चोम्मिडी, “ओराम येशू ने छलचोक्कु नेपडा बापडा लस्ता।”^८ मेकोतिमा जखायस येस्तामा डाचो येशूलाई ज्वाक्ता, “रेप्नी, डाचो, गो आमा को फ्वा खाप्ची उनी हाम वो मेबाट्पा मुचुमिमलाई ग्वाक्पुमी, मा कोडनिम मुचुलामका कर फमु थारीका लु-फेले बेसाका रउतोम बु माला गो मेरामकाम ब्ल गुणा रूलोक्साक्पु।”^९ मेकोतिमा येशूका मेरामलाई ज्वाम्डी, “आनेप गाना नुड ई नेपडाम खोत्लेडा सेल्सिटिनम बु, हेडालोने गाना वो *अब्राहामक्चो डा सो।^{१०} हेडालोने दाम्पा मुचुमिमलाई माल्मु नुड सेल्मु लागि मिनीचो योक्ताम सो।”

सोनाकु खउलुडकाम सीसि-सोम्दी

^{११} मे मुचुमिमका ओराम ल्वा थोत्तोडा बेम्डिलो येशूका मेर्मिमनुड सीसि-सोम्दी ज्वाम्डी। हेडालोने गुमी यरूशलेम फार्डाडा बाम्डी। मुचुमिमका माम्चुनीका साखाम थोमुडा खोप्मिडिम बु ज्वाक्पा मिम्मिडिम बाईडा।^{१२} गुमीका मेर्मिमनुड ज्वाम्डी, “कोले डोक्पु मुचु हप

थुम्सिमुमा रूलोम्सिमु लागि होनोवाम हपकाडा लमु न बुडु।^{१३} गुका को-धुम(१०) ऊ डुल्चोमिमलाई येड्डुमीमा खोत्लेलाई को कोले सोनाकु खउलुड ग्वाक्तुमी, मा ज्वाक्ता, ‘गो रूलोसिडुमा मेरोडुमिमसम्म ओरामका हापा खउलुड डुप्नी।’^{१४} “लावो ऊ नेब्दीडाम मुचुमिमका गुलाई मेद्वाम्थाल्मिवा। मम्मा होनोवाम नेब्दीडा आरे ज्वापडा सेलाचोमिमलाई थुमिडी, ‘ओराम मुचु आकी हप दुम्मु मेबासी सो।’^{१५} “गु हप दुस्तामा रोक्ताम चडडा गुका सोनाकु खउलुड ग्वाक्तुमिम डुल्चोमिमलाई उमाडा येन्बेड्डुमी। मेकोतिमा मेर्मिमका ब्यापार बेम्डीमा हाडको खउलुड डुप्मिडी ज्वाक्साका थोमु न बुडु।^{१६} “डादो कोले डुल्चो रोक्तामा आरे ज्वाक्ता, ‘डाचो, ईनी सोनाकु खउलुडका को-धुम हापा खउलुड डुम्तोम बु।^{१७} “हपका मेरामलाई ज्वाक्ता, ‘छ्यावा! गाना छोम जोपा डुल्चो, कतिकलडडाडा थोरलुईमिम दुम्ना, को-धुम शहरडला गाना साखाम थोपा दुम्ना।’^{१८} “मेकोतिमा कोडमी डुल्चो रोक्तामा आरे ज्वाक्ता, ‘हप, ईनी कोले सोनाकु खउलुडका डोले हापा खउलुड डुप्तोम बु।’^{१९} “हपका मेरामलाई ज्वाक्ता, जोपा बेन्ना गाना वो डोले शहरडा साखाम थोमु ल्वाना।^{२०} “कोडमी डुल्चो रोक्तामा आरे ज्वाक्ता, ‘डाचो, रेप्नी, ईनी सोनाकु खउलुड आसिन्डा बु। ओराम खउलुड गो रुमालडा बत्तोमा जुल्तोम बाईडा।^{२१} गो गानीडाम छोम डिड्डो, हेडालोने गानी सिपे-लेम्पेडा जुल्पा मुचु बुनी। गानी मेडुप्नीवाम खउलुड रनी, मा गानी त्वाका मेख्लिनिवाम मा-के वो रुम्नीमा लनी।^{२२} “हपका मे डुल्चोलाई ज्वाक्ता, ‘गाना ई सिलामका लुकताम ल्वालामकाडा गो मुमा बेनी, ए मेजोपा

^११६:६ अब्राहामका होडडा माम्चुनीडा थोरलुपा

न-गोनुडमा डुल्चो बाम आमा मेएँ मेराम रपा, मा हाम मेख्लिउवाम बु मेराम रपा गो आ न-थोम मान्थिम मुचु बुडु ज्वाक्साका गाना चनामडा बाईडा। २३ आमा सोनाकु खउलुड हेडा बैकडा मेजुल्साक्डिवा? गो रोडुलो ब्याजनुड ने मे खउलुड डारुवा नी। २४ “मेकोतिमा हपका ऊ फार्डा येम्सिक्पा मुचुमिमलाई ज्वाक्ता, ‘ओराम डुल्चोलामका मे सोनाकु खउलुड रोटनीमा को-धुम सोनाकु खउलुड बाटपालाई ग्वाक्नी।’ २५ मेर्मिमका हपनुड ज्वाम्डी, ‘डाचो, मेरामनुड ने को-धुम(१०) सोनाकु खउलुड बुथानी।’ २६ हपका ज्वाक्ता, ‘गो गानीलाई ज्वाडु, उहेम मुचुका मेर्मिमलाई ग्वाक्ता खारी जोहोमका बोमी, मेर्मिमका आथावो हापा डार्मी, लावो उहेम मुचुका हाम वो मेबोमी मेर्मिमकाडा बाटपा याक्के वो रोन्लासोम्सिमी। २७ गो मेर्मिमडला साखाम थोपुमिम मेद्व्वाक्पा मे आमा स्वाक्चिमो मुचुमिमलाई आसिन्डा रेटनी, मा मेर्मिमलाई आ डादोडा सेटनी।’”

येशू यरूशलेमगोनो हुम्डिम

२८ येशूका ओराम सीसि-सोम्डी ज्वामु दुम्डिमा गुमी यरूमलेमथो लम्डी। २९ गुमी जैतून पोपचड ज्वामु फार्डाम बेथफागे नुड बेथानिया देलडा रोम्थिम्डीमा गुमीका उनी सीसिपामिमगोडाम नलेलाई आरे ज्वाम्डीमा डादो थुर्सोम्डी, ३० “ईकी डादोनोम देलडा लक्ची। गाची मेराम देलगोनो हुची होडडा मेसिन्डा कोले गधाकु चो डार्ची। मेराम गधाकु चोडला ओम्लोसम्म सुवो मुचु हुडडाम मिबु। मेरामलाई डिचीमा आसिन्डा फिची। ३१ कोडनिम मुचुका ‘हेडा गधाकु चो डिन्चिमिम?’ ज्वाम्डीमा हिलाबेम्डी माला, ‘डाचोका ओराम चाहेबोमी ज्वाक्ची।’ ३२ मेकोतिमा मे

नले सीसिपाचिप लक्ची, मा गुमीका मेर्चिपलाई ज्वाम्डिम होम्साकाडा डार्थिक्ची। ३३ मेर्चिपका गधाकु चो डिन्मु खाप्चिलो मे गधाकु मुचुका मेर्चिपनुड हिलाबुडु, “गाची ओ गधाकु चो हेडा डिन्चिमिम?” ३४ मेर्चिपका ज्वाक्ची, “डाचोका ओराम चाहेबोमीमिम बु।” ३५ सीसिपाचिपका मे गधाकु चो येशूकाडा रेट्ची, मा उची हम-ये गधाकु चोडला हम्चीमा येशूलाई मंडला गट्ची। ३६ येशू येरूशलेमथो लाम्डीम्डीलो मुचुमिमका उनी हु-येमिम प्लुम्डीमा गुमी लाम्डीपा लाम्डीभाल हम्मिडी। ३७ येशू जैतून पोपचडधालुम लाम्डीडा रोम्थिम्डी। मेकोतिलो सेपा उनी सीसिपामिमका गुमीका बेम्डिम खोत्ले युमखारी ल्वाम्डिमका गेर्सिद्व्वाक्तो डोक्पु लोलामका माम्चुनीलाई आलासो ग्वाक्तो उनी नड कोम्मु चोम्मिडी। ३८ “मिप्रडमाकु नडडा योक्पा हप आलाकाम सो। माम्चुनी नुड मुचुकु न-गो भ्रसीनु मा पाहीला माम्चुनीकु युम-भवानु।” ३९ मेकोतिमा सेपा मुचुमिमगोलामका कोड-कोड फरिसीमिमका येशूनुड ज्वाम्डी, “ए डाचो, ईनी सीसिपामिमलाई आरे मेज्वाक्नी बेनीमा भुर्निमी।” ४० लावो येशूका मेर्मिमलाई ज्वाम्डी, “गो गानीलाई ज्वाडु, ‘ओर्मिम वाय-वाय बाम्डी माला ने लुडमिम वो येमीमा माम्चुनीकु नड कोमी।’”

यरूशलेमकु दुथाम येशू खाप्मिडिम

४१ येशू यरूशलेम फार्डा रोम्फाम्डी, मा मे शहर ल्वाम्डीमा खाप्मिडी, ४२ “गानी हाम बेनिवामा माम्चुनीकु न भ्रसी ज्वाक्पा यरूशलेमडाम मुचुमिमका चकिनवाम माला नुयावा। लावो ओम्लो ईनी मिक्सी ड्यास्ताम बु। ४३ गानीडला आरेप्पाम थारी रो, ईनी स्वाक्चिमो मुचुमिम ईनी शहरकु होनोला-आथोलाम ब्रोलुड

चिर्मा, मा गानीलाई बालाम वो स्वामु मेग्वानी। ४४ मेकोतिमा मेर्मिम मुचुका ईनी शहर फाल्मी, मा मेगोडा बाटपा गानी खोत्लेलाई सेनिमी। मेगोडा चिर्मा कोले लुड वो मेर्मिमका मेजुल्मी। हेडालोने माम्चुनीका गानीलाई सेल्ला योम्डिम जोपा थारीडा थोरलमु गानी मेद्वानीवा।”

सोरनेमगोडा येशू

४५ मेकोतिमा येशू सोरनेमगोने हुम्डी, मा भ्रेटपा मुचुमिमलाई मेलामका पाखा कोल्मिडी। ४६ मेम्मा गुमीका मेर्मिमलाई ज्वाम्डी, “माम्चुनीकु सीजेमडा ज्याक्मा बु, *‘आमा सोरनेम सोम्दी बेखोप नेम दुम’, लावो गानी ने ओराम नेमलाई *खुचुवामिमकु घ्रोम्खोप बुडखुम बनेबेन्निम बु।” ४७ मेकोतिमा येशूका हेल्लो लोवो सोरनेमगोडा सीन्थाल्मिडी। लावो डाऊ डुम्लाचोमिम, यहूदीकु डुम्ला सीपा पातुम्मीमिम मा यहूदीकु डाऊमिमिका गुमीलाई सेन्मु माल्थाल्मिडी।(यर्मिया ७:११) ४८ मेमडा लोवो मेर्मिमका गुमीलाई सेन्मु बासिक्पा ल्वा हाम वो मेडार्मिवा, हेडालोने खोत्ले मुचुमिमका गुमीका सीटिमडिम ल्वा न साक्साका जाहोमका थोम्थाल्मिडी।

यहूदीमिमकु डाऊमिमका येशूकु साखामकु दुथाम हिलाबेम्डिम

२० कोलेम येशूका सोरनेमगोडा मुचुमिमलाई सीत्तो नुड जोपा-सेला थोबेत्तोडा लेटिमडिम बाईडा। डाऊ डुम्लाचोमिम, यहूदीकु डुम्ला सीपा पातुम्मीमिम मा डाऊमिम उनीमाडा रोम्डी, २ मा मेर्मिमका गुमीनुड हिलाबेम्डी, “उहेम साखामका गाना ओराम खारी बेत्तोडा लेना, गानालाई ओराम साखाम सुका ग्वाना?” गुकुनुड ज्वाका। ३ येशूका मेर्मिमलाई ज्वाम्डी,

“गो गानीलाई वो कोले ल्वा हिलाबेऊ, मा गोलाई सीनी। ४ यूहन्नाका कु-रुदुम ग्वाक्पा साखाम माम्चुनीलाम ल्वास्तुम बाईडा डे मुचुमिमलाम डे?” ५ ओराम ल्वा थोम्डीमा मेर्मिमका उनी त्वाप-त्वापडा आरे ज्वा बोमु चोम्मिडी, “माम्चुनीका ज्वाक्ती माला, ‘गानी हेडा गुडला थोरमेलुनिवा?’ ज्वा ६ मुचुलाम ज्वाकी माला खोत्ले मुचुमिमका गुईलाई लुडका ओप्सामी हेडालोने यूहन्ना आच्छाडा माम्चुनीलाम-जेपा मुचु ज्वाक्साका मेर्मिमका थोर लुम्डिम बु।” ७ मेम्मिमका मेर्मिमका ज्वाम्डी, “यूहन्नाका बालामका साखाम ल्वास्तुम मेराम गुकु मेचकु।” ८ मेकोतिमा येशूका मेर्मिमलाई ज्वाम्डी, “मेम माला गो उहेम साखामका ओराम खारी बेत्तोडा लेट्पु ज्वाक्साका गानीनुड मेसीऊ।”

बोम्था बेपा मुचुमिमकु सीसि-सोम्दी

९ येशूका मुचुमिमनुड ओराम सीसि-सोम्दी ज्वाम्डी: “कोले मुचुका ऊ ये-दडा अडगुर खिल्युडु। मेम्मा बोम्था बेपा मुचुमिमलाई ग्वाक्जोल्लुमा हापा थकाम लागि गु वाडमीडा नेब्डीडा बाण्डा लस्ता। १० अडगुर प्रोन्मु थारीका ऊ ये-दकु मुचुका अडगुरकु दोदोवा माल्ला कोले ऊ डुल्चोलाई मे बोम्था बेपा मुचुमिमकाडा थुस्तु। लावो बोम्था बेपा मुचुमिमका मे डुल्चोलाई याल्मिडीमा मेरेडा थुसोम्डी। ११ गुका कोडमी डुल्चोलाई थुस्तु, लावो मेर्मिमका मेरामलाई वो ऊ साम्ती मेजुल्साका याल्मिडीमा मेरेडा थुसोम्डी। १२ गुका आथा वो कोडमी डुल्चोलाई मेर्मिमकाडा थुस्तु। लावो मेर्मिमका मेरामलाई वो छोम याल्मिडीमा खान्सोम्डी। १३ “मेकोतिमा अडगुर ये-दकु मुचुका मिम्स्ता, ‘गो हामबोमु’ गो छोम द्वाक्पुमिम आ तारापाचोलाई मेर्मिमकाडा थुरु। गुलाई

१ १६:४६ *यशैया ५६:७, *यर्मिया ७:११/

ने मेर्मिमका डोकपु मिम्मी डे।' १४ "लावो मे बोम्था बेपा मुचुमिमका मेरामकु तारापाचो बिकतोडा बेपा ल्वाम्डीमा उनी त्वाप-त्वापडा आरे ज्वा बेम्डी, 'होनो बिकतोडा बेपा मुचु ने अडगुर ये-द डार्पा ऊ चो सो। गुई मेरामलाई सेडी, मा खोत्ले ओर्मिम ये-द ईकीमाडा दुम।' १५ मेम्मिमका मेर्मिमका गुलाई अडगुर येलामका थुत्तो पाखा र्लुम्डीमा सेट्टिमडी। "ये-दकु मुचुका मेर्मिमलाई हे बूमी? १६ गु रोमा मे बोम्था बेपा मुचुमिमलाई सेडुमी, मा अडगुर ये कोडमीलाई डा ग्वाकुमी।" मुचुमिमका ओराम थोम्डीमा ज्वाम्डी, "आरेप्पाम हेल्लो वो मेदुम्नु।" १७ मेकोतिमा येशूका मुचुमिमथो रेप्ता ज्वाम्डी, "मेम माला माम्चुनीकु ओराम सीजेमका हाम ज्वामु मालुमिम? 'नेम बनेबेपा मुचुमिमका पामिडिम लुडडा नेमकु फारगोयुम डोकपु सुरलुड दुस्ता।' (भ.सं. ११८:२२) १८ उहेम मुचु मेराम लुडडला दुडु, मेराम मुचु स्याकारिसी, मा मेराम लुड कोडनिम मुचुडला आल्स्ता माला योपुडुमा सेडु।" १९ मेकोतिमा यहूदीकु डुम्ला सीपा पातुम्मीमिम नुड डारु डुम्लाचोमिमका ओराम सीसि-सोम्दी आकी कोर्थोलाम ज्वाक्तो लेन्मी ज्वाक्पा चम्डी। मेम्मिमका मेर्मिमका मेकोतिलोडा येशूलाई चुम्मु मालिमडी। लावो मे मुचुमिमडाम मेर्मिम डिम्डी।

रोमी हप कैसरलाई सोमु कर

२० मेर्मिमका खाप रेम्बालिमडी, मा मेर्मिमका थोरलुईमिम लिसिकपा चोबाचोमिमलाई येशूकाडा ल्वा खुपडा थुर्मिडी। येशूका जेमीमिम कोडनिम ल्वाडा लु-फेले बेसाका चुम्मुमा रोमी सरकारकु ल्वाडडा ग्वामुकाम बाम्डी। २१ मेकोतिमा मे ल्वा खुपा मुचुमिमका हिलाबेम्डी, "डाचो, गानी ज्वानीमिम नुड सीनिमिम ल्वा जोपा बु, मा

सुलाई वो चोमिक्सी मेबोनी, लावो आच्छाडा माम्चुनीकु लाम्दी सीनीमी ज्वाक्पा गुकु चकु। २२ गुकु रोमी हप कैसरलाई कर सोक्सी नु डे मेनु डे?" २३ लावो गुमीका मेर्मिमकु लु-फेले थ्रेसिथेटिमडीमा मेर्मिमलाई ज्वाम्डी, २४ "गोलाई कोले खउलुड रेम्बेटिडनी। आसिन्डा सुकु डाली नुड नड ज्वाक्पा बु?" मेर्मिमका ज्वाम्डी, "कैसरकाम।" २५ येशूका मेर्मिमलाई ज्वाम्डी, "मेम माला कैसरकाम कैसरलाई डा ग्वाक्नी, मा माम्चुनीकाम ने माम्चुनीलाई डा ग्वाक्नी। २६ मेम्मिमका मुचुमिमकु डादोडा मेर्मिमका येशूका जेम्डिम ल्वालाम चुम्मु मेचाप्पिवा। मेम्मा गुमीका ज्वाम्डिम ल्वा थोम्डीमा मेर्मिम डाडाय़ा दुम्साका बाम्डी।

सदुकीमिमका सिमुलाम बम्पो नुड लालीकुन्दाकु दुथाम येशूलाई हिलाबेम्डिम

२७ मेकोतिमा कोले-नले सदुकीमिम येशूकाडा रोम्डी। सिपा मुचु बगे ज्वाक्पा ल्वाडा मेर्मिम थोर मेलुम्थाल्मिवामका मेर्मिमका येशूनुड हिलाबेम्डी, २८ "डाचो, मोशाका गुईलाई डुम्ला ज्वाक्साड्डाम बाईडा, कोले मुचुकु ऊ वाका लालीकुन्दा बुडु, मा ऊ चो मेदुम्साकाडा सिडा माला, ऊ ल्वाकका मेरामकु नाईमेनुड लालीकुन्दा बेसाका ऊ वाकाम लागि वो चो कम्सामु बासी। २९ कोड नेपडा येतले(७) तारापा वा-ल्वाक बाम्डी। उनी वाका लालीकुन्दा बुडु लावो ऊ चो मेदुम्साकाडा सिडा। ३० मेम्मिमका ल्वाक माईलाका ऊ वा-देलमीनुड लालीकुन्दा बुडु, लावो गु वो सिडा। ३१ मेकोतिमा ऊ ल्वाक साईलाका वो वा-देलमीलाई लालीकुन्दा बुडु मा येतले(७) वामिम खोत्लेकाडा मे मेसेमनुड लालीकुन्दा बेम्डी। लावो खोत्लेकाम डा उनी चो-मा मेदुम्साकाडा

सिन्डी। ३२ चडडा मेराम मेसेम वो सिडा। ३३ मेमिमका सिमुलामका बग्मोमु नेम मेराम मेसेम मेर्मिमगोडाम उहेमकाम नाईमे दुम? हेडालोने मेराम खोत्लेकामडा नाईमे दुस्ताम बाईडा।” ३४ येशूका मेर्मिमनुड ज्वाम्डी, “ओ सुबुडा मुचुमिमका लालीकुन्दा बोमी, मा बोम्सामी। ३५ लावो सिमुलामका बक्सका पाह्नीथो लमु घेट्पा मुचुमिम ने मेम्साका लालीकुन्दा मेबोमी मा मेबोम्सामी वो। ३६ मेर्मिम पाह्नीचो होप्पामडा दुम्मी, मा मेसिमी। हेडालोने सिमुलामका बग्मोम्डिमका मेर्मिम माम्चुनीकु चो-चुसु सो। ३७ मुचुमिम सिमुलामका बग्मोमी ज्वाक्सका मोशाका घुपाम बाट्पा भुत्राकु दुथाम ज्याक्तुम ल्वाडा जोहोमका रेम्बुडुम बु। हेडालोने मिप्रडमालाई मोशाका ‘अब्राहामकु माम्चुनी, इसहाककु माम्चुनी मा याकूबकु माम्चुनी’ ज्वाक्ताम बु। ३८ गुमी सिपा मुचुमिमकु माम्चुनी मेएँ। लावो नुपा मुचुमिमकु माम्चुनी सो। हेडालोने उनीमा लागि खोत्ले मुचुमिम नुपा बुमी।” ३९ मेसिन्डा येम्तासिट्पा यहूदीकु दुम्ला सीपा पातुम्रीमिम कोड-कोडका ज्वाम्डी, “डाचो, गानी ज्वाक्निम जोपा डा।” ४० मेकोतिमा सुका वो गुमीलाई आथावो कोडनिम ल्वा हिलाबोमु डिन्डी।

ख्रीष्ट सुकु चो?

४१ येशूका मेर्मिमलाई ज्वाम्डी, “हेसाका मुचुमिमका ख्रीष्टलाई हप दाऊदकु चो ज्वामीमिम? ४२ हेडालोने कोमु काम्सोकु किताबडा दाऊद ऊ त्वाकाडा ज्वा, ‘मिप्रडमा माम्चुनीका आमा डाचो ख्रीष्टनुड ज्वाम्डी, ४३ ‘गो ईमा मिक्सीकु पीमिमलाई ई फेमखेलगोयु मेबेथुमसम्म गाना आमा जोपलामका बाया’।” ४४ आरेसाका

दाऊदका ख्रीष्टलाई ‘*डाचो ख्रीष्ट ज्वा मा हेसाका ख्रीष्ट ऊ चो दुस्ता मा?’ ४५ मेकोतिमा सेर्पा मुचुमिमका गुमी जेम्डिम थोम्डिम बाम्डीलो गुमीका उनी सीसिपामिमलाई ज्वाम्डी, ४६ “मोशाकु दुम्ला सीपा पातुम्रीमिमडाम चडचडया बानी वो, माम्चुनीकु लाम्दीडा लाम्दीपा होडडा ल्वाम्सिमु लागि क्वा लुपा हुम-ये फसिक्सका आनो-मेनो लाम्दीपा, मा मुचुमिमकु डादोडा सेव सान्लासोसिक्पा, ग्रांम्दीनेमडा डादोनेम डोकपु डाऊमिम गन्खोपडा गन्मु माल्पा, मा गुला पेखोपडाम डोकपु मुचु गन्खोपडा गन्मु माल्मी। ४७ मेर्मिमका अर्दोमेकु खाप्ची लु-फेले बोमीमा पोम्सामी, माम्चुनीकु लाम्दीडा ल्वांम्दीमु लिम्सिमु लागिछोम दुपा सोम्दी बोमी। माम्चुनीका मेर्मिमलाई छोम ईम्मु मेभापा देन्दे ग्वामी।”

अर्दोमेकु भेटी

२१ येशू सोरनेमगोनो बाम्डिलो खाप्चीचोमिमका मेसिन्डाम भेटी जुल्पा बाकसडा भेटी फिम्डिम ल्वाम्डी। २ मेकोतिमा कोले ऊ हाम वो मेबाट्पा अर्दोमे रोकतामा नक पैसा भेटी मेगोडा फिक्तुम वो गुमीका ल्वाम्डी। ३ ओराम ल्वाम्डीमा येशूका उनी सीसिपामिमलाई ज्वाम्डी, “आच्छाडा गो गानीलाई ज्वाडु, ओराम ऊ हाम वो मेबाट्पा अर्दोमेका खोत्लेडाम हापा भेटी फिक्तुम बु। ४ हेडालोने खाप्चीचोमिमका ने उनी त्वापलाई लिड्डुमीमा छलेस्ताम खउलुडगोडाम कतिकलड ग्वाम्डिम बु, लावो गु ने ऊ हाम वो मेबाट्पा बु मा वो गुनुड बाट्पा खोत्लेडा खउलुड ग्वाक्तुम बु।”

हुक्पाथारीकु छेखोपमिम

५ “जोपात्तो लुडकाम बनेबेम्मा सोरनेम नुड मुचुमिमका ग्वाम्डिम भेटीका

†२०:४४ * दाऊद हपका रोकपा मसिहलाई ऊ चो-चुसुडाम वो डोकपु मिम्डुम।

ब्ल्वाटिमडिम जोपा सोरनेमकु दुथाम
 येशूकु कोड-कोड सीसिपामिमका ल्वा
 बेत्तोडा लेटिमडी। मेकोतिलोडा येशूका
 ज्वाम्डी, ६ “कोलेम अरेप्पाम थारी
 रो, ओम्लो गानी ल्वातोडा लेनिमिम
 नेममिम स्वाक्चिमो मुचुमिमका खोत्लेडा
 फाल्मी, मा मेगोडा चिर्मा लुडमिम
 कोले वो मेदुम।” ७ मे सीसिपामिमका
 गुमीनुड हिलाबेम्डी, “डाचो, अरेप्पाम
 थारी हाम्सी रो? मा अरेप्पाम थारी
 रोमु खाण्डुलो हेप्पाम छेखोपमिम
 दुम?” ८ गुमीका मेर्मिमलाई ज्वाम्डी,
 “चडचडया बानी वो, सुका वो गानीलाई
 मेब्लोम्निमीनु। हेडालोने हापा मुचुमिम
 आमा नडडा, ‘गो डा ख्रीष्ट’ ज्वाक्तो
 रोमी। हुक्पाथारी रोक्पाडडाम बु ज्वामी
 लावो गानी मेर्मिमडला थोर मेलुनी
 वो। ९ मुचुमिम येपा-दुक्पा मा क्वाल्बा
 दुम्पा ल्वा थोनी लोवो गानी मेडिनी,
 हेडालोने हुक्पाथारी रोमु डादो अरेप्पाम
 दुम्मुडा बासी। मेकोतिलोडा सुम्दीसेर
 हुक्पाथारी ने मेरोल्या।” १० मेकोतिमा
 गुमीका मेर्मिम नुड आथा वो ज्वाम्डी,
 “उनी त्वाप-त्वापगोडाडा कोले सामा
 कोडमी सामानुड क्वाल्बा बु, मा कोले
 किब्दीका कोडमी किब्दीनुड क्वाल्बा
 बु। ११ छोम डोक्पु सुबुरुक्सीमिम लमी।
 बान्ते मेनो मा-के ह, मा लामासाम रो।
 धामुलामका छोम डिमलुपा ल्वा नुड
 युमखारी दुम। १२ “लावो ओर्मिम खोत्ले
 ल्वामिम दुम्मु डादो गानी आमा सीसिपा
 दुम्निमका मुचुमिमका गानीलाई चुम्नी,
 मा ईनी थोम तेर्मी। घोम्दीनेममिमबाडे
 रो-रोन्थुत्तो लनीमी मा भयालखानडा
 चनीमी। मेम्मा हपमिम नुड किब्दी
 साखामचोमिमकु डादोडा हिलाहिशी
 बेण्डा येम्सीबेनीमी। १३ लावो ईनीमा
 लागि आमा दुथाम मेर्मिमनुड सोपा जोपा
 थारी दुम। १४ मेम्मिमका ईनीमा लागि
 हाम सोम्बासी ज्वाक्साका मिन्ताम-
 सोर्ताम मेबेनी। १५ हेडालोने मेकोतिलोडा

गो गानीलाई नेप्ची ग्वानिनी। ईनी
 कोर्थोलाम बक्पा मुचुमिमका मेराम
 ल्वाकाम सि ख्लोमु मेचाम्मी मा ईनी
 कोर्थोलाम जेमु मेचाम्मी। १६ लावो ईनी
 त्वाकु माम-पाप नुड वा-ल्वाकमिम,
 ईनी मुचुमिम, मा ईनी डोप्सोमिमका डा
 वो गानीलाई चुम्बेनीमी, मा गानीगोडाम
 कोड-कोडलाई मेर्मिमका सेन्मी। १७ गानी
 आमा सीसिपामिम दुम्निमका खोत्ले
 मुचुमिमका गानीलाई मेद्वानी। १८ लावो
 ईनी कोरिप सेमडा वो हेवो मेदुम।
 १९ गानी गोडला थोर लुनीम बुनीमिमका
 डा त्वारोम डार्नी। २० मेकोतिमा
 यरूशलेम शहरकु होनोलाम-आथोलाम
 सिपाहीमिम खोम्सिमिमि ल्वानीलो
 मेराम शहर सेकारिमिसु खाण्डु रेछा
 ज्वाक्साका गानी चनी।” २१ मेकोतिमा
 यहूदिया इलाकाडा बाट्पा मुचुमिम
 पोण्डचथो स्वामीनु। यरूशलेम शहरगोनो
 बाट्पा मुचुमिम पाखाथो स्वामीनु, मा
 शहरकु होनो आथोम देलडा बाट्पा
 मुचुमिम शहरगोनो मेहुमीनु। २२ हेडालोने
 ओराम थारी माम्चुनीका मुचुमिमलाई
 देन्दे ग्वाक्पा थारी सो। आरसाका
 माम्चुनीकु सीजेमडा ज्वाक्सा खोत्लेडा
 रोथी। २३ मेराम थारीका गोजुमे दुम्पा
 नुड याक्के चोचोमिमलाई दुदु थोपा
 मेसेममिम ने नाम्नाम्चो! हेडालोने ओराम
 बायडाम खोत्ले मुचुमिमका दुखा
 ल्वामी, मा ओर्मिमलाई माम्चुनीका
 छोम ईम्मु मेचापा देन्दे ग्वामी। २४ उनी
 स्वाक्चिमो मुचुमिमका मेर्मिमगोडाम
 कोडनिमलाई कातुरुका फल्मी, मा
 कोडनिमलाई बन्मीमा सुबुडाम नेब्दीडा
 लमी। मेकोतिमा वाडसामामिमकु उनी
 थारी मेहुक्थुमसम्म मेर्मिमका यरूशलेम
 शहरलाई फाल्मी मा साखाम थोमी।
 २५ ख्लोमु, नेमसुड मा सोरलुडमिमगोडा
 हेल्लो वा मेल्वाम्मा छेखोपमिम दो।
 मेम्मा दिरिदिनडाम कुकु बाबारिम नुड
 ब्लोजुका सुबुडाम खोत्ले मुचुमिम

डिमी मा मिन्ताम-सोर्ताम बोमी।
 २६ हेडालोने माम्चुनीका धामुलाम
 सोरलुडमिमलाई रुबेन्मीमिमका
 सुम्दीसेरडा हाम दुम्मु खाण्डुम ज्वाक्पा
 डिमुका उनी मुचुमिम न ना थोमकाम
 दुम्मी। २७ मेराम थारीका मिनीचो यम नुड
 यम-भवाक्सीडा खासेडला योक्तोडा
 बेपा मेर्मिमका ल्वामी। २८ मेम्मिमका
 ओर्मिम ल्वा दुम्मु चोम्डुमेरे गानी मेडिनी।
 मेकोतिमा बक्नीमा गेलें रेप्नी, हेडालोने
 गानी सेल्सिट्पा थारी रोक्फाड्डाम
 दुम। २९ मेकोतिमा येशूका उनी
 सीसिपामिमनुड ओराम सीसि-सोम्दी
 ज्वाम्डी: “बैशसीकु धक्सा नुड वाडमिम
 खोत्ले धक्सामिमलाई रेप्नी, ३० मेर्मिमकु
 लिम ओण्डुलो ग्वाल थारी रोक्फाड्डाम
 ज्वाक्पा गानी चनी। ३१ मेम्साकाडा
 ओर्मिम ल्वा दुम्मु चोम्डुमिम ल्वानीलो
 माम्चुनीकु-किब्दी रोमुडा खाप्सु
 ज्वाक्साका चनी। ३२ “आच्छाडा गो
 गानीलाई ज्वाडु, आथाम बिलिम
 मुचुमिम दाम्मु डादो आरेप्पाम खोत्ले
 ल्वामिम दुमन। ३३ सुबु नुड धामु दाम्मा
 ल, लावो आमा सीजेम दाम्मा मेल।
 ३४ गानी चडचडया बानी, भ्रपा-भ्रपा पेतो
 नुड डुका सेसाका मा ईनी मिरोमकाम
 लागि मिन्ताम-सोर्ताम बेपा मेदुम्नी।
 मेम बेन्नी माला ने हादीबारामिम पेरडा
 हुमीमिम होडडा निया दुम्पा थारी
 कोचोत्ति गानीडला रो। ३५ हेडालोने
 सुबुडा बाट्पा खोत्ले मुचुमिमडला
 मेराम थारी मेम्साकाडा रो। ३६ लावो
 आरेप्पाम खोत्ले ल्वामिमडाम वाड
 दुम्साका मिनीचोकु डादोडा येम्सिमु
 चामु लागि चडचडया बात्तो सोम्दी
 बेनिम बानी।” ३७ हेल्लो लोवो येशूका
 नेम्फु सोरनेमगोडा सीन्थाल्मिडी।
 मेम्मा हेल्लो लोवो सिन्था ने जैतून
 ज्वाक्पा पोप्चडडला नेम सोसोसम्म
 बाण्डा लम्थाल्मिडी। ३८ खोत्ले मुचुमिम

उनी सीजेम थोण्डा नेम सोसोकाडा
 सोरनेमगोडा रोम्थाल्मिडी।

यहूदाका येशूलाई भ्रेड्डुम

२२ लडखाम मान्थिम सोबेम पेपा
 चाडकु थारी रोक्फाड्डाम
 बाईडा। ओरामलाई ख्वामल्यामु नेमकु
 चाड वो ज्वाकी। २ डाऊ डुम्लाचोमिम
 नुड यहूदीकु डुम्ला सीपा पातुम्मीमिमका
 येशूलाई हेसाका सेन्मु ज्वाक्साका
 खाप रेथाल्मिडी, लावो मुचुमिमडाम
 मेर्मिम डिम्थाल्मिडी। ३ मेकोतिमा
 को-न(१२) सीसिपामिमगोडाम कोले
 यहूदा इस्करियोत ज्वाक्पा मुचुगोडा
 शैतान हुडडा। ४ मेम्मा हेसाका येशूलाई
 मेर्मिमकु ल्वाडडा चुम्बेन्मु ज्वाक्साका
 डाऊ डुम्लाचोमिम नुड सोरनेम लपा
 कप्तानमिमकाडा लस्तामा मुलु बुडु।
 ५ मेर्मिमका ओराम ल्वा थोम्डीमा
 गेर्सिद्वाम्डी, मा गुलाई खउलुड ग्वाक्पा
 दुम्मिडी। ६ यहूदा वो बिस्ता, मा सेर्पा
 मुचुमिम मेदुम्मीमिम थारीका येशूलाई
 चुम्बेट्पा खाप रेम्मु चोम्डु।

येशूकु गुला

७ लडखाम मान्थिम सोबेम पेपा
 थारीकु चाड रोक्ता, मेराम नेम
 ख्वामल्यामु नेमकु चाडकाम लागि
 भेन्दाकु चो सासेन्थाल्मिडी। ८ येशका
 पत्रस नुड यहून्नालाई आरे ज्वाम्डीमा
 थुर्मिडी, “लक्वीमा ईकीमा लागि
 ख्वामल्यामु नेमकु चाडकाम गुला
 खोक्जोल्ची खाण्डुल्ची।” ९ मेर्चिपका
 गुमीनुड हिलाबेच्ची, “गुचुकु गुला बान्ते
 खोक्जोल्चुकुमिम?” १० गुमीका मेर्चिपलाई
 ज्वाम्डी, “गाची यरूशलम शहरगोनो
 हुतोडा बोचिलो गाग्रीडा कु कुर्पाथाट्पा
 कोले मुचुका गाची डार्ची। गु हुमिम नेण्डा
 ऊ चडचड लक्वी, ११ मा गाची मेराम
 नेमहपलाई ज्वाक्ची, ‘डाचोका गानीनुड
 हिलाबेम्डिम बु, उनी सीसिपामिमनुड’

ख्वाम्ल्यामु नेमकु चाडकाम गुला पोमु लागि बोच्चो बाखोप बान्ते बु?'
 १२ मेकोतिमा मे नेम हपका गाचीलाई गन्खोप, पेखोप नेमडलाम डोक्पु बाखोप रेम्बेन्ची, मा गाची मेसिन्डाडा गुला खोक्ची।" १३ मेर्चिप लक्ची, मा येशूका ज्वाम्डिम होडडा डार्ची। मेम्मा मेर्चिपका ख्वाम्ल्यामुकु चाडकाम गुला खोक्ची। १४ गुला पोमुथारी दुस्तामा येशूका उनी थुर्मासिमनुड गुला पेण्डा गन्मिडी। १५ गुमीका मेर्मिमनुड ज्वाम्डी, "गो दुखा ल्वामु डादोडा ख्वाम्ल्यामुकु चाडकाम गुला गानीनुड पोमु छोम आमा न बाईडा। १६ हेडालोने गो गानीलाई ज्वाडु, माम्चुनीका किब्दी थोमीलो ओराम गुलाका रेम्बोमु मालुमिम ल्वा होडडा मेरोक्थुमिसम्म आथाडा आनो गो ओराम गुला मेपेऊ।" १७ मेकोतिमा येशूका अङ्गुरकु कुनुडमा कान्चुरे कोम्डीमा माम्चुनीलाई आलासो ग्वाम्डी, मा उनी थुर्मासिमलाई ज्वाम्डी, "ओराम रनी, मा ओलामकाडा खोत्लेका डुनी। १८ हेडालोने गो गानीलाई ज्वाडु, माम्चुनीका साखाम मेथोथुमसम्म आथाडा आनो गो अङ्गुर कु मेडु।" १९ मेकोतिमा गुमीका सोबेम भेटिमडीमा माम्चुनीलाई आलासो ग्वाम्डी, मा मे सोबेम चम्डी। मेम्मा उनी थुर्मासिमलाई आरे ज्वाक्तो गाम्डी, "गो ईनीमा लागि ग्वाक्पुमिम ओराम आमा मिरोम सो। गोलाई मिम्डिनीमा ओराम पेनी।" २० गुला पेम्डीमा येशूका अङ्गुरकु कुनुडमा कोडमी कान्चुरे कोम्डीमा उनी सीसिपामिमनुड ज्वाम्डी, "ओराम कान्चुरे आमा सिसिका माम्चुनीनुड उनी मुचुमिमकाम लाले सोरखेप्पा सो, मेराम ईनीमा लागि सासेसाका हासी सो। २१ "लावो रेप्नी, गोलाई चुम्बेट्पा मुचु गोनुडडा पेण्डा गन्डाम बु। २२ हेडालोने माम्चुनीका मुलु बेम्डिम होम्साका मिनीचो ने सिमुडा बासी, लावो गुलाई

भ्रेट्पा मेराम मुचुलाई ने माम्चुनीका ईम्मु मेभापा देन्दे ग्वामी।" २३ ओराम थोम्डीमा थुर्मासिमका आरेप्पाम खारी बेपा मेर्मिमगोडाम मुचु सु? ज्वाक्साका उनी त्वाप-त्वापगोडा हिलाबेबोमु चोम्मिडी। २४ मेर्मिमगोडाम खोत्लेडाम डोक्पु सु बु ज्वाक्साका सीसिपामिमका उनी त्वाप-त्वापगोडा रीबुसी किन्नु चोम्मिडी। २५ येशूका मेर्मिमलाई ज्वाम्डी, "सुम्दीसेरडाम मुचुमिमकु हपमिमका मेर्मिम मुचुलाई उनी ल्वाडा जुल्मी, मा मे उनी ल्वाडा जुल्पा साखामचोमिमका 'मुचुमिमलाम जोपा' ज्वालासोम्सिमी। २६ लावो गानी ने आरेप्पाम मेदुम्नी। गानीगोडाम उहेम मुचु डोक्पु बु मेराम याक्के दुम्नु, मा डाऊ दुम्पा मुचु ने दुल्चो दुम्नुबासी। २७ पेण्डा गन्पा नुड चापे-डुपे बेपा मुचुचिपगोडा उहेम डोक्पु मुचु दुम? गुला पेण्डा गन्पा डा डोक्पु मेँ मा? लावो ईनी थेतेटा गो चापे-डुपे बेपा मुचु होप्पाम डा बुडु। २८ "गानी आमा दुखाडा थोरलुईमिम दुम्निम बु। २९ हेसाका आमा माम्चुनीका गोलाई हप दुम्बेटिडडिमिम बु, गानीलाई गो वो मेम्साकाडा हप दुम्बेनिनी। ३० मेकोतिमा गो किब्दी थोपुमिम थारीका गानी गोनुडडा पोनी-डुनी, मा हपकु गन्खोपडा गन्साका माम्चुनीकु मुचुमिमडला गोनुड साखाम थोपा दुम्नी।

पनुसकु नाण्डुसीकु दुथाम येशूका सोम्डिम

३१ मेकोतिमा येशूका ज्वाम्डी, "सिमोन, ए सिमोने थोसा, खारीचोमिमका उनी जेप्सेर स्यामीमिम होम्साकाडा शैतानका गानीलाई स्यामु लागि माम्चुनीनुड ज्वाक्ताम बु। ३२ लावो गाना गोडला थोरलुमुम बुमु मेडिडा ज्वाक्साका गो ईमा लागि सोम्दी बेउतोम बु। गाना आमाडा रोकामा गानानुड लाम्दीपा सीसिपामिमका गोडला

थोरलुमु लागि उनी सो हन्बेसाडामी।”
 ३३ मेकोतिमा पत्रुसका ज्वाक्ता, “डाचो,
 गो गानीनुडडा भयालखान लमु मा
 गानीनुडडा सिमुडा लोवो चापु। ३४ लावो
 येशूका ज्वाम्डी, “पत्रुस आच्छाडा
 गो गानालाई ज्वाडु, “गाना गोलाई
 सुकखेपसम्म मेछेपु मेज्वानामिमसम्म
 थामा नेमसोसोका स्वारेपो मेओ।”
 ३५ मेम्मा येशूका मेर्मिमनुड हिलाबेम्डी,
 “गो गानीलाई जोपा-सेला थोडेडडा
 खउलुड, फाजी, नुड सोलोप मान्थिडा
 थुर्निनीलो गानीलाई हाम-हुमकाम खेरेला
 दुस्ताम बाईडा?” सीसिपामिमका
 ज्वाम्डी, “मेदुप्सावा।” ३६ गुमीका
 ज्वाम्डी, आथाडा आनो उहेमनुड
 फाजी बु मेरामका फाजी कुर्नु मा
 खउलुड बाटपाका खउलुड कुर्नु। मेम्मा
 उहेमनुड कातुर मिबु मेरामका ऊ हुम-ये
 भ्रसाका लोवो कातुर भ्रयेनु। ३७ हेडालोने
 “गुमी ख्ल्याम्याचोर्मिमनुड डार्सिम्डी
 ज्वाक्साका माम्चुनीकु सीजेमडा आमा
 दुथाम ज्याक्मा ल्वा रोक्थिट्पा थारी
 रोक्ताम बु। आच्छाडा आमा दुथाम
 ज्वाक्मा खोत्ले ल्वामिम रोक्थित्तोडा
 लेडु।” ३८ मेकोतिमा सीसिपामिमका
 ज्वाम्डी, “रेप्नी, डाचो आसिन्डा नले
 कातुर बु।” येशूका ज्वाम्डी, “मेकोतिडा
 बुनु।”

जैतून पोप्चडडला येशूका सोम्दी बेम्डिम

३६ उनी बादुखाम होम्साकाडा
 येशू शहरलामका लुम्डीमा जैतून
 पोप्चडडला लम्डी, मा उनी
 सीसिपामिम वो गुमीनुडडा लम्डी।
 ४० मेसिन्डा रोम्थिम्डीमा गुमीका उनी
 सीसिपामिमलाई ज्वाम्डी, “मेजोपा
 ल्वालाम ईनी न-मेछाम्सीनु ज्वाक्साका
 सोम्दी बेनी। ४१ मेकोतिमा येशू
 सीसिपामिमडाम सुक-धुम (३०)
 मीटर को-को भाल लम्डीमा ऋचुखुम

बेसाका सोम्दी बोमु चोम्मिडी, ४२ मा
 गुमीका ज्वाम्डी, “माम्चुनी, गानी न
 बोनी माला ओराम दुखाकु कान्चुरे
 गोलामका हेम्साडनी। लावो आमा न
 होम्साका मेएँ, ईनी न होम्साका बेनी।”
 ४३ मेकोतिमा पाह्नीलामका कोले पाह्नीचो
 योक्तामा येशूलाई सो ग्वाक्तु। ४४ येशू
 छोम मेभ्रम्सिप्मिवा, मा छोम सोम्दी
 बोमु चोम्मिडी, मा सिसिकु थप्का
 चाप्सुमिम होडडा बेपा उनी ग्वाल
 क्वायु चाप्तोडा लेडुडु। ४५ येशूका
 सोम्दी बेम्डीमा उनी सीसिपामिमकाडा
 रोम्डीलो मेर्मिम उनी न-गो मेभ्रसावामका
 अम्ल्याक्पा डार्मिडी। ४६ गुमीका
 मेर्मिमलाई हिलाबेम्डी, “गानी हेडा
 अम्ल्यानीमिम? बक्नी, मा गानीडला
 मेजोपा ल्वाका ईनी न मेछाम्सीनु
 ज्वाक्साका सोम्दी बेनी।

येशू चुम्मिडिम

४७ येशू उनी सीसिपामिमनुड जेतोडा
 बेम्डिलो मेसिन्डा सेर्पा मुचुमिम रोम्डी।
 को-न (१२) उनी सीसिपामिमगोडाम
 यहूदा ज्वाक्मा ने मेर्मिमकु डादो-डादो
 रोक्ता। येशूलाई *चुप्पा बोमु लागि
 मे यहूदा उनी फार्डा रोक्ता, ४८ लावो
 येशूको मेरामलाई ज्वाम्डी, “यहूदा
 हाम गाना मिनीचोलाई चुप्पा बेसाका
 भ्रेनामिम? ४९ मेसिन्डा हाम दुम्मु खाप्डुम
 बाईडा मेराम ल्वाम्डीमा येशूक फार्डा
 बाटपा सीसिपामिमका ज्वाम्डी, “डाचो,
 हाम गुकु कातुरका फल्कुमी?” ५० मे
 सीसिपामिमगोडाम कोलेका डोक्पु डाऊ
 दुम्लाचोकु दुल्चोकाम जोपलाममिम
 ऊ नोफला फल्साडुडु। ५१ लावो येशूका
 मेर्मिमलाई ज्वाम्डी, “आरे मेबेनी।”
 मेकोतिमा गुमीका मेराम दुल्चोको नोफला
 लुप्मिडीमा सबेटिमडी। ५२ येशूलाई
 चुम्डा रोक्पा डाऊ दुम्लाचोमिम, सोरनेम
 लपा कप्तानमिम, मा डाऊमिमलाई

†२२:४७ *सेव सान्नु।

गुमीका ज्वाम्डी, “हाम गो कोर्थोलाम बक्पामिमकु डाऊ मा? गानी गोलाई चुम्डा कातुरुमिम नुड डुलुम्चोमिम रेट्नीमा रोकिनम? ५३ हेल्लो लोेवो गो गानीनुडडा सोरनेमगोडा बाडडोलो गोलाई मेचुम्डिनवा। शैतानक न होडडा खारी बेपा ओराम ईनीमा थारी सो।

पत्रुसका येशूलाई मेछेपु ज्वाक्ताम

५४ मेर्मिमका येशूलाई चुम्मिडीमा डोकुपु डाऊ डुम्लाचोकु नेण्डा लम्डी। पत्रुस ने होनोवा बासाका येशूकु चडचड लस्ता। ५५ मेसिन्डा मुचुमिमका देल्फुकु थेतोडा मु होटिमिडीमा जुत्तोडा लेटिमिडी। पत्रुस वो लस्तामा मेर्मिमनुडडा गन्डा। ५६ कोले डुलुचोमेका पत्रुस मुकु ओलका गन्तासिट्पा ल्वास्तुमा जोहामका रेप्तो ज्वाक्ता, “ओराम मुचु वो येशूनुडडा बाईडा।” ५७ लावो पत्रुसका आरे ज्वाक्तामा गो ने मेएँ ज्वाक्ता, “ए तोडमा, गुमीलाई गो मेछेपुमी।” ५८ घरिकोडका कोले मुचुका पत्रुसलाई ल्वास्तुमा ज्वाक्ता, “गाना वो येशूनुड लाम्दीपा मुचुमिमगोडाम कोले सो।” लावो पत्रुसका ज्वाक्ता, “ए वाआ, गो ने मेएँ।” ५९ को घण्टा को-को चडडा कोलेका छल्लाम फिस्तामा ज्वाक्ता, “आच्छाडा ओराम मुचु येशूनुड लाम्दीपामिमगोडा बाईडा। हेडालोने ओराम मुचु गालीलडाम डा रेछा।” ६० लावो पत्रुसका ज्वाक्ता, “गानी हाम सोत्तोडा लेनी वाआ, गो ने मेचक्पु। पत्रुस जेतोडा बुडुलो स्वारेपो ओक्ता। ६१ मेकोतिलोडा डाचो येशू रूलोसिमिडीमा पत्रुसलाई रेप्मिडी। “थामा नेमसोसोका स्वारेपो ओमु डादो गाना गोलाई सुक खेप मेछेपु ज्वाना” ज्वाक्साका येशूका गुलाई ज्वाम्डिम ल्वा पत्रुसकु नडडा

रोक्ता। ६२ मेम्मिमका पत्रुस देल्फूलामका लुक्तामा लस्ता, मा हुला खाम बुडु।

येशूलाई नाले डाटिमडिम

६३ येशूलाई लपा सिपाहीमिमका गुमीलाई नाले डान्मु नुड याल्मु चोम्मिडी। ६४ मेर्मिमका येशूकु मिक्सी येका ड्याम्सम्डीमा हिलाबेम्डी, “गाना माम्चुनीलाम-जेसा, गानालाई सुका याल्ना?” ६५ मेकोतिमा मेर्मिमका गुमीलाई वाडमिम हापा ल्वालामका डक्साका जेम्डी।

डोकुपु ग्रोम्दीकु डादोडा येशू

६६ नेम सोडडामा मुचुमिमकु डाऊमिम, डाऊ डुम्लाचोमिम, मा यहदीकु डुम्ला सीपा पातुम्रीमिम कोदेप खोम्सिमिडीमा येशूलाई उनी *डोकुपु ग्रोम्दीडा रेटिमिडी। ६७ मेम्मा गुमीलाई ज्वाम्डी, “गाना ख्रीष्ट माला गुकुनुड सोया।” गुमीका मेर्मिमलाई ज्वाम्डी, “गो गानीनुड सोउ लोवो गानी गोडला थोर मेलुनी। ६८ गो गानीनुड हिलाहिंसी बेउतो माला गानी गोनुड हाम वो मेसोनी। ६९ लावो आथाडा आनो मिनीचो युमनुडमा माम्चुनीकु *जोपलाम गन।” ७० मेकोतिमा मेर्मिम खोत्लेका हिलाबेम्डी, “हाम गाना माम्चुनीकु चो?” गुमीका मेर्मिमलाई ज्वाम्डी, “गानी ज्वानीमिम डा सो गो।” ७१ मेर्मिम खोत्लेका ज्वाम्डी, “गुईलाई ओराम मुचुकु कोर्थोलाममिम ल्वाकु दुथाम सोपा वाडमिम सु वो मेबासो। हेडालोने गुई ऊ त्वाकु सिलामका डा जेस्ताम थोस्ल्याड्डी।”

पिलातस नुड हेरोदकु डादोडा येशू

२३ मेकोतिमा डोकुपु ग्रोम्दीडाम खोत्ले मुचुमिम बम्डीमा येशूलाई पिलातसकाडा रेटिमिडी।

†२२:६६ *

†२२:६६ *भ.सं.११०:१

३ मेर्मिमका गुमीलाई आरेसाका मुमा बेत्तो पिलातसनुड ज्वाम्डी, “ओराम मुचुका आकी मुचुमिमलाई रोमी सरकारकु कोर्थोलाम कोस्तुमिम गुकु डार्तोको। ओरामका कैसरलाई कर मेसोक्नी ज्वामा गुकुलाई भोम्की, ऊ त्वाप ने ख्रीष्ट, हप ज्वा।” ३ मेम्मिमका पिलातसका येशूनुड हिलाबुडु, “हाम गाना यहदीमिमकु हप?” गुमीका ज्वाम्डी, “गानी ज्वाकिनम होडडा सो।” ४ पिलातसका डाऊ डुम्लाचोमिम नुड सेर्पा मुचुमिमलाई ज्वाक्ता, “ओराम मुचुका मेजोपा खारी बुडुम गो हाम वो मेडारु।” ५ लावो मेर्मिमका छोम येत्तो ज्वाम्डी, “ओराम मुचुका गालील नुड खोत्ले यहूदियाडाम नुड गालीललामका ओ यरूशलेमसम्म मुचुमिमलाई सीसाका कोक्तोडा लेडु।” ६ पिलातसका ओराम थोस्तुमा, “हाम गु वो गालीलडाम मुचु डा” ज्वाक्तामा हिलाबुडु। ७ मेकोतिमा पिलातसका येशू हेरोद अन्तिपासकु इलाकाडाम रेछा ज्वाक्पा चडुमा येशूलाई हेरोदकाडा थुस्तुमी। मेकोतिलो हेरोद यरूशलेमडाडा बाईडा। ८ येशूलाई ल्वास्तुमा हेरोद छोम गेर्सिदवाक्ता। हेडालाने गुका उनीमा दुथाम थोस्तुमका हापा डादो आथाम गुमीलाई क्रोम्मु, मा गुमीका बेम्डिम हेल्लो मेल्लाम्मा खारी रेम्मु न बुडुम बाईडा। ९ गुका येशूनुड हापा डा हिलाबुडु, लावो येशूका गुनुड हाम वो मेज्वाक्मिवा। १० मेकोतिलोडा डाऊ डुम्लाचोमिम नुड यहूदीकु डुम्ला सीपा पातुम्रीमिम बम्डीमा येशूलाई मुमा बेन्मु चोम्मिडी। ११ मेम्मा हेरोद हप नुड ऊ सिपाहीमिमका येशूलाई डक्साका जेम्डीमा नाले डाटिमडी। मेम्मा गुमीलाई हपकु ये-सेम फबेडुमा पिलातसकाडा डा ख्लोकसोडुडु। १२ डादो पिलातस नुड हेरोद मेदुथालिचवा। लावो मेनेम आथाम मेचिपकु न-थोम घोम्स्ता। १३ मेकोतिमा

पिलातसका डाऊ डुम्लाचोमिम, यहूदीमिमकु डाऊ, मा मुचुमिमलाई खोप्टुमी। १४ मेम्मा मेर्मिमलाई ज्वाक्ता, “गानी ओरामका रोमी सरकारकु कोर्थोलाम मुचुमिमलाई कोस्तुमी ज्वाक्साका आमाडा रेटनी। ओरामलाई गो ईनी डादोडाडा हिलाहिसी बेउतो लोवो गानी ओरामलाई मुमा बेटिनम ल्वा मेडारुवा। १५ हेरोदका वो ओराम मुचुलाई मुमा बेन्मु बासिकपा ल्वा हाम वो मेडारुवा। मेम्मिमका गुका ओराम मुचुलाई ईकीमाडाडा ख्लोक्सोक्तु। रेन्नी, सिमु घेटपा खारी येशूका हाम वो बुडुम मिबु। १६ मेम्मिमका गो ओरामलाई कोक्तेकु रिवाका यालुमा डिसोक्पु।” १७ * [ख्वाम्ल्यामु चाडकाम थारीका यहूदीमिमकाम लागि कोले चक्मा मुचु पिलातसका डिन्नु बास्थाल्ला।] १८ मेर्मिम खोत्ले कोड सि दुम्साका छोम येम्डीमा ज्वाम्डी, “येशूलाई सेटनी, मा आकीमा लागि बारब्बालाई डिन्सोटीनी।” १९ बारब्बाका ने यरूशलेम शहरडा रोमी सरकारकु कोर्थोलाम बक्तामका नुड मुचु सेडुडुमका चम्डिम बाईडा। २० पिलातसका येशूलाई डिसोट्पा न बुडुमका गुका आथा वो ज्वाक्ता, २१ लावो मेर्मिमका आरे ज्वाक्तो येम्डिम बाम्डी, “मेरामलाई क्रुसडा चेटनी! मेरामलाई क्रुसडा चेटनी!” २२ पिलातसका मेर्मिमलाई सुकखेपडा हिलाबुडु, “हेडा? येशूका हाम मेजोपा खारीबुडुम बु? ओरामलाई सेन्नु बासिकपा मेजोपा ल्वामिम ने हाम वो मेडारुवा। मेम्मिमका गो ओरामलाई कोक्तेकु रिवाका यालुमा डिसोक्पु।” २३ लावो मेर्मिमका छोम डोक्पु लोलामका येत्तो ‘येशूलाई क्रुसडा चेन्मुडा बासी’ ज्वाक्साका येम्डिम बाम्डी। मेर्मिमका येम्डिम होडडा दुस्ता। २४ मेम्मिमका मेर्मिम मुचुका ज्वाम्डिम

होडडा पिलातसका बेउ ज्वाक्ता।
 २५ रोमी सरकारकु कोर्थोलाम बक्ता,
 मा मुचु सेडडुमका चक्मा बारब्बालाई
 मुचुमिमका बिन्डिम होम्साकाडा
 पिलातसका डिसोड्डु। लावो येशूलाई
 ने मेर्मिमकु न होडडा सेन्मु लागि
 सिपाहीमिमकु ल्वाड्डा ग्वाक्तुमी।

येशूलाई क्रूसडा चेट्टिमडिम

२६ पिलातसकु सिपाहीमिमका
 येशूलाई क्रूसडा चेन्मु लागि लक्तोडा
 बेम्डिलो कुरेनी शहरडा बाट्पा सिमोन
 देललामका यरूशलेमथो रोक्तोडा लेट्पा
 डार्मिडी। मेम्मा मेरामलाई सिपाहीमिमका
 चुम्मिडीमा येशूकु क्रूस कुर्बेसाका उनी
 चडचड लाम्दी बेट्टिमडी। २७ छोम
 सेर्पा मुचुमिम येशूकु चडचड लम्डी।
 मेगोडा मेसेमिमिम वो बाम्डी, मेर्मिम
 येत्तो खाप्तो बेम्डिम बाम्डी। २८ लावो
 मे मेसेमिमिमथो रूलोसिमिडीमा येशूका
 ज्वाम्डी, “यरूशलेमडा बाट्पा रिचोनी,
 गानी आमा लागि मेस्त्राप्नी। लावो
 त्वाकाम लागि नुड ईनी चोमिमकाम
 लागि ख्राप्नी। २९ हेडालोने आरेप्पाम
 थारी वो रो, मुचुमिमका ज्वामी,
 ‘चो मेदुम्पा नुड चो मेकक्पा मा द्दु
 मेथोपा मेसेमिमिम ने आलाकाम सा।’
 ३० मेकोतिलो मेर्मिमका भ्वालाई ज्वामी,
 ‘गुकुलाई ख्रेप्किनी,’ मा पोप्चडमिमलाई
 ज्वामी, ‘गुकुडला आल्नी।’ (होसे १०:८)
 ३१ गिगियाम धक्सा होप्पाम माम्चुनीकु
 न-गोनुडमा मुचुलाई ने मेर्मिमका आरे
 बोमी माला साट्पा धक्सा होप्पाम
 छुलचोमिमलाई हाडको छोम देन्दे
 ग्वामी?” ३२ सिपाहीमिमका रूल्याम्या
 बेपा नले मुचुचिपलाई वो येशूनुडडा
 सेन्मु लागि लम्डी। ३३ मेर्मिम बुड्सेर
 ज्वाक्मा खोमडा रोम्थिमडी। मेकोतिमा

मेसिन्डा मेर्मिमका येशूलाई क्रूसडा
 चेट्टिमडी, मा रूल्याम्या बेपा मुचुचिपलाई
 वो कोले येशूकु जोपलाम मा कोडमीलाई
 पेलामका क्रूसडा चेट्टिमडी। ३४ येशूका
 ज्वाम्डी, “माम्चुनी, ओर्मिम मुचुलाई
 पाचो ग्वाक्निमी, हेडालोने मेर्मिमका
 हाम बेतोडा लेन्मी मेराम मेचमी।”
 मेम्मा सिपाहीमिमका *चिट्टा ओप्साका
 येशूकु ये-सेम दोम्डी। ३५ मुचुमिम
 येर्मिमिडीमा येशूलाई रेम्थाट्टिमडीम
 बाईडा। यहदीकु डाऊमिमका येशूलाई
 सेम्ला बेत्तो ज्वाम्डी, “ओरामका
 वाडमिम मुचुलाई सेल्लुमी, माम्चुनीका
 थुट्टिम ओराम ख्रीष्ट माला ऊ
 त्वापलाईडा सेल्लु।” ३६ येशूलाई
 जुर्पा ग्वाल थोत्तो सिपाहीमिमका वो
 नालेडाडिमडी, ३७ “गाना यहदीमिमकु
 हप माला ई त्वापलाई सेला।”
 ३८ “ओराम यहदीमिमकु हप” ज्वाक्मा
 छेखोप येशूकु बुईकुडला चेट्टमा बाईडा।
 ३९ येशूकु फाडा चेट्टिमडिम रूल्याम्या
 बेपा मुचुचिपगोडाम कोलेका गुमीलाई
 सेम्ला बेत्तो ज्वाक्ता, “गाना ने ख्रीष्ट
 मेएँ डे? ई त्वाप सेल्सामा गुचुकुलाई
 वो सेल्लिकी।” ४० लावो रूल्याम्या बेपा
 कोडमी मुचुका गुलाई भुर्तो ज्वाक्ता,
 “गाना वो गुमीका ल्वापा देन्दे ल्वात्तोडा
 बोना। मावो माम्चुनीकु डिम मेजुल्ना?
 ४१ गुची ने रूल्याम्या बेच्चिमका सिमु
 ग्रेट्पाडा बुची, लावो गुमीका ने आरेप्पाम
 मेजोपा खारी ने हाम वो बेम्डिम मिबु।”
 ४२ मेकोतिमा मेरामका येशूलाई ज्वाक्ता,
 “ए येशू, गानी हप दुम्नीलो गोलाई
 वो मिम्डीनी।” ४३ येशूका मेरामलाई
 ज्वाम्डी, “आच्छाडा गो गानालाई
 ज्वाड्डु, आनेप डा गाना गोनुड पाह्लीला
 दुम्ना।”

१२३:३४ *रोमी सिपाहीमिमका कोडनिम मुचुलाई क्रूसडा चेट्टिमडीलो आरे बेम्थालिमडी।
 सिपाहीमिमका आरे बेसाका भ-सं-२२:१८डा ज्यामा होडडा रोथिबेट्टीमीडी।

येशू सिम्डिम

४४ नेम्फूम को-न(१२) जेस्ताम बाईडा, मा मेम्लो आथाम सुक जेस्तामसम्म खोत्लेथो तुकुक्चिमका हुण्डु। ४५ नेप्सुड केकेया दुस्ताम बाईडा, मा सोरनेमगोडाम रिपा-ये थैतेधालु आस्तामा नक्फाक्चोल दुस्ता। ४६ मेकोतिमा डोक्पु लोलामका यम्डीमा येशूका ज्वाम्डी, “पाआ, गो आमा पेल ईनी ल्वाडा जुलु।” मेकोति ज्वाम्डीमा उनी साम लस्ता। ४७ ओर्मिम खोत्ले ल्वास्तुमा रोमी सिपाहीमिमकु कप्तानका माम्चुनीकु नड कोक्तो ज्वाक्ता, “आच्छाडा ओराम माम्चुनीकु न-गो होप्पाम मुचु बाईडा।” ४८ रेण्डा रोक्पा खोत्ले मुचुमिमका मेसिन्डा हाम दुस्ताम बाईडा, मेराम ल्वाम्डीमा खाप्तो मेभ्रसिक्तो उनी नेम र्लोसिम्डी। ४९ लावो येशूकु डोप्सो नुड गालीललामका येशूकु चडचड लाम्डीपा मेसेममिमका होनोवा बासाका रेप्मिडिम बाम्डी।

येशू क्लुम्मिडिम

५० योसेफ नडकाम कोले मुचु बाईडा। गु माम्चुनीकु न-गो होप्पाम मा जोपा मुचु बाईडा। गु यहूदीमिमकु डोक्पु घ्रोम्डीडाम कोले मुचु बाईडा। ५१ लावो वाडमिम डाऊमिमका येशूकु कोथोलाम बेम्डिम मुलु नुड खारी बोमुडा गु मेबासावाम बाईडा। गु यहूदियाडाम अरिमाथिया शहरडाम मुचु बाईडा, मा माम्चुनीका साखाम थोपा थारी गुका लथाड्डुम बाईडा। ५२ योसेफ पिंलातसकाडा लस्तामा येशूकु सिपा रोम बिईडु। ५३ मेकोतिमा योसेफका क्रूसलामका येशूकु सिपा रोम धाली थास्तु, मा हापा थिकाम साडखिमका दिल्लु। मेम्मा भ्वागोनो धासाका बनेबेम्मा लाले सुलुमगोनो क्लुम्डु। ५४ मेनेम डेम्सिमकाम लागि यहूदीमिम भ्रोम्सिट्पा मिक्सीवालेम नेम बाईडा, मा डेम्सिमुनेम

रोमुडा खाण्डुम बाईडा। ५५ गालीलामका येशूनुड रोक्पा मेसेममिम वो योसेफकु चडचड लम्डी, मा मे सुलुम नुड मेगोडा येशू क्लुम्मिडिम ल्वाम्डी। ५६ मेकोतिमा मेसेममिम उनी नेम र्लोसिम्डीमा येशूकु सिपा रोमडा क्लम लागि भ्रपा मुनेम्पा तेल नुड मसला रेट्मडी। मेम्मा मोशाकु डुम्लाका ज्वाक्ताम होम्साका डेम्सिमुनेम मेर्मिम डेम्सिम्डी।

येशू सिमुलाम बेम्डिम

२४ नेप्सुडलेम नेम नेमसोसोका मे मेसेममिमका डादोडा रेट्मडिम भ्रपा मुनेम्पा तेल नुड मसला लम्डीमा येशूकु सुलुमडा लम्डी। २ मेर्मिम मेसिन्डा रोम्थिम्डिलो सुलुमकु खेमलुड रिल्थाट्मा डार्मिडी। ३ लावो सुलुमगोनो हुम्डिलो मेर्मिमका डाचो येशूकु मिरोम मैडार्मिवा। ४ ओराम ल्वाम्डीमा मेर्मिम डाडया दुम्मिडिम बाम्डिलो बुबुया भ्वाक्पा ये फसिक्पा नले मुचु उनी फार्डा रेम्बेसिक्ची। ५ मे मेसेममिम छोम डिम्डीमा कुम्सिम्डी, लावो मेर्चिपका ज्वाक्ची, “नुपा मुचुलाई हेडा गानी सिपामिमगोडा माल्नीमिम?” ६ गुमी ने आसिन्डा मेबुमी, सिमुलाम बेम्डिम बु। गालीलडा बाम्डिलो गुमीका गानीनुड आरे ज्वाम्डिम ल्वा मिम्नी: ७ “मिनीचो छुलचो मुचुमिमकु ल्वाडा भ्रेन्मी, मा गुलाई क्रूसडा चेन्मी। मेम्मा सुलेमनेम सिमुलाम बगे।” ८ मेकोतिमा येशूका याचे जेम्डिम ल्वा मेसेममिमका मिम्मिडी। ९ मेर्मिम सुलुमलामका र्लोसिम्डीमा ओर्मिम खोत्ले ल्वा येशूकु को-कोड(११) सीसिपामिम नुड वाडमिम खोत्ले मुचुमिमलाई सोम्डी। १० मे मेसेममिम मारियम मग्दलिनी, योअन्ना, मा याक्बकु माम मारियम बाम्डी। मेर्मिमनुड बाट्पा वाडमिम मेसेममिमका वो थुर्मासिमलाई ओराम ल्वा सोम्डी। ११ मेसेममिमका सोम्डिम

लवा आच्छाडा होडडा मेलुमिवामका थुर्मासिमका थोर मेलुमिवा।^{१२} लावो पत्रुस हबक्तामा सुलुमथो ओन्तो लस्ता, मा कुम्स्तामा रेण्डुली सुती येकु साडखीम कोडडा लवास्तु। ओराम लवास्तुमा डाडाया दुम्तो नेम खलोस्ता।

इम्माउसडाम लाम्दीडा

सीसिपाचिपकाडा येशू रेम्बेसिम्डिम

^{१३} मेनेमडा येशूकु उनी

सीसिपामिमगोडाम नले सीसिपाचिप यरूशलेमलामका को-कोड(११) किलोमिटर को-कोडा बेट्पा इम्माउस नडकाम कोले देलथो लक्तोडा बेच्ची।^{१४} हा-हाम दुस्ताम मेराम ल्वाकु दुथाम मेर्चिपका ल्वा बेत्तोडा लट्ची।^{१५} ओर्मिम ल्वाकु दुथाम मेर्चिपका ल्वा बेत्तो नुड हिलाहिसी बेबेत्तोडा बेच्चीलो कोचोत्ति येशू रोम्डीमा मेर्चिपनुड लाम्दीम्डी,^{१६} लावो मेर्चिपका येशू मेछेचीनु ज्वाक्साका उची मिक्सी ड्यामा बाईडा।^{१७} येशूका मेर्चिपनुड हिलाबेम्डी, “गाची हामकु दुथाम हिलाहिसी बेबेत्तो लाम्दीतो लेन्ची?” उची डाली डक्चीमा मेर्चिप येम्सिक्ची,^{१८} मेर्चिपगोडाम क्लोओपास ज्वाक्साका गुमीनुड ज्वाक्ता, “यरूशलेमलामका खिसिडनीमा रोकनीमा वो आनेप-दिका मैसिन्डा हाम दुस्ताम बु ज्वाक्पा गानी मेचनीमिम?”^{१९} गुमीका मेर्चिपनुड हिलाबेम्डी, “हेप्पाम ल्वा?” मेर्चिपका ज्वाक्ची, “नासरतडाम येशूकु दुथाममिम ल्वा। गुमी युमनुडमा खारीमिम बेपा माम्चुनीलाम-जेपा मुचु मा माम्चुनीकु डादोडा नुड खोत्ले मुचुमिमकु डादोडा युमनुडमा सीपा मुचु बाम्डी।^{२०} लावो आकी डाऊ डुम्लाचोमिम नुड डाऊमिमका गुमीलाई सेंटनी ज्वाम्डीमा क्रूसडा चेन्बेटिमडी।^{२१} इस्राएलीमिमलाई बोपा-थार्पा ख्रीष्ट गुमीडा बाम्डी ज्वाक्साका गुकु

लुत्तोकोम बाईडा। ओर्मिम खोत्ले ल्वा दुस्ताम सुलेम दुम्मु दुम्स्तु।^{२२} मेम्मा आथावो गुकु उनी सीसिपामिमगोडाम कोले-नले मेसेममिमका गुकुलाई छोम डाडाया बेतीकीम बु। मेर्मिम आनेप नेमसोसोकाडा येशूकु सुलुमथो लम्डी,^{२३} लावो येशूकु मिराम ने मेडार्मिवा। मेर्मिम मेसेम ख्लोसिक्साका रोम्डीमा गुकुनुड सोम्डी, ‘गुकुनुड पाह्नीचोचिप रेम्बेसिक्ची, मा मेर्चिपका येशू नुम्डिम बु ज्वाक्ची।’^{२४} ओराम ल्वा थोम्डीमा गुकुनुड लाम्दीपा कोडनिम मुचु वो सुलुमथो लम्डी, मा मे मेसेममिमका सोम्डिम होप्पामडा मेर्मिमका डार्मिडी, लावो येशूलाई ने मेल्वामिवा।^{२५} येशूका मेर्चिपलाई ज्वाम्डी, “ए नेप्ची मान्थिम मुचुचिप, माम्चुनीलाम-जेपामिम खोत्लेका ज्वाम्डिम ल्वाडा थोर बोमू गाचीलाई छोम छोस्ताम बु।^{२६} युम-भवाक्सी डार्मु डादो हाम ख्रीष्टका खोत्ले ऊ दुखा ईम्मु बासिक्पा मेबायावा मा?^{२७} मेकोतिमा येशूका मोशा नुड माम्चुनीलाम-जेपामिमका खोत्ले माम्चुनीकु सीजेमडा येशूकु दुथाम ज्याम्डिम खोत्ले ल्वा मेर्चिपलाई थेसिथेन्बेटिमडी।^{२८} मेर्चिप रोम्थिमू बासिक्पा इम्माउस देल फार्डा रोक्थिक्ची। मेकोतिलो येशू ने आथावो किचो भाल लक्पा होडडा बाम्सिम्डी।^{२९} लावो मेर्चिपका गुमीलाई “गुचुकुनुडडा बुई हेडालोने दुडमा ज्यामु खाण्डुम बु” ज्वाक्चिम-ज्वाक्चिमडा बेच्ची। मेकोतिमा गुमी मेर्चिपनुडडा बुमु लागि नेमगोनो हुम्डी।^{३०} येशू मेर्चिपनुड पेण्डा गन्मिडी। गुमीका सोबेम भेटिमडीमा आलासो ग्वाम्डी, मा चम्डीमा मेर्चिपलाई ग्वाम्डी।^{३१} मेकोतिलोडा मेर्चिपकु मिक्सी ह्वास्ता, मा मेर्चिपका येशूलाई छेट्ची। मेकोतिमा गुमी मेर्चिपकु मिक्सीलामडा दाम्मिडी।^{३२} मेर्चिपका

उची त्वाप-त्वापडा आरे ज्वा बेच्ची,
 “गुमी गुचीनुड लाम्दीडा जेम्डिलो
 नुड माम्चुनीकु सीजेमडा ज्याक्मा
 ल्वाकु दुथाम थिसिथेन्बेसाड्डामिलो
 छोम ईची न-गो भ्रसिड्डाम बाईडा
 नी।” ३३ मेर्चिप मेकोतिलोडा बक्कीमा
 यरूशलेम शहरथो रूलोसिक्की, मा को-
 कोड(१?) सीसिपामिम, मा मेर्मिमनुड
 खोम्सिक्पा वाडमिम मुचुलाई डार्ची,
 ३४ मा मेर्चिपका मेर्मिमनुड सोच्ची,
 “डाचो येशू आच्छाडा सिमुलाम
 बक्साका सिमोनकाडा रेम्बेसिम्डिम
 रेछा।” ३५ मेर्चिप इम्माउसथो लक्तोडा
 बेच्चिलो लाम्दीडा येशूलाई डार्चिम
 ल्वा नुड सोबेम चम्डिलो मेर्चिपका
 हेसाका छेट्ची मेराम ल्वा मेर्मिमनुड
 सोच्ची।

येशू उनी सीसिपामिमनुड रेम्बेसिम्डिम

३६ मेर्चिपका ओर्मिम ल्वा सोत्तोडा
 बेच्चिलो येशू मेर्मिमकु थेतोडा कोचोत्ति
 येम्सिम्डी, मा ज्वाम्डी, “ईनी न-गो
 भ्रसीनु।” ३७ मेर्मिम छोम डिम्डी, मा
 उनी लो दाम्स्ता। मेम्मा मुनाड डे
 ल्वाकुमिम बुकु ज्वाक्पा मिम्सिम्डी।
 ३८ लावो गुमीका मेर्मिमलाई ज्वाम्डी,
 “हेडा गानी आरेसाका डिनीमिम, मा
 ईनी नगोडा मुर्सिनीमिम?” ३९ आमा
 ल्वा नुड खेलडा रेप्नी, मा गो डा सो,
 मेडिनी। लुण्डिनी, मा रेप्नी। हेडालोने
 मुनाडकाम ने सो नुड शेर मेदुम, लावो
 आमा ने बुमिम गानी ल्वात्तोडा लेनी।”
 ४० आरे ज्वाम्डीमा येशूका उनी ल्वा नुड
 खेल उनी सीसिपामिमलाई रेम्बेटिमडी।
 ४१ मेर्मिम छोम गेर्सिद्वाम्डीमका नुड
 डाडाया दुम्सिडीमा थोर मेलुमिवामका
 आथावो येम्तासिम्डी। मेम्मा येशूका
 मेर्मिमलाई हिलाबेम्डी, “हाम गानीनुड
 हाम-हुम पोमु-डुमु बु?” ४२ मेर्मिमका
 गुमीलाई चाम्मा डोकु को फ्वाक्चोल

ग्वाम्डी। ४३ मेकोतिमा गुमीका मेराम
 रम्डीमा मेर्मिमकु डादोडाडा पेम्डी।
 ४४ गुमीका मेर्मिमलाई ज्वाम्डी, “गो
 डादो गानीनुड बाडडोलो मोशाकु
 डुम्लाडा, माम्चुनीलाम-जेपामिमकु
 किताबडा नुड कोमु काम्सोकु
 किताबडा आमा दुथाम ज्वाक्मा खोत्ले
 ल्वा रोम्थिमुडा बासी” ज्वाड्डोमा
 सोउतोम बाईडा। ४५ मेकोतिमा गुमीका
 माम्चुनीकु सीजेमडाम ल्वा थिसिथेट्पा
 नेर्ची मेर्मिमलाई ग्वाम्डी। ४६ गुमीका
 मेर्मिमलाई ज्वाम्डी, “माम्चुनीकु
 सीजेमडा ओराम ज्याक्मा बु: ‘ख्रीष्टका
 छोम दुखा ल्वामुमा सिमु बासी, मा
 सुलेमनेम सिमुलाम बम्गोमु बासी, ४७ मा
 छुल उनी न-गोलामका मिम्सीसाका
 माम्चुनीडा रूलोसिमुमा पाचो ल्वामु
 लागि यरूशलेमलामका चोम्सिक्साका
 खोत्ले सामाडाम मुचुमिमलाई ख्रीष्टकु
 दुथाम थोबेन्मुमी बासी। ४८ गानी ओर्मिम
 ल्वाकु दुथाम सोपा मुचु सो। ४९ रेप्नी,
 आमा माम्चुनीका डादो ईनीमाडा उनी
 पेल थुरु ज्वाम्डिम बाईडा, मेराम गो
 थुरु। लावो माम्चुनी-पेल योमी मा
 पाहिलाम युमका गानीलाई मेलुथुमसम्म
 गानी ओराम शहरडाडा बानीम बानी।”

येशू पाह्थो कोम्सिम्डिम

५० मेकोतिमा येशूका उनी
 सीसिपामिमलाई बेथानिया देलथो
 लम्डी, मा पाह्थो उनी ल्वा कोम्डीमा
 गुमीका मेर्मिमलाई जी ग्वाम्डी।
 ५१ गुमीका मेर्मिमलाई जी ग्वाक्तोडा
 बेम्डिलो मेर्मिमलाई पार्जोल्मिडीमा
 पाह्थो कोम्सिम्डी। ५२ मेर्मिमका
 येशूकु सोरलोले बेम्डी, मा छोम उनी
 न-गो भ्रसिक्तो यरूशलेम रूलोसिम्डी।
 ५३ मेकोतिमा मेर्मिमका हाडकोलो लोवो
 सोरनेमगोडा माम्चुनीकु नड कोम्डिम
 बाम्डी।